



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Liber Secundus.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

D. IOAN. IVSTI LANSPERGII Carthusiani, in librum secundum Phare-

træ diuini amoris, & Dominicæ orationis, Angelicæ
Salutationis, Symbolicæ Apostolici suc-
cinctam & piam explicationem
Præfatio.



Lex diuina Bonitatis abundantia (qua velut abundantissimum est
mare, quod exhauriri non potest, ut abyssus in scrutabilis) con-
tingit, ut variis nominibus, sua ad nos dilectionis immensitatem
Dominus Deus noster declarari velit, qua paucis non potest no-
minibus explicari. Proinde aliquando patrem, interdum fratrem,
nonnunquam pastorem, regem quoque, ac sponsum se nominat. Pa-
trem se nominat & haberi vult propter piissimum, quem erga nos
gerit, amoris affectum. Item quod ab ipso sumus, ab ipso pendemus, & sine ipso nihil
valemus. Ideoque vult plenam nos ad se habere fiduciam, sicuti ad patrem fidelissimum.
Videte, quomodo puer quo infirmior, quo imbecillior, quantoque, ætate est minor,
nusquam recurrit, nusquam sibi tutum, nusquam sibi bene esse putat, quam apud
patrem suum. Et pater quoque, quo filium habet impotentior, quantoque, illum à
se ipso inuari minime posse nouit, eo promptior occurrit, prouidet, tutaturque, filium
debilem, deique proprijs viribus diffidentem. Eadem plane ratione, sed longe maiori
cura & fidelitate, feruentiorisque dilectione filijs suis Deus noster prospicit, maxime
si eos debiles, afflictos, aut tentationibus oppressos conspiciat. Tunc namque eos, (ut
veri patris officium requirit) gratiâ suâ roborat, donis suis ac innumeris charis-
matibus (ne in bono deficiant) confirmat, hostium vires enervat, modum cer-
tandi, & cum hostibus congregandi iter, ex sua gratuita bonitate commonstrat,
illorumque, effectum mira quadam ac ineffabili sui amoris dulcedine ad se rapit,
aliaque, innumera ipsis declarat beneficia; quo vel sic discant tempore necessita-
tis, ad se recurrere, omnem spem in se collocare, ab omnibus qua mundi sunt
se elongare, ardentemque, cælestia desiderare. Et hac præcipua causa est, quare
tam frequenter suos filios pius Dominus varijs exponat miserijs, calamitatibus
& pressuris, ut omnem proprium & mundi amorem, creaturarum quoque, af-
fectiones inordinatas in ipsis penitus extirpet & enecet: ut dum cernunt ab om-
nibus qua mundi sunt se desertos, propria itidem virtute destitutos, ad se,
hoc est, ad Dominum Deum suum (tanquam ad piensimum & beneficentissi-
mum patrem) confugiant, nihilque, extra eum in calamitosissimo hoc mundo qua-
rant,

rant, nec honores, nec hominum fauores, nec prosperitates, nec gaudia mundana, nec diuitias, nec mundi gloriam: quandoquidem hac omnia multo abundantius, imò perfectissimo quodam modo in ipso reperire liceat, ipseque nobis hac dare, & vltro, offerre (sit a tamen ipsius voluntatem, quod filiorum est, per fecerimus) est paratissimus; & vel mille modos nobis benefaciendi, gratiamque suam & diuitias gloriae suae impartiendi, querit. Sed nostra redarguenda est tarditas & ignauia, quod nunquam eius gratia recipiende nos sufficienter praeparamus, aut auscultemus ipsius interinas alloquutiones, quibus filios suos ad iter virtutum adhortatur. Praedicanda est praeter ea non minus Diuina pietas, quam miranda; quod maluerit vocari Pater quam Dominus: cò quod suauius sonet & corda tristitia citius patris, quam domini nomen recreet atque reficiat. Itaque exhibeamus nos obedientissimos tam clementissimi Patris filios, a quo tanta tamque ineffabilia nobis proueniunt indies bona, qui ut alius in filiorum cordibus tam dulco imprimeret nomen, in ipsa creationis nostrae origine dixit: Faciamus hominem ad imaginem & similitudinem nostram. O ineffabilis pietas diuina, & stupenda dignatio. Quid ultra potuit nobis facere, quod hoc verbo non perfecit? Non enim seruatorum est assimilari dominis suis, sed filiorum patri. Meminerimus ergo quanti nos faciat tam misericordissimus Dominus Deus noster, ad cuius imaginem conditi & creati sumus. Non sit nostra conuersatio in terris, sed in caelis, ubi nostrum patrem commorari gaudemus.

Gene. 1.

Postremo, ne filius orandi deesset formula, ipsa aeterna Dei patris Sapientia breuem quidem verbis, sed omni virtute & efficacie refer tam docuit orationem, dicens: Pater, &c. Quae oratione, ut norunt qui illuminatos fidei habent oculos, nihil potuit dici perfectius, nihilque absolutius. In hac continetur, quicquid nobis tam ad corporis quam ad animae sustentationem necessarium ipsa Diuina & infallibilis veritas fore duxit: & ne illius aliquando nos oblitio caperet, adiunxit: Sic orabitur &c. Huic autem Dominicae orationi, Angelica illa succedit salutatio, quae in aeterno & secretissimo super sanctissima Trinitatis consilio est formata, atque per caelestem illum paranymphum Archangelum Gabrielem caelitus ex sensu Patris emissa, Aue Maria gratia plena. Quae salutatio, quamuis nihil certi, per modum orationis exprimat, habet nihilominus miram quandam in se energiam, ad demonum insidias propulsandas, atque eorum astutias deregendas. Unde non dubium, quin ex eodem beneuolentissimi Patris nostri consilio ortum sit, ut filii sui hanc frequentarent & summa deuotione pronuntiarent salutationem; utque Matrem misericordiae, ipsam puto B. virginem Mariam, caeli Reginam & Angelorum Dominam, vna cum Angelicis spiritibus venerari & honorare discerent. Ne uem deesset, quod crederemus: ex Apostolica cura & providentia actum est, ut piis filiis breuis quadam credendi formula praescriberetur, ut scirent quid credere, quidve de Catholica & Christiana fide sentire deberent. Nam ex hac fide omnis nostra dependet salus: quando (proh dolor) tot nostra tempestate exurgunt pseudodoctores, qui sua falsa doctrina nostrae Catholicae fidei lumen: quasi obnubilare conantur, nouas quasdam sectas & dia-

bolica

bolie a dogmata introducetes, qua nec à Christo nec ab Apostolis tradita sunt. Hac omnia vt obedientes filij fugiant, p̄i patris ac Domini Dei sui vocem auscultabunt, & quid eis aut per semetipsum, aut sanctam & immaculatam suam Ecclesiam loquatur, operibus comprobabunt. Quod si fecerint, à prauorum hominum erroribus immunes se seruabunt.

PHARETRAE DIVINI AMORIS

Liber secundus, precationibus, exercitiis, variisque aspirationibus ad Deum, ad beatissimam virginem Mariam, ceterosque Sanctos refertissimus, separatim hactenus nunquam typis excusus. Quem librum, propter materiae diuersitatem, in partes quinque, vti & praecedentem, distribuimus.

Pharetræ diuini amoris libri secundî pars prima, complectens in se explanationem meditationemq̄ breuem in orationem Dominicam, Salutationem Angelicam, & symbolum Apostolorum.

Explanatio ac pia meditatio in orationem Dominicam.



Pater noster) O clementissime Domine Deus meus, tu semper quæ patrem optimum & fidelissimum decent, erga me facis: ego vero non ago quæ digna sunt filio. Sum enim prodigus ille & profugus, qui substantiam, id est, vires animæ Luc. 15 & corporis, & omnia tua dona consumpsi in peccatis. Veruntamen quia tanto tempore peccatis meis per misericordiam tuam, ô amantissime Pater, dissimulatis, per benignitatem sum sustentatus, beneficijs etiam infinitis ac inspirationibus tuis amorosis vocatus, audeo ad te reuerti clementissime Pater & dicere: Pater, peccauis in celum & coram te: iam non sum dignus vocari filius tuus: nolo tamen esse mercenarius, nolo esse seruilis seruus: sed opto esse aut filius, aut filialis seruus. O amantissime Pater quid nunc reliquum est, aut quid aliud peto, quid aliud expecto, quam vt inter paternos amplexus inter brachia suavissimæ misericordiæ tuæ suscipias & constringas me? Ecce venio, ecce curro ad te dulcissime Pater. Expande brachia tua amorosa ac paterna, & suscipe me licet indignum, licet vagum, tamen ad te reuertentem filium tuum, cognosce & recipe quem vocasti. Ecce venio ad te. Vtinam Deus meus, oh vtinam Deus meus, dignetur me pietas tua supra pectus miserationum tuarum sibi attrahere, astringere & indissolubili nexu charitatis inauertibiliter sibi colligare. *(Qui es in celis.)* O clementissime Domine Deus, quem decet sanctitudo, vtinam cor meum purifices ab omni prinate ac terreno amore, & hoc iuxta cor tuum tibi placentissimum facias habitaculum, in quo te, sicut in coelo iugiter delecter manere.

(Sanctificetur nomen tuum) hoc est, adoretur, colatur, benedicatur ab vniuersa creatura Domine Deus meus: mihi confusio & ignominia, tibi soli honor & gloria.

Vtinam omnes cognoscant, venerentur & benedicant te. Sed & ego quoq; ð glorioſiſſime Domine Deus meus, nihil habens niſi hoc corpus & hanc animam, offero tibi hæc, & quicquid ſum aut poſſum, in tui laudem, gloriam & honorem. Atq; vti-
nam des mihi, vt ex toto corde & intimis medullis animæ meæ te ſolum & gloriam
tuam æſtuanter ſitiam, purè quæram, & intendam in omnibus quocunq; te mouet
anima mea. Hoc idem opto, amantiſſime pater, fieri in omnibus creaturis tuis, vt
hoc velint, hoc agant & ita ſint, quemadmodum tu noſti aut maximè vis, ad gloriã
tuam ſempiternam. (*Adueniat regnum tuum*) Sempiternè Deus, hoc age vt in nobis
ſit regnum tuum, nihil amodo remaneat quod tibi diſpliceat, tu ſolus nos omniãq;
noſtra impleas, regas & poſſideas, tu ſolus nobis in omnibus placeas, tui amor ardè-
tiſſimus atq; perfectiſſimus nos totos abſorbeat, vt ſis nobis omnia in omnibus (*Fiat
voluntas tua ſicut in celo, & in terra*.) Eia dulciſſime & ſuauiſſime pater, hoc opto, hoc
deſidero, hoc precor, vt in me, & de me, & per me, atq; in omnibus creaturis tuis, ſan-
ctiſſima voluntas tua fiat. Ceſſet ac pereat in nobis quicquid eſt propriũ, vt tu ſolus
tecum deſideria noſtra in te rapias, atq; tibi vnias, nobisq; idem velle & nolle o-
mnia facias.

Panem noſtrum quotidianum da nobis hodie.) Piſſime & clementiſſime pater tu ſcis
quicquid nobis eſt neceſſarium, quicquid proficuum pro animæ & corporis ſalute.
Ex te enim cuncta bona ſperare habemus; à nobis verò nihil, niſi peccatum. Da ergo
vt perfectè cognoſcamus vilitatis noſtræ conditionem & indigentiam, ſimulq; cha-
ritatem & benignitatem tuam: & vt gratia tua ſemper nobis adſit, quæ nos illumi-
net, confortet, dirigat atq; perficiat. (*Et dimitte nobis debita noſtra*) Eia miſericordiſ-
ſime Ieſu, da nobis iuges lachrymas perfectiſſimæ contritionis & ignitæ charitatis,
effunde etiam ſuper nos vndant roſeam tui precioliſſimi ſanguinis, quibus à pecca-
tis, à negligentijs, ab omnibus quoq; debitis mundemur ac ſanctificemur. (*Sicut &
nos dimittimus debitoribus noſtris*) Deus meus, miſericordia mea, ego dimitto, & ſi quid
minus dimitto, obſecro te per ſingulas guttas precioliſſimi ſanguinis tui, perq; ſingulos
gemitus & ſuſpiria cordis tui, da mihi perfectiſſimam charitatem ad omnem pro-
ximum, & præcipue ad eos à quibus offendor: vt ex toto corde ignoſcam, diligam,
atq; eos mitiſſima dulcedine cordis pariter ac beneficijs ſemper foueam. (*Et ne nos
inducas in tentationem*) Illuſtra faciem tuam ſuper ſeruos tuos, & confirma nos in
gratia tua vt ambulemus inter omnes laqueos peccatorum ab omni peccato tuti ac
mundi, & inter omnes infidias inimicorum ſecuri, ſitq; nobis omnis tentatio ad
victoriam, & nulla ad ruinam, (*Sed libera nos à malo*.) culpæ & pœnæ. Libera nos ab
omni quod à te diuidit nos, ab omnibus vitijs, & concupiſcentijs, vt nullo malo ob-
noxij, & ab omni impedimento liberi, æſtuanſiſſimis deſiderijs ſemper te ſitiamus,
ad te ſuſpiremus, ad te curramus, & quæ infra te ſunt, ſaſtidiamus, donec feliciter te
perfruamur, Amen.

Explanatio ac pia meditatio in Salutationem Angelicam.

Ave) ex Patris omnipotentia, ex Filij ſapientia, ex Spiritus ſancti clementia, &
(*Maria*.) æelum & terram illuminans (*gratia plena*.) ſuperefluens &, implens
omnes te diligentes. (*Dominus tecum*) Patris vnigenitus, & virginei cordis tui
natus vnicus, amicus & ſonſus dulciſſimus. (*Benedicta tu in mulieribus*.) quæ Euz
maledictionem abſtulifti, & æternam nobis benedictionem reportaſti. (*& benedi-
ctus fructus ventris tui*) creator Dominus, omnia implens, omnia benedicens, omnia
ſanctifi-

Sanctissima (*Iesus Christus*) Splendor paternæ gloriæ, & figura substantiæ eius
Amen.

Alia meditatio pia in salutationem Angelicam.

Ave ab æterno in Dei matrem electa, ab omni peccato, ab omni macula, ab omni vix seu maledictione mulierum præseruata, de sanctissimis sterilibusq; parentibus concepta & nata, æternæ adoptionis filia (*Maria*) pulchritudine, puritate omnib; virtute & (*gratia plena*) Deo in templo oblata, & virginitatis voto primùm Deo, deinde sancto in Ioseph desponsata, ab Angelo officiosissimè salutata, in Dei matrem postulata, quæ deuotissima humilitate, fide & charitate feruentissima Deo consentiens, Deum virgo de Spiritu Sancto concepisti: (*Dominus tecum.*) in te incarnatus, & nonem mensibus gestatus in utero, qui animam tuam nunquã inhabitare desijt (*Benedicta tu in mulieribus*) quæ Elizabeth officiosè visitasti, ad cuius eloquium Ioannes in utero exultauit, prophetauitq; mater. (*Et Benedictus fructus ventris tui*) ex te sine dolore genitus, qui mundum docens & oues suas colligens pro nobis captus, flagellatus, crucifixus est & mortuus (*Iesus Christus.*) Amen.

Alia mediatio in eandem.

Ave Maria gratia plena Dominus tecum. Ah sancta Maria, vtinam eius gratia & tua semper sit mecum, & cor meum semper vobiscum. *Benedicta tu in mulieribus.* O pijsima mater Dei fac me totum secundùm beneplacitum filij tui. Et *benedictus fructus ventris tui Iesus Christus,* pro me crucifixus & mortuus. O misericordissime Iesu, Deus meus propitius esto mihi peccatori, Amen.

Explanatio ac pia meditatio in symbolum Apostolorum.

Credo in Deum Patrem omnipotentem creatorem cæli & terre) Te elementissimè Pater Domine Deus cæli & terre, te toto corde credo, adoro confiteorq; Deum meum solum, verum & viuum, bonum, increatum, æternum, summum, infinitum, immensumq; omnipotentem, cui nihil est impossibile, quem nullum latet secretum, cui omnia nuda, peruia & aperta sunt. Te cognosco, laudo & confiteor iustissimum, misericordissimum, ac mei amantissimum patrem, qui nobis dedisti potestatem filios adoptionis tuæ fieri. Credo etiam te creatorem cæli & terræ, qui ex nihilo propter teipsum, hoc est, in laudem & gloriam tuam, & in vilitatem nostram, quo tuæ bonitatis, beatitudinisq; nos faceres participes, me, mundum, & omnia quæ in eo sunt, creasti. Atq; vtinam tu me facias, vt non solum te credam, nec sibi, verbisq; tuis solum assentiam, sed etiam in te confidens, te diligens, meipsum exiens, & me in te Deum meum proijciens, fide, spe, & charitate constantissima perpetuèq; plenus in te credam, totumq; meipsum tibi tradam: (*Et in Iesum Christum Filium eius vnicum Dominum nostrum.*) Credo quoq; in Iesum Christum Filium tuum, tibi coæternum, consubstantialem, in eadem gloria, sapientia, virtute paritq; maiestate æqualem, quem tu Pater pijsime sic mundum diligens nobis (licet vnigenitum) dedisti, vt omnis qui credit in ipsum non pereat, sed habeat vitam æternam. Omnibus enim nobis ex delicto primi parentis nostri damnatis, originali iustitia priuatis, priuaricatoribus, iræ filijs, in peccato conceptis & natis, hic in mundum à te missus saluator, nobis aduenit.

Qui conceptus est de Spiritu Sancto, (natus ex Maria virgine) Non ex virili semine sed

ne sed Spiritus sancti virtute, imò sanctissima Trinitate cooperante, propter nos Deus homo factus est, vt simul particeps naturæ nostræ esset humanæ, qua idoneus foret ad soluendum pro nobis in eadem natura, quæ peccati rea satisfacere deberet, & simul diuinæ esset naturæ, vnde pro nobis satisfacere posset vnus Christus, vnus Emanuel, natus quoq; post nouem menses, quibus in vtero fuit matris, ex Maria virgine. Quam ab æterno electam, ab omni macula & peccato præseruatam, de sanctissimis deniq; ac sterilibus parentibus natam, omni gratiarum virtutumq; plenitudine ornatam sibi dignissimam fecit matrem, quæ illum virgo conciperet, virgo pareret, & dolorem in partu nullum sentiret. Quo autem à morte nos æterna redimeret (*Passus sub Pontio Pilato, crucifixus, mortuus & sepultus est*) Passus est, inquam, clementissime Pater Filius tuus, te illam ad mortem pro nobis tradente, ab illo se vltro offerente. Siquidem captus pro nobis, cæsus, confusus, flagellatus, spinis coronatus, ante tribunal stans, ad mortem damnatus est: tandemq; reprobis sociatus, crucifixus, mortuus & sepultus est. (*Descendit ad inferna, tertia die resurrexit à mortuis*) Vbi mortem nostram moriendo destruxerat, ad inferna descendit: non dolores, nõ captiuitatem inferni passurus, sed captiuos inde suos amicos educturus: (*Mortuus est autem propter delicta nostra, & resurrexit propter iustificationem nostram*): (*Ascendit ad caelos, sedet ad dexteram Dei Patris omnipotentis*) Vbi nunc vultui tuo ò Deus Pater assisit pro nobis. Ipse quidem primogenitus ex mortuis ad te redijt, nosq; propterea credimus nos resurrecturos tua virtute, & Christum Filium tuum tanquam membra suum caput sequuturos. Sedet enim ad dexteram omnipotentis tuæ, cui data à te est omnis potestas, ò clementissime Pater, in cælo & in terra.

Rom. 4. v. 25

(*Inde venturus est iudicare viuos & mortuos*) Hoc generaliter tunc omnibus in nouissimo fiet die, quando oues ab hædis separabuntur, vniuersiq; simul in corpore & anima, iuxta quod meritimus, & secundum opera nostra ibimus aut in vitam æternam, aut supplicium æternum, quamuis in morte cuiusuis singulare nihilominus futurum sit iudicium, quo animæ reproborum ignem recipient æternum, animæ vero electorum, si ab omni fuerint expiata peccato, confestim (*Si vero adhuc purganda fuerint, per ignem*) in vitam æternam ibunt. Quare in te Iesu Christe Fili Dei viui credo, te Deum meum adoro, te deniq; vt incarnationis, passionis ac mortis tuæ virtus in me non frustretur, aut pereat, te per vulnera tua obsecro: quin potius tua opera, tua beneficia, passionem quoq; ac mortem tuam, ad d. profunde quæso cordi meo inscribe, in illis memoriam meam absorbe, vt tua vulnera mea sanent, tuæ me spinæ compungant, tua me flagella expurgent, passio tua me ad compatiendum extimulet, charitas tua me inflammet, tuatq; mors à peccatis & omnium peccatorum, pœnis me absoluat, liberet ac saluet (*Credo in Spiritum sanctum*) de te ò clementissime Pater, de Filioq; vnigenito tuo procedentem, quem credo vobiscum vnum esse Deum, vnam eandemq; vobis tribus personis simul esse naturam, vnam maiestatem. Hic nobis inspirat tuam voluntatem instruitq; ad omnem virtutem.

Quare te quoq; benignissime consolator, Spiritus sancte Deus adoro, benedico & tibi gratias ago pro cunctis inspirationibus bonis, pro illuminatione fidei & tui nominis agnitione. Inflamma tu quæso & vre cor meum inextinguibili charitate, castissimo amore, feruentissimoq; tui desiderio, ò amor ardens & charitas nõquam deficiens.

(*Sanctam Ecclesiam catholicam,*) credo quam Christus suo redemptam sanguine in sponsam sibi consecrauit, quam Spiritus veritatis viuificat, illustrat, regit, nec vnquam

vnquam deserit. Quamobrem te beatissima Trinitas laudo, adoro & benedico, que in hanc Ecclesiam, in hanc fidem orthodoxam, & v. corporis Christi mystici essem membrum, misericordia tua me vocasti. (*Sanctorum communionem*) ab initio vsque ad mundi finem credo fuisse, esse, futuramq; esse turbam iustorum, Deum timentium, colentium, credentium, idemq; sapientium, qui fidei vnitatem, spei communionem & charitatis glutino iuncti, vno hic spiritu reguntur, mercedem vniam expectant, vnus patris filij & heredes. vnus quoque ciuitatis celestis, puta Hierusalem, futuri ciues. Horum obsecro te Deus, per omnes miserationes tuas, participem me factimentium te, & custodientium mandata tua. (*Remissionem peccatorum*) nihilominus credo, quoniam tu pater misericordissimus es, qui non vis mortem peccatorum, sed magis vt conuertantur & viuant. Tu enim vt nubem deles iniquitates nostras, aded, vt si peccata nostra fuerint vt coctus rubra, te miserante, quasi nix alba erunt: (*Carnu resurrexerunt*) credo, & Saluatorem expecto, qui in nouissimo die suscitabit de terra mortalia corpora nostra, configurabitq; eadem in electis corpori claritatis lux,

Et vitam eternam credo, & de misericordissima tua liberalitate o Deus clementissimèq; pater, hanc expecto: que vtique est plena felicitas, omnia desideria satians, cui nihil deest quod amatur, aut desideratur, cui nihil quoque adest quod fugitur, vbi nullus timor, nullus dolor, nulla tristitia: sed pax, gaudium, quietes, securitasq; interminabilis, cuius similitudinem nec oculus vidit, nec auris audiuit, nec in cor hominis ascendit. Vbi tanta gaudiorum satietas, vt nihil vltra possit desiderari: nec tamen ex satietate est fastidium. Hoc gaudium in te est Domine Deus meus, qui tua beatitudine, que tu ipse es, electorum tuorum imple desideria omnia, aded vt extra te his nihil libeat, quandoquidem in te habent omnia, & hoc aded exuberanter, vt nihil eos vltra possit aliud delectari. Tu enim es vita nostra eterna & beatitudo, quam precor obsecroq; te per te ipsum Deus meus, quoniam ex me ipso nihil sum, nisi esca infernalis gehennæ, qui nihil nisi æternum supplicium merui, vt pro infinita misericordia tua hanc mihi dones beatitudinem, nempe te ipsum, peccata mea in hac vita nunc delens, plenèq; omnia remittens, vt ex hac vita egrediens in morte absque vlllo medio aut dilatione à te, felix & gaudens recipiar, tibiq; post hac inseparabiliter & perpetuo beatus inhæream. Amen.

Basis seu fundamentum totius humana salutis.

Tota salus nostra in hoc consistit, vt tres suprema vires animæ, nempe Memoria, Intellectus & Voluntas, que si bene in Deo conseruentur & retineantur, rectè itidem habent vires infimæ, puta Rationalis, Concupiscibilis & Irascibilis, per amorem Deo coniungantur, atque vnitè semper conseruentur in nuda animæ essentia, quam Deus perpetuo presens inhabitat: Itemq; vt vires infimæ magno studio cohibeantur & custodiuntur, ne tentationi succumbant, sed sint semper viribus supremis morigeræ & subiectæ: Atque vt septem animæ affectiones, videlicet, Spes & Timor, Amor & Odium, Gaudium & Dolor ac Pudor sint rectè iugiter, ac ita vt decet relata in Deum. Corpus quoque in spiritus seruitutem redigatur: & homo totus sit sui habitator, & custos conscientie suæ, ac suo fundo inuigilet, & externam omnem non necessariam, quoad potest vitet occupationem: atque in summum illud & præstantissimum bonum, quod intra se habet, nempe Dominum Deum suum, sese demergat, vt ipse solus intima illius penetralia sibi vendicet & possideat, qui est vita & lux hominum.

num, lucens & viuens per seipsum in vnaqualibet anima rationali, idq; in fundo, seu intimis recessibus illius: quo nullus penetrare potest, nisi solus Deus, Trinitas adoranda, ad cuius imaginem condita est.

Ioan. I.

Lumen di-
uinum vti
in anima
operetur.

Vita sancta
viti obtineatur.

Vbi igitur anima postpositis rebus quibuslibet externis ad hoc splendidum lumen, quod in ipsa est, contemplandum intro se recipit, creditq; Deum esse lumen ipsum, quod in tenebris lucet, & anime praesens adest, idemq; lumen ipsa anima obseruat & sequitur, tantum lumen hoc in anima operatur, purgat atq; in suam originalem iustitiam reducit. Id vero nullis humanis laboribus aut studijs solis obtineri potest, sed gratuito Dei munere & operatione praestatur. At nihilo minus exigit à nobis Deus, vt nos huc accommodemus & appareamus per fidem viuam, qua credamus Deum perpetim intra nos commorari, atque per sinceram nostri abnegationem & resignationem in Deum, itemq; per virium animae adunationem & perpetuam à creaturis auersionem, & ad interiore[m] hominem propensionem, atque per crebras ad Deum aspirationes amorosas, cordis humiliationem, intentionis recludendam, in cunctis actionibus nostris morum honestatem, ac perurgilem sensuum refrenationem. Enimvero sancta vita & salus vera citius obtinetur simplici introversione quam alta contemplatione, & amara aspiratione, quam dura & inmoderata exercitatione atque assidua oratione potiusquam externo labore. Et haec iam dicta velut fundamentum quoddam erunt totius spiritualis aedificij: quod qui negligunt, parùm proficiunt: sed quo ascenderint altius, eo cadent grauius: quo processerint longius, eo amplius aberrabunt, & quo extra se saepius egressi & euagati fuerint, eo tardius ad se reuertentur & Deum difficilius reperient.

Christi merita, vt nostra fiant, quomodoq; nostras actiones & passionibus cunctas Christi actionibus & passionibus vnire debeamus, in-
situtio succincta.

VT merita Christi nostra fiant, curandum est, vt eius ardentissima charitati eiusque purissima intentioni & actioni quacumque agimus patimurue vniamus, cum plena nostri resignatione, tradentes nos illi in gloriam ac beneplacitum eius. Quod vbi fecerimus, dabit se procul dubio & omnia que habet nobis Deus. O saluberrimum commercium. Quis enim mercedem non stultissimus diceretur mercatorum, qui dare nollit modicum cupri pro grandi massa auri, aut silicem pro margaritis? Haec autem spiritualis negotiatio in hoc versatur, quod omnia que agis quaeque pateris iam spiritalia, quam externa opera corpori necessaria, vnias operibus & passionibus saluatoris nostri Iesu Christi. Deinde etiam qua ore loqueris aut animo meditaris, renouata saepius intentione, eiusdem verbis & cogitationibus vnias, ipsi eadem commendans & offerens ad laudem & gloriam ipsius, & ad communem, Ecclesiae salutem. Verbi gratia sic dicendo, ante vel post aliquem actum.

Domine Iesu in vnione amoris, quo Patrem pro nobis laudasti vel orasti, siue laborare dignatus es in terris, da mihi laudes, orationes siue labores hos dignè perficere, & tibi offerre ad laudem tuam & Ecclesiae salutem. Aut hoc modo.

Domine Iesu Christe in vnione amoris quo pro nobis homo fieri & mori dignatus es, offero tibi istud ad laudem tuam & Ecclesiae salutem. Similiter quoties deliquisse te senseris, mox verè penitens offer Patri in expiatione delicti tui, quod Filius pro te fecit & sustinuit: & te in gratiam redisse non dubites. Itaque hoc modo cuncta bona opera nostra valde nobilita, valdeq; efficiuntur fructuosa: vtpote qua sic Christi meritis per intentionis oblationem vnita, eiusdem efficiuntur opera seu merita.

Et quantum ad communem Ecclesiae frugem, si qua nostra sunt bona, hoc modo oblata

in Christi meritis absorberentur, quomodo gutta aqua dolo vini immissa solet absorberi, non tamen pereunt nobis nec euanescent, sed oportuno tempore feliciter conseruata, nobilitate multiplicataq; nobis reddentur iuxta cuiusvis intentionis puritatem. Secure igitur offeramus nostra minima meritis Christi hoc modo vnita in sinum matris Ecclesie, vt in salutem cedant omnium Electorum Christi membrorum. Inde etiam non solum nullum patiemur detrimentum, sed ex diuitijs quoque Christi maximum obtinebimus lucrum. Tunc enim teste Gregorio nostra magis sunt nostra, cum coperint fratribus esse communia. Nam omne bonum quanto communius, tanto perhibetur diuinius. Quicquid igitur agimus, in merita illud dominice passionis offeramus, vt inde efficaciam & virtutem assequimur tempore necessitatis. Nam & si vile ac modicum sit quod damus, bona tamen voluntas maiora offerendi, si facultas adesset commendabit opus, atque ad iustam perficiet mensuram. Quid enim ditius bona voluntate?

PHARETRÆ DIVINI AMORIS Libri Secundi Pars II.

Complectens in se exercitia effusionesque cordis, quibus anima quæcunque deuota die noctuque sese ad sui abstractionem & introuersionem possit exercere, atque ex singulis quæ occurrunt inuenire vel materiam orandi, vel occasionem eleuandi se ad

Deum,

Conscientia vti sero sit examinanda.



Anima queuis Christiana Deoq; deuota, omni sero sese introuertere debet, & omnia interiora sua discutiendo aduertere, qualiter adnotationes diuinas, & instinctum Spiritus sancti secuta fuerit, siue eis se resistit: an etiam lumen, siue reprehensiones conscientie extinxerit, vel eis aduersata fuerit: an etiam aliquo membro recesserit à viuo speculo veritatis: & an exterius etiam aliquod statutum, siue ordinationem transgressa sit: vtrum etiam aliquem verbis vel operibus laeserit, siue impediērit: an per detractionem alicuius famam minuerit, aut aliquem in re qualibet despexerit: vtrum etiam aliqua in re delectationes carnis, concupiscentias oculorum, aut superbiam vite occulte, quasi sub specie boni, secuta sit, siue in verbis, siue in operibus, in eundo vel stando, comedendo siue bibendo. Vtrum in omnibus operibus vel dimissionibus suis, Deum purè quesierit atque dilexerit, vel suam potius sensualitatem ac delectationem aliquatiter occultè quasierit & secuta sit. Radix namq; corrupta intentionis profundè nimis in fundo cordis abūta iacet. Ideoq; si coram Deo recta & pura debeat esse intentio, ipsi fundo cordis vigilantius est intendendum. Vtrum denique aliquid per quinque sensus suos intrare permiserit, quod anime pacem turbauerit, eamq; grauauerit.

De his igitur alijsque defectibus, quos in seipso quotidie vnusquisque deprehenderit, & in quibus se reum agnouerit & excessisse aduertent, humiliter veniam postulare, & à Deo gratiam petere debet, orans ipsum, vt per amarissimam passionem suam ipsius misereri, & per eandem pro omnibus peccatis ipsius satisfacere, omnesq; negligentias eius supplere velit:

1 2 vtq;

viq; per merita sauciati corporis sui, dolorosa anima sue, & gaudiosi spiritus sui se in corpore, anima & spiritu mundum & aptum facere, & esurientem animam illius reficere, & in se totaliter transformare dignetur.

Quando vis ire dormitum sic precabere.

Domine Iesu Christe, in vnione amoris quo istud nobis commodum creasti, & ipse in terris propter nos vti voluisti, iam illud suscipio, tibi in aeternam laudem, & corpori meo ad necessitatem.

Quando intras lectum dicito.

Pax Domini nostri Iesu Christi, integritas beatissimæ semper Virginis Mariæ, signum sanctæ Crucis, virtus dominicæ passionis, custodia sanctorum Angelorum, & intercessio omnium Sanctorum, repellant à me omnes inimicos meos, custodiantq; me ab omni peccato, ab omniq; periculo corporis & animæ, Amen.

Antequam obdormias, Oratio.

Domine Iesu Christe, tua vera diuinitas mihi benedicat, tua sincera humanitas me custodiat, tua benignissima pietas me foueat, & amor tuus suavissimus in æternum me conseruet.

In te dulcissime Iesu, in vulnere lateris tui, in corde tuo dulcissimo, & sub pallio benedictæ matris tuæ, ad pedes Dominiæ meæ dormiam & requiescam, Amen.

Somno iam irruente, Precatio.

Dulcissime Iesu, fac me requiescere super pectus tuum, da mihi trahere anhelitum sacrum de sanctissimo corde tuo, vt spiritus tuus suavissimus insuat in animam meam, atque rursus totum spiritum meum post se trahat, in se absorbeat, atque inseparabiliter sibi vniat, Amen.

Post somnum, Precatio.

In nomine Patris, & Filij, & Spiritus sancti, in nomine Domini mei Iesu Christi surgo, qui me redemit suo sanguine pretioso. Ipse me dignetur custodire ab omni malo, & implere omni bono, in anima & corpore meo, Amen.

Quando mane surgis sic orabis.

In nomine Patris, & Filij & Spiritus sancti. In nomine Domini mei Iesu Christi crucifixi, cuius morte sum redemptus, cuius pretio sum emptus, de lectulo nunc surgo. Ipsum adoro, laudo, benedico & glorifico, per quem sum, viuo & subsisto. Ipse me liberet & custodiat ab omni peccato. Ipse me regat, confirmet & possideat in omni bono, & post hanc miseriam vitam, perducatur ad æternam requiem, Amen.

Mane quando surrexisti, adora Deum & sanctissimam benedic Trinitatem, dicens.

Adoro, laudo, & benedico te ó Trinitas super benedicta, Deus meus, gubernator, protector & saluator meus, vita, dulcedo & corona mea, in quo omnia, ex quo omnia, & per que omnia. En offero me indignissimam creaturam tibi in gloriam & beneplacitum tuum. Eripe me de inimicis meis, id est ab omnibus que tibi displicent. Domine ad te confugi, eligens te pro omnibus & super omnia: doce me facere voluntatem tuam in agendo & patiendo, in volendo & respiciendo, quia Deus meus es tu, O Deus meus, & ego creatura tua, ad nihil tibi utilis, ta-

men,

in me creatura tua sum Domine Deus meus, miserere mei. O vtinam eorum vnum esse merear perpetuo & inauertibiliter. Fiat voluntas tua in me o Deus meus & omnia, Amen.

Benedicta fit pijsima mater tua o Christe Iesu, & omnes Sancti tui in caelis, omnesq; qui te diligunt in terris, Amen.

Egressus de lecto, humi prostratus Dominum adora hoc vel simili modo, dicens.

ADoro te dulcissime Iesu, gratias immensa tuas erga me charitati, qui pro me es captus, ligatus, de iudice ad iudicem ductus, & morte turpissima interemptus. En Domine mi clementissime, ab hoc tempore & deinceps totum me tibi trado ac offero captiuum, atque in omne beneplacitum tuum me resigno, orans vt hodie & quotidie vinculis ardentissimae tuae charitatis me astringas, adeoq; tibi inseparabiliter vnias, vt abs te recedere, aut me auertere a te neque possim, neque velim, Amen.

Ad beatam Virginem Mariam, Precatio.

AD pedes sanctitatis tuae o benedictissima Dei Genitrix Virgo Maria me profero, suppliciter veni petens de omni irreuerentia & iniuria, quam tibi & dilecto filio tuo Domino meo Iesu Christo exhibui, quod eum propter gravissima scelera mea vendidi, captiuum, & Iudaeis interficiendum tradidi. Rogo te iam pia mater, ignosce mihi peccatum hoc magnum, & in gratiam tuam me recipere. Esto mihi benigna & placata, hostiumq; meorum infidias a me repelle, atque pro filio tuo me recipere, & secundum purissimi cordis tui desideria me regere dirige, Amen.

Inclita, pura, pia, gloriosa Virgo Maria

Sis salutata, per vires mille beata

Me tibi mente pia, commendo Virgo Maria

Tu mihi saluatrice, sis semper & auxiliatrix.

Salve mater pietatis, & totius Trinitatis nobile trichinium.

Salve splendor firmamenti, tu caliginosa menti desuper irradia. Amen.

Ad supersanctissimam Trinitatem adoratio supplex.

ADoro & benedico te o Trinitas sancta Deus meus & omnia gratias ago tibi pro custodia, sapientia & benignitate tua, & pro cunctis beneficijs tuis, quibus caelum, terram & omnia quae in eis sunt, in tempore & aeternitate impleas, & me ingratisimum atque miserimum peccatorem vsque in hanc horam perduxisti. Tibi offero, commendo atque resigno me totum, & quicquid intra aut circa me est in tui amorem, laudem & gloriam. Aufer a me, quicquid tibi displicet in me, & da mihi, quicquid tibi placet. Dirige & posside me iugiter secundum beneplacitum tuum, Amen.

Salutatio matutina supplex ad eternam sapientiam.

ANima mea desiderauit te in nocte, sed & spiritu meo in praecordijs meis de mane vigilabo ad te o praeclearissima sapientia, petens, vt desiderata tua praesentia omnia aliena in corde meo praeueniat, penetralia cordis mei tua gratia perfundat, peccata, vitia, & mala mea cuncta a me tollat, virtutibus cunctis me impleat, & amore inextinguibili vehementer in me accendat.

Et nunc dulcissime Iesu Christe, ad me quae so conuertere, & gratissimam faciem tuam mihi ostende: quia & ego ad te diluculo conturgo, teq; ex intimo cordis

mei affectu saluto, optans vt millia millium cœlestium agminum tibi ministrantium, te ex me saluent, & decies millies centena millia tibi assistentium te ex me glorificent, & omnia præclara desideria sanctorum omnium te ex me honorificent: & vniuersa melodia omnium creaturarum te ex me collaudent, teq; exorent, vt mihi des bonam mortem, peccatorum plenam remissionem, & æternam salutem, Amen.

Confessio succineta mane vel sero deuota mente ruminanda.

Confiteor tibi Domine Deus, ego peccator miserrimus, & totus abominabilis, omnia peccata mea (innumerabilia enim sunt, & maxima, & horrenda) omnes peccatorum meorum circumstantias, omnes negligentias, vitiorum passiones, ingratitudeq; meas, quas à primæua ætate mea commisi vsque nunc, & quorum participem me feci. Multos enim Domine Deus meus, verbis, exemplo, peruersa mea conuersatione, alijsq; occasionibus ad peccandum induxi, & animas, pro quibus tu sanguinem tuum effudisti innoxium, tibi abstraxi, & in damnationem misi.

Pro quibus omnibus, & meis, & alienis flagitijs, tuam infinitam deprecor bonitatem, vt propter passionem & mortem tuam, quam pro nobis subiisti, cuncta deleas & plenariè dimittas, mihiq; dulcissime Domine ignoscas. Decet enim te maximum, pijsimum, potētissimum & misericordissimum, miseris, egentibus & præter te, & nisi à te nihil aliud habentibus, magnum miserationis & largitatis impedire beneficium, quantoq; fragiliores sumus & miseres, tanto copiosior me gratiæ tuæ benedictionem super nos effundere, atque ad te ruptis peccatorum nostrorum vinculis trahere, vt quæ beneplacita sunt tibi, faciamus semper, Amen.

Quando horarum auditur signum, Precatio I.

Adoro, laudo, & benedico te misericordissime Iesu, gratiasq; ago tibi pro amarissima innocentissimæq; passione tua ac morte, & pro omnibus beneficijs charitatis tuæ, vni in gratissimo peccatori (quem vsque ad hanc horam misericorditer sustines) exhibitis. Obsecro autem te per singulas guttas pretiosi sanguinis tui pro me fusi, da mihi veram ac iugem contritionem pro peccatis meis, emendationem vitæ meæ, & imitationem vitæ tuæ, secundum beneplacitum tuum.

Domine Deus meus, conuerte ab hac hora & posside me totum secundum beneplacitum tuum, & in me, de me, ac per me sanctissima voluntas tua semper fiat. Dulcis Iesu, auge & confirma super me gratiam tuam, & da mihi quicquid tibi placet, Amen.

Ad horologij signum, Precatio II.

Amantissime & misericordissime Deus, gratias ago excellentissimæ Maiestati tuæ pro cunctis beneficijs & donis tuis, quæ ex gratuita tua pietate mihi ingrato vnquam exhibere es dignatus, & præcipue pro omnibus his, quæ pro me & pro totius mundi salute hac hora vel agere, vel sustinere dignatus es.

Illustra quæso me gratia tua, & fac me hac hora omnibusq; momentis meliorem tibi placentior fieri, & concede mihi veram requiem pacenti cordis, vt iugiter cum omnibus sanctis te collaudem. Hoc idem rogo pro omnibus fidelibus tuis, maxime pro fratribus meis, parentibus, amicis & recommendatis, & pro quibus tenor vel tu desideras, Amen.

Ad he-

Ad horologij signum, Precatio III.

Benignissime Domine Iesu Christe, pro omnibus singulisq; doloribus, iniurijs, blasphemijs, passionibus, vulneribusq; que tibi propter peccata mea hac hora inflata sunt, quodq; gratuito me creare, redimere, peccantem tollere, ad statum poenitentiae vocare, atque à multis malis periculisq; tam animæ quàm corporis præseruare es dignatus, te adoro, laudo, benedico inmensasq; gratias ago, rogans te per te metipsum, vt omnibus miseris & afflictis, peccatis obnoxijs, erroribus implicitis, tærationibus grauatis, calamitatibus oppressis, & dæmonum caliditate astutiq; deceptis, gratiam tuam concedere digneris, vt propria carnis infirmitate deuicta, dæmonumq; insidijs superatis, te sine impedimento sequi, tuæq; sanctissimæ humanitatis vestigijs toto conatu insistere possint.

Succurre etiam omnibus miseris desolatisq; animabus in purgatorii igne detentis, quarum nulla vel modica habetur à viuis memoria, & largire illis requiem, pacem & gaudium sempiternum. Tuæ namq; sunt, mi Domine, creaturæ per te creatæ, à te redemptæ, & per te solum liberandæ ac saluandæ.

Exercitium quinquaginta veniarum seu adorationum ad Saluatorem nostrum Dominum Iesum benedictum, pro beneficijs vite ac passionis eiusdem deuotissimum, quod partim in die (partim ad Canonicas horas, quomodo vnicuique magis congrui) poterit diuidi.

Expedi autem, vt singulas adorationes sub vniuerso Exercitio, aut vocalibus, aut mentalibus his factas verbi. Adoro te elementissime Iesu, Domine Deus meus & gratias tibi ago pro &c.

Obserua etiam, vt si corporalis adoratio à deuotione te impediatur, corporali adoratione relicta adora Deum mente ac spiritu, gratias agens quod inter alios quoque homines constitutus, aut corpore debilis, licet solus & ab alijs abstractus, simili potes facere modo.

Inter Nonam & Vesperas.

Procide, ad genua, & peccata tua recolens atque ingemiscens dicito.
Deus propitius esto mihi peccatori, pro quo in crucis patibulo dignatus es mori.

*Hoc modo ad singulas horas iuxta diuisionem presentem cum gemitu & tuiusmodi humi-
liatione propter peccata tua facto. Deinde decies Christum adora & gratias age.*

Adoratio prima.

Adoro te clementissime Iesu Domine Deus meus, & gratias tibi ago, quia
propter me factus es homo. 1

Adoro te &c. pro ingressu & incolatu tuo in mundo, qui famem, sitim, &
reliqua corporis incommoda propter me patiens pertulisti. 2

Adoro te pro exilio, vilitate, hominumq; contemptu.

Adoro te pro obedientia Patri tuo celesti exhibita in obseruantia legis, pu-
ra, circumcissionis, festorum &c. & matri, quando parentibus fuisti subditus. 3 4

Adoro te, quod in Iordane baptizari & in deserto pro me voluisti tentari. 5

Versus memoriam iuuans.

Conceptus mala fert, pauper, obtemperat, aquis.

1 4

Pre

Pro contritione, precatio.

Misericordissime Iesu, respice me quæso oculis misericordie tue, & da mihi pro peccatis meis intensissimam contritionem, qua peccata, ingratitude meam, tuas item iniurias, tuique contemptum in me & in alijs ex tuo corde meo lugeam die ac nocte, Amen.

6 Adoro te pro laboribus & fatigationibus in predicando, discurrendo, salutemque nostram procurando toleratis.

7 Adoro te, pro miraculis, & beneficijs tuis infirmis & egenis exhibitis.

8 Adoro te pro misericordia & benignitate poenitentibus & vocandis peccatoribus clementer exhibita.

9 Adoro te, pro persecutionibus, dolis, iniurijs & opprobrijs toleratis.

10 Adoro te quod cum palmis gloriosè à turba os receptus, sed paulò post conspirantibus Iudæis, à tuo discipulo venditus.

Versus memoriam iuuans.

Prædicat & sanat, pius est, iniuria, palmis.

Pro emendatione vite, Precatio.

Misericordissime Iesu per omnes labores tuos te obsecro, da mihi iustum pro peccatis meis, & totius vite meæ perfectam emendationem, ut à cunctis vitijs, ab omnibusque creaturis auersus, & ad te totus conuersus, tibi inauertibiliter perpetuè in hæream, Amen.

Sero somnum capturus, ad genua procide, & recolens peccata tua, ingemiscensque, dic. Deus propitius esto mihi miserrimo peccatori, pro quo in patibulo crucis dignatus es mori. Deinde quinquies Deum adora.

1 Adoro te &c. pro cena legali & lotionem pedum discipulorum tuorum.

2 Adoro te pro institutione venerabilis sacramenti Eucharistiæ, & pro suavissimo sermone.

3 Adoro te pro tristitia & pauore.

4 Adoro te pro oratione in monte Oliueti & pro compatentissima discipulorum visitatione.

5 Adoro te pro agone, pro sanguineo sudore, & pro plenissima tui resignatione.

Versus ad memoriam inuandam,

Dum lauat, instituit, tristis, visitans quoque sudat.

Pro charitate, Precatio.

Mansuetissime Iesu Christe feruentissime amator, quid orem, nescio, sed fac ut ardentissima charitate te diligam, vite tue vestigia deuotus imitari valeam, tristissima quæque tui amore libenter recipiam, hilariter feram, & iuxta omne beneplacitum tuum totus in te resignatus, tibi que perfectissime obediens inauertibiliter in hæream, Amen.

Ad Matutinas, procide ad genua & peccata tua recolens, ingemisce & dic. Deus propitius esto mihi miserrimo peccatori, pro quo dignatus es in crucis patibulo mori. Deinde quinquies Deum adora.

Adoro te clementissime &c. pro dira tui captione, crudelique hostium inuafione, quando ad passionem illis ibas obuius.

Adoro te, pro tumultuosa tui deductione ad Annam, pro superba interrogatione tui facta, & pro contumeliosa alapa tolerata.

Adoro

Adoro te pro afflictione & compassione cordis tui erga tuos, qui à discipulo es venditus, ab alijs discipulis derelictus, & à Petro ter es negatus. 3

Adoro te, quod ab iniquis testibus accusatus vt blasphemus & reus mortis es iudicatus. 4

Adoro te pro multiplici illusione ac iniuria qua hac nocte es affectus, puta, cæsus, consputus, velatus, colaphizatus. 5

Versus pro memoria.

Captus, ad Annam, negat, reus est male cæsus.

Pro humilitate precatio.

Misericordissime Iesu, per immensam charitatem tuam obsecro te, da mihi profundissimam humilitatem, qua peccata & vilitatem meam omnem perfectè cognoscam, sancto odio me despiciam, & ab omnibus despici & nesciri diligam, Amen.

Ad Primam procidens ad genua & peccata tua recolens ac ingemiscens, dicito, Deus propitius esto mihi peccatori &c. Deinde quinquies Deum adora.

Adoro te &c. quod adductus Pilato & accusatus tacuisti. 1
Adoro te quod ad Herodem missus, accusatus es & spretus. 2
Adoro te, quod ad Pilatum reductus, alba es veste illusus. 3

Adoro te quod ad columnam nudus voluisti ligari. 4

Adoro te quod acerbissimè flagellatus vidisti nobilissimum sanguinem tuum pedibus conculcari. 5

Versus pro memoria iuuanda.

Accusant, regi, luditur, nudumque flagellant.

Pro patientia & mititate, Precatio.

Misericordissime Iesu, omnem iram, impatientiam, amarulentiam, & quicquid mansuetudini aduersatur, in me extirpa, occide & tolle à me. Da mihi cum perfectissima mititate & mansuetudine cordis, quæcumq; aduersa de manu tua hilariter suscipere, eaq; non solum patienter, sed etiam amanter atque cum gratiarum actione sustinere, Amen.

Ad Tertiam procidens ad genua & peccata tua recolens, ingemisce, & dic: Deus propitius &c. Deinde Deum quinquies adora.

Adoro te, pro pœnis toleratis, quando purpura amictus, spinis es coronatus. 1

Adoro te, pro illusione, qua fuisti adoratus, salutatus, & in caput cæsus. 2

Adoro te pro eductione, quando vix homini similis monstrabaris, insatiabili Iudæorum inuidia clamante, vt crucifigaris. 3

Adoro te, quod latrone Barraba dimisso, tanquam sceleratior tu ante tribunal es adductus & ad mortem damnatus. 4

Adoro te, quod crucem tuam ferens, anxius, ineurnatus suspirans, gaudentibus inimicis, & amicis flentibus, vestigia post te sanguinea reliquisti, & præ dolore tandem deficiens in oculis matris corruisti. 5

Versus memoriam iuuans.

Spinis, deludunt, monstrans, sententia, portas.

Pro castitate & puritate cordis, Precatio.

m

Mise-

Misericordissime Iesu, purifica quæso cor meum ab immundis, vitiosisq; cogitationibus, ab impuris affectionibus, à pravis inclinationibus, & motibus, & da mihi perfectissimam, mundissimam, perpetuanq; mentis & corporis castitatem, Amen.

Ad Sextam prode ad genua recolensq; peccata tua ingemisce, & dic: Deus propitius esto, &c. Deinde quinquies Deum, adora.

Adoro te clementissime &c. pro tui denudatione, pro dolorum, vulnorumq; tuorum renouatione ante crucem.

Adoro te pro corporis tui extensione super crucem, pro manuum ac pedum tuorum perforsione ac crucifixione.

Adoro te pro crucis eleuatione, & pro crucipendentia tua tribus horis, & tribus clavis tolerata.

Adoro te pro charitate ac benignitate tua, qua orasti pro tortoribus, qua latroni quoque paradysum promisti.

Adoro te pro blasphemia illusioneq; quàm à prætereuntibus crucem pertulisti.

Versus memoriam iuuans.

Nudant, extendunt, pendens, ignoscitque, Vah qui.

Pro compassione, Precatio.

Misericordissime Iesu, aufer à me cor durum & impium, & da mihi cor misericordissimum, pijsimum, compatiensimum ac fidelissimum secundum cor tuum, quo omnes præcipue inimicos diligam, omnibus libenter & amanter subueniam, seruiam ac beneficiam, Amen.

Ad Nonam, prode ad genua, recolensq; peccata tua ingemisce, & dic: Deus propitius esto, &c. Deinde quinquies Deum adora.

Adoro te clementissime &c. pro compassione fidelitq; cura & commendatione erga matrem.

Adoro te pro immensis doloribus vndiq; exaggeratis, quas in cruce omni consolatione destitutus tolerasti, adeò vt ad Patrem clamans, diceres. *Eloi &c. Deus meus, Deus meus, &c.*

Adoro te pro ardentissima siti corporali, & spiritali, & pro gustu fellis & aceti.

Adoro te pro amarissima ignominiosatq; morte tua, & pro descensu animæ tuæ ad inferna, pro eripiendis amicis.

Adoro te pro apertione lateris & cordis tui, vnde fluxit sanguis & aqua.

Versus memorialis.

Condolet, vndique fert, sitiens, moritur, foditurque.

Pro felici morte & purgatione peccatorum tuorum in hac vita, Precatio.

Misericordissime Iesu Christe, omnes labores, vulnera, verbera, sanguinem, tristitiam, mortem tuam, & omnia quæ passus es, charitatem etiam tuam qua passus es, offero tibi pro peccatis meis, & pro peccatis totius mundi. Per hæc omnia te obsecro Christe Iesu, vt in his me purges atque purifices, vt post hanc vitam absque dilatione ad te ingredi meriar in gaudium tuum. Quicquid autem hic me pati volueris, da mihi desideranter, & cum gratiarum actione pati in gloriam & honorem tuum sempiternum, Amen.

Ad

Ad Vesperas procide ad genua & peccata tua recolens ingemisce, & dic: Deus propitius esto mihi: &c. Deinde septies Deum adora, vt sequitur.

Adoro te clementissime, &c. pro depositione corporis tui de cruce.

Adoro te, pro planctu & luctuosa tristitia matris & amicorum super te. *Cum his plangentibus, plange tu quoque Christum adorans, gratias agens & dicens:*

Adoro te, pro omnibus & singulis doloribus ac pœnis singulorum omniumq; membrorum tuorum mei causa toleratis.

Adoro te pro singulis vulneribus, liuoribus, plagis, verberibus, tumoribusq; propter me perpessus.

Adoro te pro singulis quibusq; guttis sacrosancti sanguinis tui, omnium atque singulorum vulnerum pro me fuis.

Versus pro memoria.

De cruce, plangitur, hinc pœnas, & vulnera, sanguis.

Adoro te, pro internis doloribus, tristitijs, pressuris, compassionibus, lachrymis, gemitibus atque suspirijs pro me toleratis.

Adoro te, pro laboribus, fatigationibus, itineribus, improperijs, conuitijs mei amore perpessus, simulq; pro beneficijs omnibus in vtraque natura à te mihi exhibitis.

Versus infra sequitur.

Oratio pro alijs proximis tuis.

Misericordissime Iesu Christe, in omnia vulnera tua, in amantissimum coetuum tibi commendo me, omnesq; mihi commissos ac commendatos, omnēs benefactores, omnes tentatos & afflictos, omnes pro quibus orare volo aut debeo. Miserere quæso omnium, & da vnicuique quod illi est necessarium, & quod tibi maximè placet, Amen.

Ad Completorium procide ad genua, peccataq; tua recolens ingemisce, & dic: Deus propitius esto mihi miserissimo peccatori &c. Deinde ter Deum adora, vt sequitur.

Adoro te clementissime &c. quod aromatibus fuisti conditus, & syndone involutus.

Adoro te, quod in monumentum fuisti positus.

Adoro te, quod recedentibus cunctis, in sepulchro fuisti relictus, & à matris tuae desiderabunda resurrecturus expectatus.

Pro duabus superioribus vltimis adorationibus ad Vesperas, & pro his tribus ad Completorium simul est vnus versus memoriam iuuans.

Tristitia, cuncta tulit, vnctus, sepelitur, à matre.

Pro defunctis, Precatio.

Misericordissime Iesu, per omnia vulnera tua, per omnes guttas pretiosissimi sanguinis tui, & per miserationes tuas infinitas obsecro te, vt plena illa, immensaq; virtus passionis ac mortis tue, in purgatorium descendat, cunctisq; animabus defunctorum nunc præstet aut liberationem, aut refrigeriū, Amen.

Si cui alio placuerit modo hoc exercitium diuidi, aut simul vno tempore consinuari, iuxta suam potest deuotionem agere.

Exercitia cuiusmodi adsumere debeat anima quæuis deuota templum ingressa, vel in eodem iam constituta.

Quando

Quando ad templum veneris, humiliter reuerenterq; deo capite in genua prociens, Dominum Deum, creatorem & sponsum tuum suppliciter adorato, & dicit.

Domine sancte Pater, omnipotens aeternae Deus, propter tuam largitatem, & Filij tui, qui pro me sustinuit amarissimam passionem & mortem, & matris eius, huiusq; beati NN. (nomina hic patronum tuum, & patronum templi) excellentissimam sanctitatem, & omnium Sanctorum merita, concede mihi ingratisimo peccatori, & omni beneficio tuo indigno, vt te solum diligam, tui amore semper ferueam, tuum honorem semper sitiam, beneficium passionis filij tui continuè in corde meo habeam, meam miseriam recognoscam & ab omnibus conculcari & contemni cupiam. Nihil me afficiat, nisi tu: nihil me contristet, nisi culpa, Amen.

Quando inspicis crucifixi imaginem humili mente dicit.

O Dulcissime Iesu Christe, cor meum tuis vulneribus saucia, & tuo sanguine inebria mentem meam, vt quocunq; me vertam, semper te videam crucifixum, & quicquid aspexero, tuo sanguine mihi appareat rubricatum, vt sic in te totus tendens, nihil praeter te valeam inuenire, nihil nisi tua vulnera valeam intueri. Haec sit consolatio mea tecum mi Domine vulnerari, tecum despici, & tecum pati. Haec sit mihi afflictio, extra te consolari, aut sub te aliquid meditari. Non quiescat cor meum bone Iesu, donec inueniat te centrum suum, vbi cubet, vbi suum terminet appetitum, Amen.

Alia item aspiratio ad idem.

Scribe quaeso misericordissime Iesu vulnera tua in corde meo preciosissimo sanguine tuo, vt in illis legam dolorem pariter & amorem tuum, & vulnerum tuorum memoria iugiter in secreto cordis mei permaneat, vt dolor compassionis erga te in dies in me excitetur, & ardor dilectionis tuae omni hora magis in me accendatur. Da quoque vt omnis creatura mihi vilescat, & tu solus cordi meo dulcescas, Amen.

Quando inspicis crucifixi imaginem.

O Dulcissime Iesu Christe, cor meum tuis vulneribus saucia, & tuo sanguine inebria mentem meam, vt quocunq; me vertam semper te videam crucifixum, &c.

Antequam egrediaris templum, aut sero, quasi valedicturus Domino, aut alio tempore in die, quinque accipe venias, seu genuflexiones, & sexto adora Dominum Deum.

Venia & oratio prima sit confessionis.

Misericordissime Domine Iesu Christe, confiteor tibi omnia mea & vniuersa mundi peccata, quibus te vnquam offendimus, obsecroq; te per innocentissimam mortem tuam, parce nobis, & tribue nobis perfectissima contritione indefinenter ex toto corde legere, integroq; confiteri omnia peccata nostra, Amen.

Venia & oratio secunda, actionis gratiarum.

Benignissime Iesu, pro omnibus & singulis beneficijs, tam mihi, quam cuiuslibet creaturae exhibitis, aut vnquam à te exhibendis, gratias ago & benedico te Deus meus: imò toties tibi gratias ago, quot tua sunt beneficia, & quot creature, Amen.

Venia

Venia & adoratio tertia, oblationis.

Clementissime Iesu, ego offero tibi omnes virtutes & merita sanctissimæ vitæ & passionis tuæ, sed & beatissimæ Mariæ matris tuæ, atque omnium Sanctorum & electorum tuorum in suauissimum cor tuum, & per idem cor Patri tuo pro me, & pro omnibus hominibus tam viuis, quàm defunctis, Amen.

Venia & oratio quarta, resignationis.

Amantissime atque fidelissime Iesu, Domine Deus meus, me ipsum & omnia quæ intra me & circa me sunt, & creaturas tuas omnes & singulas tibi nunc offero, atque resigno in beneplacitum tuum vt nobiscum facias quicquid, & quomodo tibi creatori nostro maximè placet, Amen.

Venia & oratio quinta, obsecrationis.

Pijssime Iesu Christe, obsecro te per dulcedinem cordis tui, vt me & alios quoscunque homines impleas maxima, ardentissima, perpetuâq; charitate, qua facias, vt vnusquisque honorem tuum faciat, & ita se in omnibus habeat atque coram te sit, & perseverando in gratia tua crescat, quantum & quomodo sanctissimæ tuæ voluntati placet, Amen.

Venia sexta, est adoratio.

Oreator & saluator mundi Iesu Christe Deus meus & omnia. Ecce quot creaturæ tuæ sunt à te conditæ, aut cõdendæ, & quot beneficia tua sunt creaturis tuis à te exhibita & exhibenda, toties in persona omnium & singularum adoro, laudo & benedico te, & pro omnibus ac singulis gratias ago tibi nunc & semper. Misericordia, gratia, benedictio tua sit super nos in æternum, Amen.

Exercitia aspirationesque inter edendum assumenda.

Ante prandium, aspiratio.

Domine Iesu Christe, in vnione amoris quo hæc mihi commoda præstitisti, & eisdem olim in terris propter me vt i voluisti, da mihi eadem tali gratitudine, timore ac temperantia sumere, vt tibi sit gloria, mihi verò ac omnibus quibus ministras, & per quos ministras, salus proueniat sempiterna, Amen.

Inter edendum aspiratio.

Amor tui dulcis Iesu, cor meum repleat & inebriet, vt extra te nihil concupiscam, nil videam, nihil me afficiat, nihil deleat, nisi tu. Tu solus mihi placeas, tu solus sis desiderium meum, tu solus gaudium, refectio & delectatio mea, Amen.

Inter comedendum, aspiratio altera.

Misericordissime Iesu, miserere quæso omnium qui inedia, frigore, tristitia, seu alia quavis pressura corporis vel cordis affliguntur, da eis fidem, patientiam & consolationem salutarem, vt fiat illis dulce ac suaue, quicquid aduersi in hoc seculo ferunt.

Domine Iesu, tu respice in auxilium eorum, quoniam tibi derelictus est pauper, Psal. 9.
& orphano tu eris adiutor. Tu solus es, qui laborem, & dolorem consideras, Amen.

Hic adde Orationem dominicam & salutationem Angelicam pro omnibus tentatis & afflictis, prout te senseris affici.

Sic orabat S. Gertrudis inter edendum.

Virtus tui diuini amoris, incorporet me totum tibi amantissime Iesu Christe, Amen.

Ad potus quemlibet haustum, aspiratio.

Virtus igniti amoris tui dulcissime Iesu, me totum quaeso in te rapiat & absorbeat, & carnalis concupiscentiae aestum sitimque inanis gloriae omnem penitus in me extinguat, Amen.

Ad quemlibet haustum aspiratio, item altera.

Effectum charitatis tuae, quae tam potenter in intimis tuis praualuit, ut eam continere non posses, transfunde amantissime Iesu Christe in viscera animae meae, penetretque totam substantiam meam, omnes vires, omnes potestates, omnesque sensus corporis & animae meae ad laudem & gloriam tuam aeternam, Amen.

Post prandium, siue cenam pro omnibus defunctis, Precatio.

Dulcissime, benignissime, amantissimeque Iesu Christe, non est virtus in me, villa aut aliquod meritum, nec habeo quod pro me aut alijs allegare queam, ut à te exaudiar: sed est miseratio tua infinita, passionisque tuae efficaciam inmensa, propter quas non decet te inexorabilem esse. Rogo te igitur per pietatem & misericordiam tuam infinitam, ut sanguinis tui virtus in eos qui in purgatorio detinentur captiui, descendat, atque eorum omnium poenas & cruciatus refrigeret, Amen.

Exercitia aspirationesque inter operandum, vel exterius naturam exercitandum.

Antequam operis quippiam inchoes, institutio breuis.

An te omnia qua incipere debes, observa semper, ut animam tuam leues ad Deum, dirigendo intentionem ac voluntatem tuam ad eius gloriam ac beneplacitum. Potest etiam dicere hoc modo oratio: Veni sancte Spiritus, reple tuorum corda fidelium, & ignem tui amoris in eis benigne accende, Amen. *Aut* Deus in adiutorium meum intende, Domine ad adiuuandum me festina. *Itē*: Intende in adiutorium meum Domine Deus salutis meae, *Itē*: Dulcis Iesu Domine Deus meus, da mihi hoc opus perficere secundum beneplacitum tuum & in gloriam tuam. *Itē*: In vnione charitatis illius, qua opus redemptionis nostrae, id est, salutis, in medio terrae operatus es, commendo tibi Domine Deus meus hoc opus, & omnia studia mea.

Psal. 69.
Psal. 17.

Psal. 2.

Si quid inter actuum tuorum studia bene maleuè acciderit, dic: Deus meus, ne elongeris à me, Deus meus in auxilium meum respice.

Quando ceperis operari, dicito.

Dulcissime Iesu, in vnione omnium laborum & sudorum tuorum, & in vnione charitatis tuae, qua pro nobis labores suscepisti, & triginta tribus annis tolerasti, offero tibi labores & omnia opera mea.

Bone Iesu, hunc laborem meum tibi gratum faciant omnium electorum tuorum labores ac studia pro tui amore gesta, quae quaeso cuncta in suauissimo corde tuo simul vnita, tibi, & per te Patri tuo offero in gloriam tuam, Amen.

Quando vis legere, aut lectionem audire aliquam, ex istis aspirationibus aliquam praemittas, dicendo.

Iesu dulcissime, da mihi intellectum & scrutabor legem tuam, & custodiam illam in toto corde meo.

Mat. 1.

Illumina cor meum, ut sciam, velim, & faciam quod acceptum coram te sit omni tempore.

Dece

Docet me facere voluntatem tuam, quia Deus meus es.

Da mihi Domine sedium tuarum asistricem, sapientiam, quæ intellectum meum illuminet, cor meum purificet, & affectum meum inflammet, ad cognoscendum & amandum te Dominum Deum meum in omnibus & super omnia, Amen.

Post lectionem, vel bonam inspirationem, dicitur.

Clementissime Pater, per vnigenicum Filium tuum obsecro te, da mihi gratiam & virtutem, hanc inspirationem (si à te fuerit) & omne beneplacitum tuum perficiendi.

Si quando pulchrum delectabile aliud cernis, conuerte cor tuum ad contemplandam pulchritudinem & bonitatem conditoris tui, & orato, dicens.

O Bonitas & pulchritudo creatoris mei incomparabilis, trahe cor meum in admirationem & amorem tui. O si hæc aut aliqua alia creatura tam pulchra est, quam pulcher, quam bonus, quamq; suavis es tu conditor omnium Deus meus? Vtinam nihil me vnquam delectet, nihil placeat quam tu. Vtinam tu solus cor meum possideas, sisq; semper vnicum gaudium, consolatio & requies mea. Dulcis & amabilis Iesu, fac vt omnis creatura mihi vilescat, omnia mundana mihi amarestant, & tu solus dulcescas. Fac, vt in creaturis singulis aliud nihil videam, nihil inueniam, nihil sentiam præter te. Omnia te mihi loquantur, omnia te mihi prædicent, omnia te mihi laudent, omnia me in amorem tui rapiant & inflammet. Ah Deus meus & omnia, imple cor meum, vt extra te omnibus mortuus sim, & in te solo viuam, Amen.

Si quando nouum, aut mirabile vides aliquid, dicitur.

Domine Deus noster, creator & gubernator omnium, te laudent & maiestatem tuam prædicent omnes creaturæ, quia ex te omnia sunt & in te omnia tendunt. Tibi ergo fit honor, laus, & gloria ex omnibus creaturis.

O vtinam digna fiat anima mea, omni momento tuam præsentiam sentire & castissimo perpetuoq; amplexu feruentissimi amoris reuerenter ac inseparabiliter te constringere, Amen.

Quicquid occurrerit, vel non occurrerit, in laudem Dei ita conuertas, dicendo.

Quoties hoc mihi occurrerit aut non occurrerit, ô Deus immense, ô amator fidelissime, toties innumerabiliter & in infinitum sæpius beatorum spirituum agmina, mille millia, & decies millies centena millia te ex me saluent, & Sancto: um omnium feruentia desideria pro me tibi supplicent, & creaturarum omnium decore & venustas meo nomine te honorent & laudent, Amen.

Videndo pulchra, cogita hæc omnia, & pulchriora esse in cælo. Videndo horribilia, cogita hæc omnia, & horribiliora esse in inferno.

Quando oblectat serenitas aeris, aut quando prata aut hortos contemplaris, dicitur.

O Lumen indeficiens, omni iucunditate plenum Deus meus, omni decore pulchrior, omniq; amœnitate suauior. Heu me miserimum, quod cor meum varijs, multis, & abs te alienis rebus est occupatum & inquinatum. Omnia te loquantur, & ego te neque sentio, neque aduerto. Domine Deus meus, omnia quæ fecisti in cælo & in terra, tua sunt, & bona sunt: sed tu optimum, summum & infinitum bonum es. Propter nos tu omnia fecisti, vt omnipotentiam, sapientiam & bonitatem tuam nobis monstrares.

Ah vtinam omnes creaturæ tuæ & sensibilia cuncta vulnerent cor meum tui

amore, vt anima mea ad te indefinenter aspiret. Insinua te cordi meo Deus meus vt omnes vires, omnes sensus, & intima cuncta animæ meæ in te amore liquefcat, in te fluant & absorbeantur.

Quàm feruens est hic dies. At bone Iesu, nisi tua in nobis lux luceat, quid nobis de sole hoc sensibili? Fac igitur, vt omnes tenebræ à nobis expellantur, & vras nos æstus tuæ feruentissimæ charitatis, Amen.

Videndo hortum, flores & arbores, aspiratio.

Bone Iesu, quàm multa sunt hic consolationem, instructionem, profectum, & admirationem excitantia, omnia à te nobis data: à te (inquam) potentissimo, altissimo, immenso, nobis vermiculis & ingratis. Fac igitur pijsime Iesu, vt nihil nos à te abducatur, sed omnia nos hinc ad te trahant, Amen.

Videndo amœna, aspiratio.

Iesu bone, infinita, sit tibi laus & gratiarum actio, qui tot & tanta creasti & dedisti nobis, non solum ad sustentationem sed etiam ad consolationem, pro immensa tua ad nos dilectione. Dulcis Iesu, vtinam ad te suspirent, ad te currant, in te fluant, in te stabiliantur, & in te quiescant omnia vota & desideria nostra, Amen.

Quando vides ignem, aut sentis calorem, aspiratio.

O Domine mi Iesu Christe, ô amor semper ardens & nunquam deficiens, viquequo frigidus maneo? quousque meam tepiditatem toleras? Ah quando diligam te ex omnibus viribus & medullis animæ meæ? Ah vtinam charitatem & bonitatem tuam perfectè cognoscerem. Ah vtinam cor meum amoris tui ignea sagitta ita transfodiat, vt amoris tui vulnus in me semper renouetur, & indies dilatetur. Vtinam cor meum iugi incendio amoris confusetur, & cordi tuo vniatur, vt omnis amor alius peregrinus in me extinguatur, Amen.

Quando beneficij aliquid accipis, aspiratio.

Benignissime Domine Deus meus, gratias ago tibi pro amore tuo erga me ingratisimum & vilissimum peccatorem plus quàm paternum: vnde hoc & alia infinita tua beneficia prodeunt. Fac igitur quæso pie Deus, me tibi fidelem, vt te solum quæram, tuum honorem sciam, cuncta in gloriam tuam referam: mihi verò nihil nisi peccata mea tribuam, in te solo delecter & requiescam, Amen.

Alia ad idem aspiratio.

Dulcis Iesu, præsta vt in vniõne huius charitatis qua nos diligis, hoc dono vtar secundum beneplacitum tuum, & ad gloriam tuam, Amen.

Quando aliquid honoris tibi offertur, aut alio tempore quandocumq; vis, aspiratio.

O Infinita bonitas Domine Deus meus, tibi soli sit honor & gloria, mihi nihil debetur nisi confusio & despectio. Rogo tamen te pijsime Iesu, ne tu me abijcias, sed facias vt fideliter tibi semper inhæream, vt extra te in nulla consolationem recipiam. Tu enim es Deus meus, ego verò sum puluisculus terræ, & prorsus nihil. Nihilominus quia creasti me, amas quod fecisti. Facias igitur vt & ego amem te, Deus meus, creator meus, ex intimis medullis animæ meæ, Amen.

Quando laudaris, aut quando vana gloria pulsaris, aspiratio.

Non mihi Domine Deus meus, sed nomini tuo sit gloria, & laus sempiterna ab omni creatura, Amen.

Item

Item ad idem aspiratio.

Hunc honorem tibi offero Domine Deus meus in vnione illius honoris, que te colit cœli curia & vniuersus orbis, Amen.

Item ad idem aspiratio.

TE decet laus, te decet hymnus, tibi gloria Deo Patri & Filio cum sancto Spiritu in secula seculorum, Amen.

Exiturus inter homines, commendate Deo hoc modo, & dicite.

Amantissime Iesu, omnes sensus & vires animæ meæ, omnia membra corporis mei, totumq; cor meum commendo tibi & hæc custodienda, regenda, ac seruanda recondo in vulnus illud gratiosissimum & fidelissimum cordis tui, vt ibi tu ab omni peccato, ab omni delectatione & affectione vitiosa me præferues, & velle & nolle, quiescere & operari meum in te concludas ac perficias, omniumq; actuum & cogitationum mearum sis tu principium, intentio & finis.

Dulcis Iesu, da mihi perfectissima abnegatione me ipsius, vestigia sacrosanctæ vitæ tuæ deuotissime & perfectissime imitari, & in omnibus beneplacito tuo conformari, Amen.

Cum reuerteris ab occupationibus aut conuersatione hominum ad quietem & silentium cordis dicite.

O Amator amabilissime, vnica consolatio & requies animæ meæ, nunc omni creaturæ abrenuntio, & ad te dulcissime Iesu me conuerto, teq; omni desiderabili præligo: suscipe & posside me per gratiam tuam, trahe me in te, & fac vt in auertibiliter inhæream & quiescam in te. Amen.

PHARETRAE DIVINI AMORIS Libri Secundi pars III.

Complectens in se vti Horæ (quas vocant Canonicas) sint à cunctis Ecclesiæ Dei ministris persoluedæ: qua item ratione eadem possint ad D. N. Iesu Christi referri vitam passionemque.

Ante horarum initium Precatio, I.

Peri Domine os meum ad benedicendum nomen sanctum tuum, & munda cor meum à vanis, noxijs & peruerfis cogitationibus, vt exaudiri merear ante conspectum diuinæ Maiestatis tuæ, Amen.

Precatio, II.

Domine Iesu Christe, da mihi gratiam, vt hanc horam deuotè persoluere possim, in vnione illius amoris, quo tu in hoc mundo Patri tuo cœlesti laudes diuinas persoluisti, Amen.

Precatio, III.

N Omnipo-

Omnipotens sempiternus Deus, qui nos cum nihil essemus de nihilo creasti cum perissemus, misericorditer redemisti, rogo te per incommutabilem Maternitatem tuam, suscipe has laudes & orationes, quas tibi nunc & omni tempore dicturus sum in illa unione charitatis, qua unigenitum, Filium tuum misisti in uterum Virginis Mariæ, eumque patientem & morientem in cruce suscepisti, Amen.

Precatio. IV.

Plissime Domine Deus, præsta mihi has horas attente, intente & deuote perfoluere, ad laudem & gloriam diuini nominis tui, ad meam salutem, proximorum profectum & utilitatem, secundum S. Ecclesiæ intentionem & meam professionem, & ad animarum quarum in purgatorio sunt gaudium & consolationem, Amen.

Precatio. V.

Olesu vigilantissime animarum pastor, ea quæ sollicitudine ac vigilantia, qua charissimos tuos discipulos tristitia & mœrore oppressos in oratione fouisti, me quoque misericorditer fouere dignare, ac omnem somnolentiam & teporem ab oculis meis procul abige, quo toto cordis affectu preces meas tibi exoluere, sineque intermissione te laudare, honorare & proximos meos ad te laudandum incitare possim. Non obruat me Domine Deus meus vitiorum somnus dum diuinas tuas decantare debeam laudes, sed tuæ charitatis flamma vehementer me inflammet, ut in diuino tuo conspectu, omniumque angelorum ac beatorum spirituum præsentia, reuerenter, deuote ac pie me geram. cor ad te semper subleuando, oculos ab omni euagatione continendo, linguam à vaniloquio custodiendo, totumque spiritum meum in te refundendo, Amen.

Effusiones cordis, ad septem horas canonicas accommodandæ.

Ad Matutinas, breuis effusio cordis.

Domine Iesu Christe amator fidelissime, en offero tibi charitatem illam, paciendi que desiderium, quo inimicis tuis ultra te obuium capiendumque prebuiisti. En offero tibi vincula, verbera, impropria, conuitia, blasphemias, alapas sputa, colaphos, aliisque ignominiosa multa, quæ in domibus Annæ & Cayphæ per totam noctem passus es, quando à Iuda traditus, à Petro ter negatus, à scribis & pharisæis damnatus, à vilissimis quibusque velatus & illusus es.

Pro his, aliisque omnibus ac singulis, & pro immensa charitate tua qua nos diligis amantissime Domine Iesu Christe, adoro, laudo, benedico te & gratias tibi ago, meque totum in honorem ac beneplacitum tuum offero, oras ut gratia tua me repleat, quæ peccata omnia in me deleat, priuatum amorem ac vita cuncta mortificet, omnesque sensus, cogitatus atque affectiones meas purificet, in te trahat, stabiliat, atque concludat, Amen.

Ad Primam, effusio cordis breuis.

O Domine Iesu Christe, en offero tibi omnem illam ignominiam ac contumeliam, quam pro me passus es, quando mane à Iudeorum senioribus ad mortem damnatus, vinctus, consputus, ad Pilatum ad Herodemque ducebaris & reducebaris accusabaris, & tacebas: spernebaris, probrosaque veste illudebaris, & sustinebas.

Eia misericordissime Iesu, omnia verbera, omnemque poenam, omnes iniurias atque

atq; blasphemias offero tibi, & pro omnibus his te adoro, laudo, benedico, & gratias tibi ago, obsecrans te per immensam bonitatem tuam, infunde cordi meo perfectissimam humilitatem, qua omnem gloriam & honorem detester & fugiã, propriam cognoscam vilitatem, me ipsum despiciam, meiq; contemptum diligã. Dulcis Iesu, fac ut cupiam, ex animoq; gaudeam nesciri, despici, vilis æstimari, atq; contumelias pati, Amen.

Ad Tertiam, effusio cordis.

O Domine Iesu Christe, en offero tibi pudicissimi corporis tui nudationem, innocentissimamq; illam cordis tui verecundiam, simulq; acerbissimos quosq; & corporis dolores & cordis tui angustias, quando circa horam tertiam toto corpore nudatus ad columnam ligaberis, flagellaberis, vulneraberis, ac subinde veste coccinea amictus, spinis coronaberis, salutaris, adoraberis, intereaq; conspueberis, alapis & arundine cædeberis. Atq; sic illusus, sic miserabiliter vulneratus, sic afflictus & sanguine ac sputis fœdatus, tandem populo spectandus produceberis: à quo dum magno furore ac invidia ad crucem es postulatus, latrone dimisso ante tribunal statueberis, damnaberis, & ad caluarie locum baiulans tibi crucem, educeberis. Vbi matre quoq; occurrente, amicis flentibus, inimicis insultantibus traheberis, subannaberis ac impelleberis, donec deficientibus viribus inter verbera & cruenta vestigia, inter gemitus & suspiria ante oculos matris sub cruce corruisti.

Eia misericordissime Iesu omnia opprobria & derisiones, omnesq; acerbos gressus pedum tuorum, inter amara exprobrantium verba & verbera, omnem liuorem & dolorem corporis tui, offero tibi. Et pro his omnibus gratias tibi ago, teq; adoro, laudo, & benedico, obsecrans te per effusionem benedicti sanguinis tui, & per immensam charitatem qua nos diligis, da mihi perfectissimam patientiam, patientiãq; desiderium, ut in omni aduersitate & contumelia, in omni dolore ac pressura, te laudem, tibi gratias agam, neq; tibi ex abyssu cordis mei in perfecta abnegatione me ipsius relinquam, & in omne beneplacitum tuum offeram, Amen.

Ad Sextam, cordis effusio.

O Domine Iesu Christe, en offero tibi nudationem vulnerati corporis tui, dolorumq; & vulnerum renouationem, extensionem membrorum, crucifixionem manuum ac pedum, neruorum quoq; ruptionem, compagum solutionem, & effusionem preciosi sanguinis tui, quæ omnia & complura alia tu amantissime Iesu circa horam sextam passus es in cruce in Caluarie loco, quando inter latrones eleuatus, à prætereuntibus & exprobrantibus despectus, ab vno latronum obiurgatus, ab altero pro venia rogatus, pro inimicis Patrem orabas, reo pœniten- ti paradysum promittebas, matremq; sub cruce stantem & morore tabescentem discipulo commendabas.

Eia misericordissime Iesu, pro omnibus his pœnis, gemitibus, tristitijs, pressuris atq; cruciatibus, tam externis quam internis, adoro, laudo & benedico te & gratias ago tibi, obsecrans te per singulas guttas rosei sanguinis tui, non finas me separari aut auerti à te, sed crucifige in me quicquid est crucifigendum, & clavis ardentissimæ charitatis vulnera atq; constringe me. Fac ut oculis imò omnibus sensibus meis nunquam desit memoria & imago dolorosæ huius crucipendentis tuæ, quæ cor meum sauciet, inebriet, absorbeat atq; in te pœnitentius transformet, Amen.

Ad Nonam, effusio cordis.

Ista. 42

O Domine Iesu Christe, en offero tibi lamentabilem illam cordis & omnium membrorum tuorum angustiam, pressuram atq; derelictionem, quando omni consolatione destitutus, pœnis quibuslibet vndiq; aggrauatus, pressuris cunctis tortus expositus, totus vulneratus, totus abiectus, & quasi leprosus atq; percussus à Deo, virorumq; omniam nouissimus, neq; speciem habens, neque decorem, à planta pedis vsq; ad verticem capitis nō habuisti in corpore tuo vbi esset sanitas: sed cruci immobiliter affixus, omni consolatione destitutus circa horam nonam, lugentibus etiam elementis, ad Patrem, *Eli, Eli, lama zabani*, clamabas, & vehementi siti æstuans, atq; id ipsum clamando indicans, ne guttam quidem aquæ recipebas: sed inter lachrimas, dum valido clamore te Patri offerens commendasti, inclinato capite spiritum emittebas.

Eia suauissime Iesu, per omnes plagas, vulnera, dolores & liuores tuos, per amarissimam mortem & viuifici cordis tui ruptionem, per animæ tuæ sanctissimæ à corpore separationem, per transixionem lateris, & apertionem cordis tui, & per sanguinis & aquæ emanationem, per victoriosam quoq; obedientiæ tuæ ac vitalis triumphî consummationem, pro quibus adoro, laudo, benedico te, & gratias ago) obsecro te, vt mundo & omnibus concupisceatjs, vitijs atq; quibuscunq; inordinationibus (quæ tibi non placeant) moriar, & tibi soli viuam, te solum sentiam, tibi soli inhæream, tibi soli merear conformari, tibi, soli perpetuo ac inseparabiliter vniri, Amen.

Ad Vesperas, effusio cordis.

O Domine Iesu Christe, en offero tibi nunc flebilem illam corporis tui depositionem de cruce, matris in sinum te suum recipientis angustiam atq; mœrorem, amicorumq; lugentium tristitiam.

Pro quibus omnibus adoro, laudo, & benedico te, & gratias ago tibi, oroq; te Domine Deus meus, infunde cordi meo perfectissimam humilitatem ac mansuetudinem, patientiam, mititatem, compalsionem & perfectissimam ad omnes homines, præsertim ad inimicos, exuberantem charitatem, & fac vt anima mea de corpore egrediens, per merita passiõis tuæ, perq; cunctas miseraciones tuas inueniatur tota pura & immaculata, tota tibi reconciliata, tota tibi placens & accepta, ad tua gaudia euestigio egressura, Amen.

Ad Completorium, effusio cordis.

O Domine IESV Christe, offero tibi nunc mœstam illam sepelitionem corporis tui, aromatibus conditi atq; syndone inuoluti, tristemq; amicorum cum matre reditum, amatricis tuæ Magdalenz pietatem, & gemitum matris tuæ resurrectionem certa fide expectantis æstuans desiderium, sanctorumq; interea in symbo post infinita suspiria, ex tua præsentia gaudium exultantemq; triumphum atq; egressum.

Pro quibus omnihus te adoro, laudo & benedico, tibi gratias ago, teq; per tuam bonitatem obsecro, vt vniuersæ tuæ miserearis hereditati, quam tuo præciosissimo sanguine redemisti: largiaris Ecclesiæ tuæ reformationem & pacem, viuentibus tui amorem atq; salutem, de sanctis requiem, & omnibus nobis hic gratiam, & post hæc vitam miseram, vitam beatam & sempiternam, Amen.

Siro

Sero in crepusculo sineq̄, dici, Precatio.

O Domine Iesu Christe, en offero tibi omnem vitam tuam innocentissimam sanctissimamq̄, laboribus & ærumnis attritam, virtutibusq̄ plenam. En offero tibi cœnam nunc illam typicam, qua legi obediens, & ad patiendum pro nobis feruens, simulq̄ nobis exemplum imitandi ac monimentum te recolendi diligentiq̄ relinquens, discipulorum pedes lauisti, corporis & sanguinis tui sacramento refectioem nobis instituisti, & p̄d̄t sermonem dulcissimum atque amore plenum, quo discipulos confortasti, ad hortum egrediens, tristari vsq̄ ad mortem & pauere cœpisti.

Eia amantissime Iesu, per trinam illam orationem tuam in monte Oliueti, per moriendi pauorem simul ac desiderium, per cordis tui angustiam atq̄ pressuram, per exuberantem totius corporis tui sudorem sanguineum (pro quibus te adoro, laudo, benedico, tibiq̄ gratias ago) offero & commendo me tibi, omnesq̄ qui mihi commendati sunt, & pro quibus orare debeo aut cupio, orans vt nos facias omnes secundum beneplacitum tuum, quomodo maxime tibi placuerit nos esse, Amen.

Ad horas Canonicas septem, preces itidem septem, pie iuxta ac deuotæ,

AD MATVTINAS.

Ea qua Christus pro nobis sustinuit offeruntur illi denuo per suum pijsimum cor pro nostris malefactis.

Pissime Iesu Christe adoro, laudo, benedico & gratias ago immensæ Maieitati tuæ, quod tam innumera pro me incommoda, labores, corporis fatigationes, famem, sitim, æstum, frigus, & id genus afflictiones sustinere non es dedignatus, offerens eadem tibi omnia per pijsimum cor tuum in vnione eiusdem charitatis tuæ, qua ea perpeti non recuastis pro peccatis meis, ac totius mundi delictis, Amen.

Ad Primam horam.

Pro charitate promptitudineq̄, implendi Dei in cunctis beneplacitum.

Amantissime Domine Iesu Christe, ardor ille charitatis, qui te, vt errantem me quæres, perditumq̄ saluares, fecit incarnari, laborare, in oratione pernoctare, prædicare, pati ac mori, ardeat in me quæso semper, vrgeatq̄ me, vt in omne beneplacitum tuum promptus, alacer atq̄ deuotus inueniar, & omne tempus, omnesq̄ vires meas in tuam gloriam expendam, Amen.

Ad horam Tertiam.

Pro flexibilitate cordis humani, ac imitatione Christi formium virtutum.

Adoro te Domine Iesu Christe, qui nobis in teipso, & bene viuendi normam, & omnium exemplar virtutum præbuidisti. Erga omnes enim, quamlibet viles & miseros, quàm eras, pie Iesu, misericors, quàm mitis, quàm benignus, quàm humilis, quàm charitate plenus? Frange igitur quæso cordis mei duritiam, & fac me tuas virtutes imitari, tuq̄ me studeam semper voluntati in omnibus conformare, Amen.

Ad horam Sextam.

Pro contritione, paupertateq; spiritus.

Domine Iesu Christe, quamuis rex gloriæ, vniuersitatis dominus, Filiusq; sis Dei Patris, quamuis infinita, cunctisq; incomprehensibilis sit Maiestas tua, tamen despici, illudi, hominum obprobrium & ignominia fieri, lacronibus sociari, cumq; eisdem damnari pro me dignatus es, infunde quæso mihi iugem veramq; contritionem & paupertatem spiritus, qua meipsum sancto odio contemnā, te verò semper & super omnia & in omnibus exaltem, colam ac diligam, Amen.

Ad horam Nonam.

Pro patientia in aduersis.

Benigne Iesu Christe, pro doloribus pœnis, cruciatibus, omnibus pro vulneribus quoque tuis singulis, adoro, laudo, benedico, atque gratias tibi ago, quia propter me eadem sustinuiti: obsecrans te per infinitam misericordiam tuā, vt hæc omnia pro peccatis omnibus, proq; totius mundi iniquitatibus suscipias, & patientiam mihi inter omnia aduersa perfectissimam infundas, Amen.

Ad Vesperas.

Pro fide, spe & charitate adipiscendis.

Divissime Iesu Christe, omnes tristitias, dolores, afflictiones, omnes quoque compassiones ac gemitus cordis tui internos, offero tibi pro peccatis meis, & eadem contra omnem tristitiam inordinatam, contra timorem & pusillanimitatem meam tibi exhibeo: orans vt hæc auferas à me, mihiq; spem, fidem, charitatemq; (quibus tibi inauertibiliter inhæream) infundas, Amen.

Ad Completorium.

Pro virium corporis ac animæ in Dei laude & obsequio impensione.

Misericordissime Iesu Christe, qui vulneribus atq; liuoribus propter me aded fuisti repletus, vt à planta pedis vsque ad verticem capitis, nulla in te fuerit sanitas: quique sanguinem tuum vniuersum pro mei redemptione tam abunde tamq; copiose effudisti, vt veluti arefactus ex solis ardore appareres: per has singulas sanguinis tui nobilissimi guttas, te obsecro, vt omnes vires animæ & corporis mei, omneq; tempus vitæ meæ facias me expendere in laudem, gloriam, ac supremum beneplacitum cordis tui dulcis Iesu, qui es benedictus in secula, Amen.

Post horarum canonicarum persolutionem ad Deum, pro negligentiarum expiatione, Precatio.

Gratias tibi ago omnipotens sempiternus Deus, quod me indignum & flagitiosum peccatorem ad tuum seruitium nullis meis meritis, sed sola dignatione tua vocare dignatus es. Rogo te per dolorem vulnerum Domini nostri Iesu Christi vnigeniti tui, & per sanctissimi sanguinis eius effusionem ac innocentissimæ mortis virtutem, suscipe hoc sacrificium seruitutis meæ, licet multis negligentis & virijs inquinatū, in vnione illius gratissimæ tibi charitatis, qua semetipsum idem filius tuus Dominus noster Iesus Christus obtulit holocaustum in cruce pro nobis, ad gloriam Maiestatis tuæ, pro peccatis meis, pro Ecclesia tua sancta, pro animabus

mabus

mabus in purgatorio, & pro quibus teneor vel intendere debeo: & concede mihi vt in veritate te perfectè diligam, & in virtutibus indies proficiam, & in seruitio tuo semper deuotior, alacrior, fidelior, & magis strenuus inueniar. Ad quod obtinendū benedicat me omnipotentia Patris, instruat me sapientia filij, repleat me dulcedo Spiritus sancti, attrahatq; me diuina gratia, & vniat me secum sine fine, Amen.

Post horarum canonicarum per solutionem, ad beatissimam Virginem Mariam, Antiphona.

O Flos florum, & domicilium virtutum, & electissima mulierum B. virgo Maria, cuius solius commercio fragilitas humana inuenit aditum resurgendi. Admitte preces nostras intra sacrarium exauditionis tuæ, & reporta nobis gratiam reconciliationis Sit per te excusabile, quod per te ingerimus. Accipe quod offerimus. Impetra quod rogamus, quia nec potentio remeritis ad placandam iram iudicis inuenimus, quam te, quæ meruisti mater existere eiusdem redemptoris & iudicis. *Versus.* Dignare me laudare te virgo sacra.

Respons. Da mihi virtutem contra hostes tuos. *Precatio.*

Concede misericors Deus fragilitati nostræ subsidium, vt qui sanctæ Dei genitricis conceptionem, natiuitatem, præsentationem, annunciationem, compassionem, requiem seu dormitionem, assumptionem, beatificationem seu coronationem, veneramur, intercessionis eius auxilio igne ardentissimæ charitatis accendamus, vt peccatis nostris tua miseratione deletis, per te mereamur cunctas tentationes vincere, mundum contemnere, in aduersis gratias agere, velle pati ac despici, priuatum amorem occidere, vitia mortificare, & in omne beneplacitū tuū fideliter nos tibi vsque ad mortem resignare. Per eundem Dominum nostrum Iesum Christum filium tuum, qui dilexit nos & lauit nos in sanguine suo, pro nobis crucifixus & mortuus, tecum in vnitatis Spiritus sancti per æterna secula benedictus, Amen. Apoc. 1.

Prædictæ festiuitates ita distinguenda sunt, vt quilibet dies hebdomada suum proprium habeat festum, Exempli gratia. Feria secunda Conceptionem. Feria tertia Natiuitatem &c. & sic per ordinem.

Efficacissima ad Iesum, Precatio.

O Nuda humanitas, & magnum martyrium, & virtus sanguinis, & mortis acerbitas, & diuina dulcedo Domini nostri Iesu Christi adiuua me ad æternam felicitatem, Amen.

Leo Papa decimus, concessit remissionem omnium defectuum, in horis canonicis humane fragilitate commissorum, omnibus hæc sequentia dicentibus.

Sacro sanctæ & indiuiduæ Trinitati, crucifixi Domini nostri Iesu Christi humanitati, beatissimæ ac gloriosissimæ virginis Mariæ fecunditati, & omnium Sanctorum vniuersitati sit sempiterna laus, honor, virtus & gloria ab omni creatura, nobisq; remissio omnium peccatorum & negligentiarum per infinita secula seculorum Et beata viscera Mariæ virginis, quæ porcauerunt æterni Patris Filium: & beata vbera quæ lactauerunt Christum Dominum nostrum, Amen.

Pater noster & Ave Maria, pro felici st. an. summi pontificis & sanctæ Matris Ecclesiæ. Item Ecclesiæ, & Omnipotens sempiternus Deus qui viuorum.

PHARETRAE DIVINI AMORIS

Libri Secundi Pars IV.

Complectens in se Exercitia compendiosa efficaciaque vehementer, quibus quisque sese dignè ad celebrandum siue communicandum possit præparare, per sui ipsius diligentem examinationem, mentisque recollectionem. Modus item quomodo multi diuinissimi sacrificij Missæ participes fieri possint, nonnullaque alia exercitia Missæ sacrificium oblaturis necessaria.

Effusio cordis deuotissima ante altaris accessum, vt multi sacratissimi officij Missa participes efficiantur.



Enigmisime bonorum omnium largitor, sapientissime meritorum remunerator, suffragiorumque omnium ponderator Domine Christe Iesu: Sacrificium quod tibi hodie paupericia mea deuotio, quam solus inueneris & metiris, offerre constituit, dignanter non tam secundum eiusdem meæ deuotionis valorem, quam secundum tuam clementiam immensam suscipito. Non pro his duntaxat pro quibus specialiter ordinatum est, verum pro me etiam, & pro his quibus ex pietate aut charitatis debito affricus sum. Neque enim te qui cuncta nosti, latet, quantum hinc pro peccatis meis innumeris, illinc pro tuis debitor sim gratuitis beneficijs. Deinde quantum proximis, præcipue eis de quorum labore manuum ac vultus sudore, panem comedo ac vestior in abundantia, debeam, atque progenitoribus ac benefactoribus meis, quorum ope atque industria in hanc perueni horam. Nec desunt qui meis sese commendarunt orationibus. Sunt item qui suos mihi impartiuntur labores & orationes, & vicissitudinem à me requirunt. Postremò ipsi à me exigunt orationem, quos defraudauit, quos fama aut rebus læsi, quos scandalizauit, quos seduxi, quos verbis aut moribus offendi. Item qui sua mihi peccata confitentur, aut quibus ego confiteor. Quo fit, vt feretotius Christianæ religionis exercitus à me debetum exposulet. Pauper itaque & miser vim patior.

Memor tamen suauissime Domine vniuersarum miserationum tuarum deuotissime flagito, vt tot tantisque creditoribus meis pro me respondeas, hancque Missam (& si qua alia te donante fecero beneplacita) suscipiens per suauissimum cor tuum, in sacrosancta passionis ac mortis tuæ, beatissimæque matris tuæ & omnium Sanctorum tuorum commemorationem, atque secundum multitudinem liberalissimæ donationis tuæ, singulis, prout unicuique opus ad salutem ac liberationem, attribuas.

Fiat hoc sacrificium pijsime Iesu propter infinitam bonitatis tuæ dulcedinem, qua ipsum in S. Ecclesia esse ordinasti: propter amarissimam passionem tuam & mortem, qua ipsum fundasti: propter ardentissimam charitatem, qua in cena leuatis oculis gratias agens Deo Patri ipsum instituisti, & propter merita, & intercessionem gloriosissimæ Virginis Mariæ, Sanctorumque omnium, fiat inquam, hoc sacrificium Missæ mihi & singulis effectus atque fructus tam integer, ac si singulariter pro quolibet

bet nostrum tibi offerretur. Tu enim es perditorum omnium hostia pacifica, quæ sola odoris tui suavitate Patrem tuum caelestem nobis placare & reconciliare potes Christe Iesu piensissime. Qui cum eodem Deo Patre in vnitæte Spiritus sancti viuis & regnas Deus per infinita seculorum secula, Amen.

Que ad cordis compunctionem faciunt, superius multa admodum ordinata sunt, ea quilibet hoc in loco exercere potest si se ad hoc trahi sentiat. Referatur quoque huc illa effusio cordis generalis, siue meditatio animi gratias agentis Deo pro beneficijs acceptis, suamque propriam indignitatem, vilitatem & ingratitude plangentis. Non incommodè etiam ignitas illas animi aspirationes siue iaculatorias orationes ad Deum paulò ante recitatas quisque sua posset deuotioni accommodare, atque ad suum quotidianum profectum inletere ad magis digne celebrandum siue communicandum. Sin autem maluerit quis in dominica se passione exercere & ad digne celebrandum se preparare, Exercitia deuotissima in hoc libro reperiet, quæ suo cuique loco diligenter annotauimus.

Sacrificaturus vti spiritum suum debeat colligere, intencionemque celebrandi formare.

Benignissime Domine Iesu Christe in memoriam & gratiarum actionem sacrosanctæ incarnationis, passionis & mortis tuæ, in memoriam immensæ charitatis tuæ, quæ misericordiam & beneficia tua super nos multiplicasti ab æterno & usque in æternum, in tui (inquam) memoriam Deus bonorum omnium largitor, sacrificium tibi offerre nunc cupio. Et vti nam ex toto cordis mei desiderio verè id cupiam, & dignè perficiam cum profundissima humilitate & reuerentia, cum ardentissima deuotione & stabili cordis inhaerentia in te, in laudem & gloriam nominis tui, ad salutem & profectum omnium generaliter, pro quibus tu mortuus es eorum verò singulariter, pro quibus tu orari singulariter vis, aut ego debeo.

Atque vti nam dulcissime Iesu, ne pollutus atque aded indignus accedam, tu in tuis vulneribus laues & munda me ab omnibus peccatis, vitijs, negligentijs, erroribus, & cæteris omnibus quibus vnquam tibi displicui aut displiceo. Vti nam impleas & ornes me perfectissima charitate atque omnibus virtutibus, quibus tibi placere debeo. Confirma me in gratia tua tanta, per quam impossibile mihi fiat à te excidere, vt sic in vniõne illius intencionis, illius deuotionis illius puritatis, illius charitatis, quibus tu instituisti, obtulisti & offerri voluisti à nobis hoc sacrificium, nunc tibi illud offeram, & in eiusdem vniõne me ipsum totum in beneplacitum tuum offeram holocaustum. Inde quoque mihi & Ecclesiæ tuæ filijs eam virtutem & fructum consequar, quæ passio tua amarissima & ignominiosa in cruce mors contulit mundo, in cuius memoriam & venerationem nunc ad altare tuum accedo, & ex gratia tua, sub custodia & protectione tua, tuum auxilium, tuam directionem, tuum Spiritum sanctum in me inuocans. Qui cum Patre & eodem Spiritu sancto viuis & regnas Deus per omnia secula seculorum, Amen.

Effusio alia cordis breuis.

Domine Iesu Christe, qui vniuersorum es conditor, omniumque bonorum largitor, en ego pauper, nudus, miser & miserabilis, multis peccatis obstrictus, multis vitijs & abominationibus inquinatus, infinitis beneficijs tuis debitor, pro multis hominibus singulariter, pro omnibus autem generaliter orare teneor. Itaque vim patiens ad te confugio, responde pro me. Tibi enim offerre cupio suavissime Iesu sacrificium corporis & sanguinis tui in gratiarum actionem, & in

memo-

memoriam charitatis, passionis, & mortis tuæ, obsecrans te per temetipsum Deus meus, ut illud per cor tuum suscipias, & Patri offeras in vnione omnium meritõrum tuorum, in vnione perpetuæ orationis tuæ, quam facis ad Patrem pro nobis, in vnione virtutis & efficacis, quibus operata est mors tua in cruce, & dones mihi & vniuersæ hæreditati tuæ tuo sanguine redemptæ, eundem fructum percipere, quem tu nobis operatus es, & meruisti in cruce.

Eia piissime Domine, præsta ut hoc sacrificium missæ ita etiam tibi offeram in vnione illius intentionis, illius pietatis, feruoris, deuotionis, charitatis ac reuerentis, quibus tu illud obtulisti in ara crucis, quibus illud etiam offerendum instituisti, & à nobis offerri voluisti. Diues es in miserationibus: tua sunt omnia munera nostra, tua sunt etiam merita nostra, tua sunt præmia nostra: totum est misericordis tuæ, quod habemus & sumus. Parce nobis Domine, & miserere vniuerso humano generi, quod tu creasti, quod etiam pro nobis moriens à morte redemisti. Da vnicuique sicut tu scis, potes, & vis, ad gloriam tuam, & omnium salutem, dulcissime ac misericordissime Domine Iesu Christe Deus meus, Amen.

Effusio cordis item alia ante missam, seu ante sumptionem Eucharistie.

Omnipotens æterne Deus, quantum erubescere debeo in oculis maiestatis tuæ, qui tam deformis, tam inops, tam sordidus, tam vilis, tam miser & ingratus ad te venio, nihil mecum, præter iniquitatum mearum fasciculos adferens. Et hoc cui conquerar mi Domine, nisi tibi ipsi, qui misericordissimus es, qui medicus animarum es, simulq; piissimus saluator? Sana igitur me clementissime Domine in vulneribus tuis, laua me in sanguine tuo, purifica me in miserationibus tuis infinitis. Da mihi omnia merita, omnes virtutes, omnes iustitias, omnem deniq; decorem vitæ, passionis ac mortis tuæ, amator ac redemptor fidelissime. Da mihi etiam omnia merita ac virtutes beatissimæ Mariæ virginis ac matris tuæ, omnium Sanctorum tuorum, & præcipue quorum hodie est festiuitas in regno tuo. Da mihi omnia desideria sancta, omnem deuotionem, ac virtutes amicorum tuorũ N. N. atq; omnium electorum tuorum, qui sunt in hoc mundo (quos ô pie Deus nunc quæso facias tibi mecum assistere, mecum offerre, mecumq; gratiæ tuæ participes fore) ne appareat in conspectu tuo ignominia nuditatis ac vilitatis meæ. Illumina quæso æterne Deus visitatione tua cor meum, & omnes tenebras expelle à me. Fac me sentire cum timore ac reuerentia, cum profundissima humilitate, cum ardentissimo castissimõq; amore iugem præsentiam tuam, quo simul mergar in abyssum cognitionis propriæ nihilitatis, & tuæ bonitatis. Inflamma cor meum quæso igne illo ardentissimæ ac potentissimæ charitatis tuæ, quæ te ad nos, & pro nobis ad mortem traxit. Illo quæso igne gloriose, benedicte, & misericordis me Deus, ardeat semper cor meum, quo omnes vires, omnes potentias, omnesq; motus animæ meæ in te trahas, in te absorbeas, & ut tecum perpetuo & inseparabiliter vnum efficiar tu misericordissime facias, Amen.

Exercitium purgatorium quotidianum in quinque vulneribus Christi ad sacrificandum, aut ad Eucharistiam sacram sacramentaliter spiritaliterq; sumendam iuro, congruũ.

Primo de peccatis tuis ex animo ingemisce, veniamq; à Deo pete. Quod ut attentius facias, diuide singula peccata in vulnera Christi, ut sequitur.

In vul-

In vulnus dextri pedis Iesu pone superbiam, in anem gloriam, & huius speciei similia peccata, in quibus agnoscis aut formidas te deliquisse. Hinc collecto spiritu atq; ad Deum conuerso, toto corde iterum ingemiscens ac pectus tundens, dicito: Deus propitius esto mihi peccatori, & libera me ab omni multiplici peste superbiae, Amen.

Hac autem dicens, desiderio feruenti opta à Deo te in hoc vulnere ab ijs peccatis tuis expiari. Hoc modo fac in singulis alijs quoq; vulneribus Christi.

Iam in vulnus sinistri pedis Christi pone iram & inuidiam, & quicquid in his peccatis in te enatum est quo deliquisti, & vt supra dic: Deus propitius esto mihi peccatori, & libera me ab omni ira & inuidia, Amen.

In vulnus dextrae manus pone gulam & luxuriam tuam, atq; vitia inde germinantia, quae te corrumperunt, ingemiscensq; atq; pectus tundens dicito cum vero planctu cordis ad Deum clamans: Deus propitius esto mihi peccatori, & libera me ab omni multiplici specie gulae & luxuriae, Amen.

In vulnus sinistrae manus Christi repone acediam & negligentiam tuam in diuino seruitio atque officio admissam, & quicquid delictorum inde oritur, lugens pete veniam cum tonsione pectoris, dicendo: Deus propitius esto mihi peccatori, & libera me ab omni acedia & negligentia, Amen.

In vulnus cordis pijsimi Iesu pone amorem tuum priuatum, amoremq; qui in te est mundi, cum omnibus vitijs & concupiscentijs eius inde enatis, quibus neq; Deum, neque proximum pura charitate, sed te metipsum tuis desiderijs satisfaciens, quaeuisisti: vt pote in charitate neq; erga Deum, neque erga proximum rectus & syncerus. Quamobrem ingemiscens ad Deum clama: Deus propitius esto mihi peccatori & libera me ab omni alieno amore & priuato, propter quem nec te pure quaesiu, nec recte syncereq; dilexi proximum, Amen.

Postremo dic mentaliter, aut (si aliter non potes) vocaliter in hunc modum Christum alloquens.

Eia saluator & redemptor benignissime, omnia peccata mea, omnia vitia omnesq; meas negligentias in cor tuum hoc amantissimum atq; misericordissimū pono: Deus meus, mihi propitius esto miserrimo peccatori. Domine Deus meus, vtinā non offendissem te, vtinā ab omni peccato essem liber & immunis. Ignosce misericordissime, ignosce & infunde mihi contritionem intensissimam, vehementēq; qua ex omnibus medullis meis peccata mea dolens lugeam. Da mihi emendationē vitae meae, quo deinceps ab omni peccato pro tui amore abstinēam ac caueam. Imitationem quoq; vitae tuae, qua omnia quae tibi beneplacita sunt, faciam. Heu Domine Iesu, meum cor prauum, durum, tibi infidele & ingratum aufer à me, & da mihi cor tuum, aut cor aliud secundum cor tuum, puta humillimum, fidelissimum, castissimum, misericordissimumq; quod simplifies, tui amore vulneres, tua charitate impleas, in te transformes, tibiq; vnias, Amen.

Secundo necesse est, vt Christo pro peccatis tuis satisfacias. Quod cum te posse desperes, tuū erit illius ei satisfactionem, quam pro te Patri exoluisti, offerre: & diuidere ea quae pro te passus est, in vulnera singula, quomodo ante lugens peccata tua commemorasti.

Itaq; in vulnus dextri pedis Christi pone eiusdem labores, itinera, incommoda, frigus, aestū, famē, sitim, incommoda ac grauamina quaecumq; eius alia, & adorās eum, gratias pro his illi age, offer eadem pro peccatis tuis illi in expiationem tui ac satisfactionē, hoc aut simili modo:

Adoro te misericordissime Deus, tibiq; gratias ago pro cunctis grauaminibus, laboribus, incommodis & fatigationibus tuis mei causa toleratis. En clementissime Iesu, haec

fu, hæc tibi in hoc vulnere nunc offero. Offer tu eadem Patri tuo pro peccatis meis & pro peccatis totius mundi viuorum scilicet & defunctorum in vnione huius charitatis, qua hæc sustinuit, Amen.

Deinde in secundo vulnere sinistri pedis, offer Christo omnes eius iniurias, persecutiones, opprobria, derisiones & contemptum, qua omnia humillime pro te tolerauit, modo quo paulo ante de primo vulnere monstrauit, dicens.

Adoro te misericordissime Deus, tibi gratias ago pro cunctis iniurijs, persecutionibus, opprobrijs, derisionibus & contemptu: quæ omnia propter me tolerasti. Eia, vt supra, & c.

Tertio, in vulnere dextrae manus offer Christo omnes dolores, pœnas, cruciatus, vulnera & lioues, vt supra monstratum est. Dic igitur: Adoro te misericordissime, & c. pro cunctis doloribus, pœnis, cruciatibus, vulneribus & liouibus tuis mei amore à te toleratis. Eia cle. & c. vt supra.

Quarto, in vulnere sinistrae manus offer Christo omnes singulasq; pretiosi sanguinis sui guttas, & roga eadem Patri suo pro te & vniuerso mundo, hoc est, pro peccatis viuorum & mortuorum dignetur offerre in vnione eiusdem charitatis, qua seipsum in cruce Deo Patri obtulit pro nobis, dicens. Adoro te & c.

Quinto, in vulnere lateris, seu cordis offer Christo omnes gemitus, suspiria, tristitias pressurasq; cordis, stetus quoq; & lachrymas & amarissimam mortem, & roga eadem per eundem offerri Patri celesti in satisfactionem pro tuis & pro totius mundi peccatis, dicens. Adoro te & c.

In hoc exercitio obserua, vt pro singulis Christi donis ac beneficijs qua vis eidem offerre, in quinque his vulneribus (quo modo supra dictum est) primum adores eundem Deum, gratiasq; illi humillime agas.

Tertio, in corde Christi gratias illi age pro ipsius charitate, spiritu & mente, dicens hoc modo: Adoro te misericordissime Iesu & benedicens gratias ago tibi in hoc vulnere tuo, pro cunctis beneficijs tuis, quæ vel mihi, vel vlli homini aut creaturæ tuæ exhibuisti, & pro ingenti charitate, qua pro nobis patiens, beneficia nihilo minus ac munera tua nobis dedisti, quæ omnia tibi in laudem & gloriam tuam pro peccatis meis ac totius mundi tibi offero, & vt tu eadem Patri tuo pro omnibus nobis offeras supplex rogo, Amen.

Si es celebraturus, vel sacramentaliter, vel spiritualiter communicaturus.

In eodem vulnere cordis tui dulcissime Iesu cupio ad mensam tuam accedere, & in honorem, in memoriamq; tuæ charitatis, hoc est, in memoriam tuæ sanctissimæ incarnationis, natiuitatis, vitæ, passionis, vulnerum, sanguinis, dolorum ac mortis tuæ, opto sacrificium illud (quo teipsum nobis dedisti) atque in illius vnione meipsum tibi offerre in holocaustum, in gloriam & beneplacitum tuum, obsecrans te per infinitam bonitatem tuam, indue me vestibus innocentiae, virtutum meritumq; sanctissimæ vitæ tuæ, vt in vnione eiusdem deuotionis, charitatis, puritatis ac reuerentiæ, qua tu hoc Sacramentum instituisti, sumpsisti, nobis dedisti, & à nobis frequentari illud in tui memoriam voluisti, accedam, & ardentissimis charitatis desiderijs illud gratia tua dignum me faciente, suscipiam, Amen.

Exercitium preparatorium ad communionem sacramentalem seu spiritualem, & etiam ad celebrationem missæ, & septem effusiones sanguinis Christi, quibus contra septem peccata mortalia septem virtutes ac beatitudines applicantur, distinctum.

Prima

Prima effusio sanguinis Christi fuit in circumcissione. Cui applicatur contra primum peccatum mortale, puta contra luxuriam, castitatis virtus & beatitudo, iuxta hic seruatam ordinem prima, scilicet munditia cordis.

Oratio seu effusio cordis prima.

Iesu benignissime Deus meus tibi confiteor, teq; laudo, qui propter nos omnem miseriam nostræ naturæ absque peccato suscipiens, homo factus, mox vbi mundum ingressus es, diuinæ legi voluisti te subijcere, circumciditq; & sanguinem pro nobis fundere. Pro hac charitate & bonitate tua, pro in fantilis quoq; sanguinis effusione te adoro, te benedico, tibiq; gratias ago, & per eandem sanguinis tui effusionē te obsecro, vt omnem luxuriæ speciem de corde meo, & de carne mea penitus auferas, eius concupiscentiam in me carnalem radicibus mortifices & extinguas, vt in puritate & in castissima simplicitate mentis, vt in vera munditia cordis, vt denique in pudicissima corporis castitate tibi perpetuo inauertibiliterq; adhaream.

Ah misericordissime IESV, vtinam in hac effusione sanguinis tui merear ab omnibus peccatis, vitijs & negligentijs meis nunc expiari, quo ex tua misericordia & gratia perceptioe sacrosancti corporis & sanguinis tui dignus efficiar.

Secunda effusio sanguinis CHRISTI fuit in monte Oliueti. Cui applicari potest contra superbiam, secundum scilicet peccatum mortale, humilitatis virtus petenda, & luctus vna ex beatitudinibus.

Effusio cordis secunda.

Iesu benignissime Deus meus, Adoro, laudo, benedico te, & gratias tibi ago pro angustia pressuræq; cordis tui, quam in monte Oliueti inter orandum pertulisti, præmeditans acerbissimas horrendasq; passionis ac mortis tuæ pœnas & cruciatibus tunc tibi imminentes, quos iuxta naturam sensualitatemq; exhorruisti, rursusq; secundum rationem tanto easdem nos redimendi desiderio concupisti, vt contrarijs his desiderijs simul compugnantibus, teq; in agone interea constituto, sudor ex te decurreret sanguineus. In hac quæso Christe Iesu angustia tua, per hanc quoque effusionem sanguinei sudoris tui ex te abunde promanantem, obsecro te, vt omnem superbiam omnemq; superbiæ species in me conteras, extermines ac deleas. Infunde mihi quæso profundissimam perfectissimamq; humilitatem, qua peccata mea ingratitude meam perfecte cognoscam, odiam, in desinenter lugeam, meipsum quoque contemnam, atque ab omnibus contemni diligam. Ah misericordissime Iesu, vtinam in hac effusione sanguinis tui, &c. vt supra.

Tertia effusio sanguinis CHRISTI facta est in eius flagellatione, cui contra tertium mortale peccatum, puta contra iram, applicatur mansuetudo seu benignitas, tertiq; iuxta hunc ordinem beatitudo qua vocatur, mititas.

Effusio cordis tertia.

Iesu benignissime Deus meus, pro dira flagellatione tenerrimi nobilissimiq; corporis tui vndiq; vulnerati, & pro effusione preciosissimi sanguinis tui, adoro & benedico te, gratiasq; tibi ago. Compeste & extingue in me omnes iracundiæ impatientiæq; motus. Nullum finas pie Iesu, in cor meum intrare aut morari ibi rancorem, amaritudinem seu displicentiam. Infunde mihi quæso perfectissimam mititatem ac mansuetudinem cordis, qua cuncta aduersa æquanimiter suscipiam, pauc-

patientissime, ac cum gratiarum actione tolerem, ac me totum tibi resignem, plene ac funditus relinquam. Ah misericordissime Iesu, &c. *vt supra.*

Quarta effusio sanguinis Christi facta est in eius coronatione. Cui contra quartum mortale peccatum, acediam scilicet, applicatur deuotio feruens, & beatitudo, quarta esurietio iustitia.

Effusio cordis quarta.

Iesu benignissime, Deus meus, pro acerbissima coronatione spinarum, caput tuum compungentium, pro largissimaque effusione riuulorum sanguinis tui per genas, oculos, & collum tuum defluentium, adoro, laudo & benedico te, gratiasque tibi ago, suppliciter te rogans, vt omnem acediam, torporem, pigritiam, negligentiamque à me radicitus tollas: deuotionem verò feruentissimam alacritatemque spiritus in tuo maxime seruitio mihi infundas, vt iustitiam, virtutem, animarum salutem, tui quoque amorem, honorem ac gloriam tuam, cor meum vehementer esuriat, ardentissimeque sitiat, aded vt quae extra te sunt cuncta fastidium. Tu verò solus totus perfectissime ac perpetue mihi placeas in omnibus & super omnia. Ah misericordissime Iesu &c.

Quinta sanguinis Christi effusio facta est in exutione vestium ante crucem, vbi illi vestis lanea, qua compacta vulneribus haeserat, extracta est, tam vulnera, quam dolores renouans. Cui contra quintum mortale peccatum auaritiam scilicet, applicatur paupertatis amor, mundiciae contemptus, beatitudoque, quinta, paupertas spiritus.

Effusio cordis quinta.

Iesu benignissime, Deus meus, pro vestium tuarum extractione, pro corporis tui denudatione in oculis hostium tuorum, pro tui derisione, pro vulnerum dolorumque renouatione, pro sanguinis nobilissimi effusione & conculcatione, adoro, laudo & benedico te, ac gratias tibi ago, te oblectans per misericordiam tuam, vt mundi amore, & omni amore creaturarum, priuatoque aut abs te alieno me exuas, prorsusque liberum facias, quo paupertatem, contemptum & simplicitatem ex animo diligam, desiderantissime feram, & caelestia bona, te verò super omnia aestuantissimi desiderijs concupiscam. Ah misericordissime Iesu &c.

Sexta Christi sanguinis effusio est, quae in perforatione manuum ac pedum, membrorumque Christi extensione & crucipendentia exundans, crucem terramque, rigauit. Huic contra sextum peccatum mortale, puta contra a gulam, applicatur temperantia, & sexta beatitudo, pax, seu pacificatio. Tunc enim suam charitatem ad nos, ad latronem, ad tortores, ad matrem, ad omnesque exhibuit, & in cruce inter caelum terramque, suspensus, sese pacis arbitrum ac mediatorem inter Deum & hominem constituit.

Effusio cordis sexta.

Iesu benignissime Deus meus pro extensione membrorum tuorum omnium in cruce, pro perforsione, crucifixioneque manuum tuarum ac pedum, pro largissima effusione tui sanguinis decurrentis è vulneribus tuis, per diuinam crucipendentiam ampliatis, quo crucem rigabas & terram, adoro, laudo, benedico te, & gratias tibi ago, obsecroque, vt me ab omni intemperantia & indiscretione sobrium & continentem facias pijsime Deus. Cor pacificum, mitissimum ac benignissimum mihi praebens, quod pacem diligat, paci studeat, foueat concordiam, scismata & scandalala tollat, & ad vniocem amoris illam felicissimam, qua tecum vnum efficimur, qua

qua vnus amor, vnusq; nobis tecum est voluntas, indefinenter aspiret. Ah misericordissime Iesu, &c.

Septima effusio sanguinis Christi est ex apertione lateris eius mortui, vnde exiuit sanguis & aqua: Creditur autem (vt in reuelationibus sancte Brigitta beata Dei genitrix Maria afruit) Domini Iesu cor piissimum tunc vulneratum lancea militis, quo ad se nobis intrandi Christus faceret, aperiretq; amoris ostium, vulnus misericordia, gurgitem charitatis. Huic effusioni sanguinis contra septimum peccatum mortale, inuidiam scilicet, applicatur charitas, atq; septima beatitudo, misericordia.

Effusio cordis septima.

Iesu benignissime, Deus meus, pro apertione lateris ac cordis tui mucrone lanceæ vulnerati, pro effusione sanguinis & aquæ inde emanantis adoro, laudo & benedico te, gratiasq; tibi ago: Quandoquidem cor tuum tam mihi quam alijs peccatoribus ad te redeuntibus referasti. Per huius misericordissimi cordis tui pietatem te obsecro, vt de corde meo auferas omnem liuorem, amarulentiam atq; inuidiam. Piissime Deus, aufer à me cor durum & prauum, cor superbum ac liuidum, & da mihi aut cor tuum, aut cor secundum cor tuum piissimum, fidelissimum, mitissimum, misericordissimum, humillimum, obedientissimum, omnifaria mortificatione ac resignatione perfectum, fide, spe & charitate perpetua plenum, quod in te indefinenter teneas absorptum, & ad omnes homines, præsertim ad inimicos, dilectione & miseratione reddas effusum.

Potest his septem effusionibus sanguinis Christi addi veneratio sanctissima mortis Iesu Christi, hoc est, separationis anime à corpore, qua fuit omnium acerbissima. Solus enim ipse, qui pro omnibus gustauit mortem, cognoscere potuit mortis amaritudinem. Cognitio enim, apprehensio & sensus in Christo moriente, in vltimum vsq; momentum permanens aque ac in viuente (aliter enim contingit nobis) viguit. Huic contra priuatum amorem Dei & eius potest applicari, & beatitudo octaua, qua est patientia propter Christum.

Effusio cordis alia.

Iesu misericordissime, vita & spes mea Deus. Ecce nunc tibi offero omnem laborem & fatigationem tuam, omnem penuriam, contemptum, aduersitates & incommoda tua, omnes poenas, dolores, vulnera, liuores tuos, omnes pressuras, tristitias & angustias tuas. Ad extremum, crucem tuam & mortem acerbissimam, hoc est, dolorosissimam benedictæ anime & corporis tui separationem. Pro quibus omnibus te laudans & gratias tibi agens, te Deum meum adoro. Offero autem hæc omnia quæ pro me sustinuisti, & ipsam immensam charitatem tuam, quæ ad patientiam te pro nobis induxit tibi nunc Christe Iesu pro peccatis meis, & pro peccatis totius mundi, tam viuorum quam mortuorum. Obsecro autem te per omniaq; innocens pro me passus es, da mihi infatigabilem iugemq; patientiam, qua omnia quæ tu super me venire permittis, tui amore patientissime tolerem, & in laudem, gloriâ & beneplacitum tuum me totum quod sum ac possum, omnes scilicet vires & motus corporis mei expendam. Amen.

Exercitium aliud sacrificantium, figuris sacræ scripturæ quadrans, quod ante aut etiam post sacrificium, & sub sacrificio Missæ (ubi vacat tempus) est mente ruminandum.

*Sacrificaturus, ante oblationem imitare mulierem Chanaanam, humiliter perseveranterq;
orantem, & dic:*

AD te venio Christe Iesu, saluator mundi, vt mulier olim ad te venit Chanaanæ, filia, hoc est, animæ meæ, carnis concupiscentiis, immundis varijsq; tentationibus vexata, salutem petens. Ad hoc enim venisti in mundum tu pijsissime, vt saluos facias peccatores & oppressos à diabolo. Idcirco miserere mei quæso, & salua me.

Quomodo autem hæc mulier, donec exaudita est, orare non desijt, fac tu me quoq; vt ab oratione non quiescam, sequar te quocūque ieris, perseverem humiliter, suppliciter, ac plenus pia orans fiducia, quandoquidem orare & petere nos iubens, exauditurum te cum Patre promisti. Quando enim tu, qui pijsissimus es, pulsanti nō aperires? aut quando perseveranter te inuocantem non saluares? Miserere igitur quæso mei Deus meus & salua me.

Non sum pijsissime Deus filiorum pane dignus, qui catellus saltem tuus, vt inam digne, vocari merear, tibi Domino meo inseparabiliter adhærens, pro tui honore zelans ac latrans, vt de micis gratiarum tuarum indefinenter quoq; alar. Et quamuis inter peccatores sim maximus, quantum tamen omnes te simul diligunt sancti, te Deus meus amare cupio, & in vnione omnium desideriorum tuorum te desidero. Miserere quæso mei Deus meus, & salua me, Amen.

Ante sacram oblationem imitare Centurionem se humiliter agnoscentem, & dic:

Matth. 8

AD te Christe Iesu saluator mundi, cum Centurione quoq; nuncios præmitto, beatissimam ac electissimam tuam matrem, sponfas tuas virgines sanctas, ac Mariam Magdalenam, (quibus nihil negare potes) sanctosq; tuos omnes, vt pro me intercedant, & accedere indignum forasidumq; tuis vulneribus lauent, tuis meritis vestiant. Tu verò miserere quæso mei Deus meus, & salua me.

Scio planè ex tua misericordia infinita Domine mi Iesu Christe, Deus meus, id prouenire, vt venias ad me, quamuis ad hoc indignissimus sim, vt intres sub tectum meum. Sed nunquid te repellere, aut à te fugere debeo? Quo enim fugiens fugiam? Magis ad tuam misericordiam clementissimam mihi confugiendum est. Ad te igitur clementissimo Iesu confugio. Miserere quæso mei Deus meus, & salua me.

Scio quoq; si dixeris tantum verbum, salua erit anima mea. Idcirco totum me resigno benevolentissimæ tuæ prouidentia, & totum trado me tuo sanctissimo beneplacito. Miserere quæso mei Deus meus, & salua me, Amen.

Ante sacram celebrationem vel communionem imitare Ruth, & dic:

Ruth. 2

AD te Christe Iesu venio saluator mundi, tua cum Ruth sequi vestigia cupiens. Obsecro autem te per omnes miserationes tuas, vt vulnera, dolorem, passionem ac mortem tuam indelebiliter meo cordi imprimas: in his memoria mea, omnes cogitationes & omnes motus cordis mei continuè versentur & absorbentur. Quicquid video, audio & sentio, in vulnera tua intingam ac traham. Vulnera tua indies me vulnerent, & tui amor indies ignescens inflammet. Tu verò miserere quæso mei Deus meus, & salua me.

Factu me Domine sollicitum, feruoremq; mihi infunde sanctum, quo tuæ sanctissimæ vitæ, sanctorumq; tuorum virtutes & exempla inuestigans, & cum Ruth spicas colligens, imitari hæc studeam, vt in aduersitatum omnium trituram ac tribulatio-

bulationem tam amanter, quàm gaudenter; me quoq; tibi plenè sacrificem. Quod vt obtineam, miserere tu quæso mei Deus meus, & salua me.

Ante omnia autem charitatis excellentissimæ, perfectissimæ, perpetuæq; me pallio operias rogo, quam tu quæso mihi largiaris, vt veste hac nuptiali nullo vnquam momento caream, quoad pòst mortem ilicò cœnam gaudij cœlestis, te introducente, ingredi merear. Nunc igitur miserere quæso mei Deus meus, & salua me, Amen.

Inter sacrificandum, aut ante communionem sacram, imitare Zachæum, Christum cum desiderio recipientem, & dic mentaliter.

Coram te sto en clementissime Iesu (me miserum) frigidus & siccus. Tu igitur incende in me quæso esuriem & sitim iustitiæ, vt cum Zachæo indies te esuriat sitiãq; cor meum. Te igitur inuoco: Veni vt miserearis mei Deus meus, & salua me Recipiam te in hospitium cordis mei Deus meus, pascam te alacriter amore & reuerentia. Sed vnde te pascam, à te recipiam: & rursus pascar gratia tua, qua intimiùs tibi coniungi, nec vnquam à te valeam separari. Tu igitur quæso miserere mei Deus meus, & salua me, Amen.

Tibi itaque Domine omnibus s; attribus & proximis meis in corde meo sit hospitium charitatis & pacis, cui omnis liuor & ira absit: ad omnes verò sit in me patientia, misericordia, deuotio & tranquillitas, omnium offensionibus ignoscam, omniaq; in me peccata dimittam. Tu verò miserere quæso mei Deus meus, & salua me, Amen.

Sacrificaturus aut communicaturus imitare Matthæum, conuuiuium Christo parantem, & dic.

Trahe me post te dulcissime Iesu, vt inter tristia & aduersa cum Matthæo sequar te in omnibus, nec tu patiaris me recedere à te, sed miserere mei Deus meus, & salua me. Parem tibi in me conuuiuium desideriorum sanctorum amore tui æstuantium. Sed quid parabo mendicus & pauper? Tu igitur da mihi quæso dulcissimi Iesu, quod tibi parem, quod tibi offeram, & in quo benè placeat spiritui tuo. Tu quoque miserere quæso mei Deus meus, & salua me.

Quomodo autem tu dixisti tunc pijsime ac misericordissime Deus, misericordiam te malle, quàm sacrificium, fac vt cor meum totum per misericordiam tibi sacrificem, compatiens singulorum necessitatibus, & subuenire pro viribus fatagens omnium indigentijs Fac tu quæso me misericordissimum in omnes, vt tuam quoque ego misericordiam plenam recipiam. Miserator pijsime, miserere quæso mei Deus meus, & salua me, Amen.

Celebraturus aut communicaturus imitare Martham sollicitè diligenterq; Domino ministrantem, & Mariam vocantem, dicens.

Cvm metu & reuerentia, excellentissime & omnipotens Deus, fac me tuo altari assistere, omnem negligentiam cauere, & deuotè, attentè ac vigilanter tibi ministrare. Miserere tu quæso mei Deus meus, & salua me.

Nulla me occupatio, nulla me concupiscentia, nulla denique sollicitudo à te, suauissime Iesu, diuidat aut auertat: sed mens mea cum Maria Magdalena tui amore inebriata, tibi soli vacet, in te rapiatur, tibi inhæreat. Audi me quæso pijsime Iesu, miserere mei Deus meus, & salua me.

Vnum te cognoscam necessarium, cui soli purè intendam, quem solum queram,

P in

in quo pascatur & quiescat anima mea Quapropter te ipsum mihi largire. Misere-
re quæso mei Deus meus, & salua me, Amen.

Interim quod Sacerdos sacrificaturus sacris se induit vestibus, ora-
tiones deuotissimæ ore aut mente ruminandæ.

Quando sacerdos induit se scapulari, & stringit se cum funiculis, Precatio.

Iesu amabilissime, qui iniquorum manibus dire ligari instar latronis voluisti,
dirumpe quæso vincula peccatorum meorum, vt hostiam tibi laudis sacrifica-
re possim, ac nomen tuum sanctum iugiter inuocare. Iesu benignissime, qui co-
laphizari & immundis sputis pulcherrimam faciem tuam, in quam desiderant
Angeli prospicere, voluisti maculari, cædi ac velari, illumina oculos meos, & res-
pice in me oculis benignissimæ misericordiæ tuæ, quibus Petrum ter te negantem
respexisti, omniaq; mea peccata profundissimis tuis operi vulneribus, ne in die
iudicij mihi exprobrentur, Qui viuus & regnas &c.

Dum albam sacerdos induit, Precatio.

Iesu clementissime, qui hora Prima diei pro me Pilato Præfidi præsentari, fal-
sitàq; voluisti accusari, & à Pilato ad Herodem mitti, atque ab eodem & exercitu
eius derideri, in vesteq; alba illudi, & sic ad Pilatum reduci. Da mihi mundi
huius prudentiam, quæ non nisi merà stultitia est apud te, sapienter declinare, teq;
agnum sine macula in stolis albis innocentix, & simplicitatis & virginei candoris
incessanter fideliterq; imitari. Qui viuus &c.

Dum zona se succingit sacerdos, Precatio.

Iesu dulcissime, qui hora Tertia pro me, à Iudæis Barrabam dimitti petentibus,
reprobati, & ad columnam funiculis dire ligari, flagellisq; duris cædi voluisti,
ita vt in corpore tuo à planta pedis vsque ad verticem capitis nulla in te appa-
reret sanitas: corripe me tu iuste in misericordia tua, dum in hac vita sum, & nobi
mihi mala mea & peccata in diem iudicij tui referuare. Qui cum Deo Patri &c.

Dum manipulum induit, Precatio.

Iesu charissime, qui funem quo fuisti ad columnam in flagellatione ligatus, in
sinistro brachio deferre voluisti, & arundinem pro sceptro in dextra derisorie
tibi dari, da mihi funem peccatorum meorum quibus circumplexus sum, in si-
nistra detestationis & contritionis deferre, vt arundinem siue palmam victoriæ,
in dextra merear suscipere atque gestare. Qui &c.

Dum stolam induit, Precatio.

Iesu fidelissime, humani generis amator, qui hora diei Sexta Crucem proprijs
humeris ignominiosè ad montem Caluarix depressus, inclinatus & cruentatus
baiulare voluisti: da mihi sic intrepidè Crucem penitentix quotidie baiulare,
vt ad te montem æternæ beatitudinis merear peruenire. Qui viuus & regnas &c.

Dum casulam induit, Precatio.

Iesu gloriosissime, qui veste purpurea, lacera & derisoria indui à Iudæis atro-
cissime iam coronatus voluisti, & tanquam leprosus hominumq; despectissi-
mus coram omni populo præsentari, intime te deprecor, vt illam miserabilem

ac despicabilem vultus tui diuini mihi speciem cordi meo perspicaciter imprimas, fortiterque infigas, qualem visus es ò rex gloriæ & æternæ patriæ reparator, illa hora habuisse. Qui cum eodem Patre & Spiritu sancto &c.

Sub diuinissimo Missæ officio, vt se quisque celebrans exercere debeat.

Quando lauas manus celebraturus, Precatio.

Domine Iesu Christe, en tibi soli peccaui, tu solus nosti iniquitatum & negligentiarum mearum sordes, laua & munda me in sanguine tuo ab omnibus peccatis, vitijs & negligentijs meis. Et quia totus inops, miser, egenus & pauper sum, ne in conspectu tuo omnino appaream nudus & confusus, da mihi merita sanctissimæ vitæ & passionis tuæ. His me indue, quia in ijs solus confidens, audebo apparere in conspectu diuinæ & superexcellentsimæ Maiestatis tuæ. Qui vis & regnas. &c.

Alia ad idem, breuior Precatio.

O Misericordissime Domine Deus meus Iesu Christe, purifica me in sanguine tuo ab vniuersis peccatis, vitijs & negligentijs meis, vt puro ac simplici corde tibi semper placeam, & amore feruentissimo in hæream, Amen.

Quando lauas in Missa manus deuotissima meditatio.

Cogita & ingemisce pro sordibus tuis, quod stas creatorem cæli & terra (cui se totus orbis inclinat, quem Angeli tremunt & adorant) tractaturus & sumpturus, indignus, adeoq, vilis & impurus in oculis eius, vt cum multo dolore cordis merito sepius ad illum clames: O misericordissime Deus, propitius esto mihi peccatori: O colende, & metuende, ò adorande omnipotens æternæ Deus, quid facio? Tuæ misericordiæ infinitæ me committo. Obsecro te pietas immensa, non finas vt offendam te: Aut munda me à peccatis meis & purifica cor meum ab omni prauitate, aut occide me, ne peccem in te. Dulcissime Iesu, omnes sensus, omnes vires, cogitatus & affectus meos include & stabili intra cor tuum, & perpetuo ibi sepeli, vt tecum sima & maneam totus in æternum. Laua me Domine ab omnibus peccatis, vitijs ac negligentijs meis, quo templum Spiritus sancti effici merear. Ah vtinam puro, simplici ac humili corde tibi semper placeam, & amore castissimo ac feruentissimo tibi semper in hæream.

Memoria viuorum in Missa seruanda, breuis formula per casus.

Memento Domine mei miserimi peccatoris: in gratiam tuam me recipias, ab omni peccato me libera & præserues, castodias, dirigas, teneas atque totum me possideas. Conuerte me totum in laudem, in honorem & in beneplacitum tuum, vt de me, per me & in me tua laudabilissima voluntas semper fiat, vt in omnibus & singulis ita sim, ita me habeam, quemadmodum maxime placeret tuæ sanctissimæ voluntati. Vtinam vulneres, repleas, absorbeas, vniuersasque me tibi perfectissima, ardentissima, fidelissima atque perpetua charitate, vt ex toto corde meo atque omnibus animæ medullis te diligam, te sitiam, quæram, laudem & benedicam in omnibus & super omnia, te solum cogitem, te solum desiderem, tibi soli placere cupiam, tibi soli totus inauertibiliter in hæream, & omne tempus vitæ meæ, omnesque vires animæ & corporis in laudem, gloriam & beneplacitum tuum expendam, Amen.

Nominatio.

- Genituo.** Simili modo clementissime Pater memento quæso parentum meorum carnalium & spiritualium, qui me cum magna charitate, cura, labore & difficultate hucusque educarunt. Quorum curam & singularia quæ vnquam erga me egerunt, corde vel corpore, ad minimum vsque pedis passum, per pijsimum cor virginæ matris tuæ Mariæ tibi repræsentò, & tuis sanctissimis operibus vnio, vt in illis sanctifices, perficias ac nobilites, atq; sic super benedictæ Trinitati in laudem ipsius æternam, & eorum salutem offeras & repræsentes. Memento insuper fratrum meorum & fororum, & liberorum ipsorum, denique omnium consanguineorum, amicorum & affinium, quocunq; gradu mihi attinentium. Ex quibus digneris illis & illis eandem pijsimi cordis tui exhibere gratiam vocationis, quàm mihi ad eò indigno & abiecto homini præstitisti, & custodire ab ea via perditissima, quàm ego propria iniquitate elegeram, & ingressus fueram. Et si qui sunt alij, quos tibi ad honorem tuum fideles futuros esse nosti, &c.
- Datiuo.** Omnium item, pijsime Domine, memento benefactorum meorum carnalium & spiritualium quorum vnquam vsus sum & adhuc quotidie vtor elemosynis, beneficijs, fauore, subsidio, sustentatione & gratia, vt digneris illis ex superfluo pietatis tuæ thesauro centuplum retribuere, hic in gratia, & postmodum in gloria. Commendatorum item omnium, qui se vnquam meis indignis commenda-verunt orationibus, vel quibus ego quacunq; ex causa debitor aut aliquid pollicitus sum, notitia aut familiaritate coniunctus. Confœderatorum & commissorum, &c.
- Accusatiuo.** Omnium item memento quos ego vnquam offendi, aut verbo vel facto læsi aut scandaliz tui, ad peccatum induxi, vel qui me, &c.
- Vocatiuo.** Omnium quoque memento Domine vocatorum ad fidem Christianam, ad dignitates, officia, prælaturas, regimen animarum, ad religiones, & omnis gradus & ordinis fidelium, &c.
- Ablatiuo.** Memento item pie Domine omnium ablatorum à pace pectoris, & qui in tristitia aut quacunq; sunt afflictione, necessitate, tentatione, sollicitudine, & in peccatis indurati, aut quibus animæ aut corporis imminet discrimen.
Potest demum adungi, si quid habeatur singulare. Horum singulorum & vniuersorum viuentium, pijsime Iesu, necessitates, causas & salutem commendo in superfluentem diuinæ pietatis tuæ abyssum, vt cum eis agere paterna cura digneris ad supremum diuini cordis tui beneplacitum, gloriam, &c. & summam eorum salutem, sicut tu pijsime vis & sapiētissime scis, Amen. Et omnium circumstantiū, &c.
- Memoria defunctorum.*
- In Nomina-
tuo.** **P**Ro quibus singulariter celebratur, si pro aliquibus singulariter, & quorum in altari illo est memoria fundata, aut ex debito seruanda, &c.
- Genituo.** Memento etiam Domine parentum meorum, & horum quoque parentum & omnium maiorum meorum, fratrum insuper & fororum præsertim illorum, &c. & omnium consanguineorum, omnium fratrum ordinis, qui necdum satisfecerunt, specialiter congregationis huius, & quorum notitiam & familiaritatem hic habui.
- Datiuo.** Benefactorum etiam meorum memor esse digneris, quibus teneor, qui vnquam mihi bonum aut voluerunt, aut verbo vel facto fecerunt. Benefactorum item ordinis, cellæ, & meorum confœderatorum, sepultorum in Domino, quibus promisi aut teneor, &c.

Quos

Quos offendi, aut, &c. *vt supra.* Qui non habent aliunde suffragia. *Vt si quos singulares habueris, &c.* Accusatio.

Circa memorias viuorum, aut Sacramenti sumptionem, potes etiam pro te sic orare, aut alio tempore quando cunq; uolueris.

Misericordissime Iesu, tuæ maiestati & pietati nunc supplicem offero & commendo me, rogans te per omnia vulnera corporis tui, per preciosi sanguinis tui guttas singulas, perq; immensam pietatem cordis tui, vt in gratiam tuam me recipias, ab omni me peccato libereres & præserues, custodias, dirigas, teneas atque totum tu me possideas. Cõuertas me totum in laudẽ, in honorem, & in beneplacitum tuum, vt de me, per me, in me, & in omnibus tua laudabilissima uoluntas *semper* fiat, vt in omnibus & singulis ita sim, ita me habeam quemadmodum *maximẽ* placeret tuæ sanctissimæ uoluntati. Utinam vulneres, repleas, absorbeas, uniasq; me tibi Deus meus, perfectissima, ardentissima, fidelissima atque perpetua charitate, vt ex toto corde meo, atque ex omnibus medullis animæ meæ, te diligam, te ficiam, quæram, laudem & benedicam in omnibus & super omnia.

Dulcis Iesu Deus meus, absorbeat me quæso ignita & melliflua vis amoris tui, quæ penetret cor in eum, purgetq; & rapiat in se omnia interiora mea, vt sicut flamma ardens in tui amore totus ardeam, totus à meipso deficiam, te uerò solum cogitem, te solum desiderem, te solum sciam & sentiam, tibi soli in hæream, & omne tempus uitæ meæ, omnesq; vires animæ & corporis mei in laudem, gloriam & beneplacitum tuum expendam, Amen.

Sub Missa, siue ipse sacrifices, siue sacrificanti assistas, oblatio.

Domine Iesu Christe, in memoriam benedictæ incarnationis, passionis ac mortis tuæ; in memoriam omnium vulnerum, dolorum, suspiriorum, gemituum lachrymarum, & guttarum sanguinis tui, in memoriam immensæ charitatis tuæ, qua propter me natus, passus, crucifixus & mortuus es, offero tibi nunc huius Missæ, & omnium Missarũ quæ in toto mundo fiunt, hostiã sacrosancti corporis & sanguinis tui, & in unione huius oblationis, atque illius quo temetipsum in ara crucis obtulisti, offero meipsum in laudem, gloriam & beneplacitum tuum, obsecrans per viscera misericordiæ tuæ, vt hæc omnia suscipias, ac Patri tuo offeras in ea uirtute, qua illi in cruce moriens spiritum tuum tradidisti, vt uiuis tuam gratiam, & defunctis requiem, & omnibus nobis misericordiam uitamq; largiaris sempiternam. Singulariter tamen oro te pro illo N.N.

Oblatio alia Christi crucifixi ad Patrem.

Respice nunc Domine sancte Pater omnipotens æternæ Deus & de sanctuario tuo, & de excelso celorum habitaculo, & intue te hanc sacrosanctã hostiam, quam tibi offert magnus pontifex noster sanctus puer tuus, Dominus noster Iesus Christus pro peccatis fratrum suorum, & esto placabilis super multitudinem malitiæ nostræ, quia uox sanguinis fratris nostri Iesu clamat ad te de cruce. Ecce habeo quod offeram tibi pro peccatis meis, per ipsum, & in ipso in beneplacitum sanctissimæ atque nobilissimæ uoluntatis tuæ, Amen.

Hostiam eleuaturus, adora suppliciter & precare.

Adoro te Domine Iesu Christe & benedico tibi, qui pro nobis in cruce moriens redemisti mundum.

Inter eleuandum ora, vt Pater coelestis Filium suum respicere & acceptare dignetur, quem eidem offerimus in satisfactionem omnium peccatorum nostrorum, in suppletionem omnium negligentiarum nostrarum, & pro gratiarum actione omnium beneficiorum eius.

Ad eleuationem hostie, Precatio.

Omnipotens aeternae Deus, o Pater misericordiarum, es hostiam viuam, quam hic & vbique vniuersa tibi offert Ecclesia. Hanc offero tibi cum omnibus virtutibus & meritis vnigeniti tui, in illo amore & virtute, qua ipse sibi in cruce semetipsum obtulit pro nobis, in expiationem omnium peccatorum meorum, in suppletionem omnium negligentiarum & defectuum meorum, & in gratiarum actionem & confessionem omnium beneficiorum tuorum, & in memoriam beneficiorum & dilectionis eius, pro me, & pro fidelibus tuis omnibus viuus & defunctis, Amen.

Iterum inclinando dic mentaliter, veniam petendo.

Deus, propitius esto mihi peccatori. Aufer a me quicquid tibi in me displicet, infunde in me quicquid tibi placet, conuerte me totum in laudem & gloriam & beneplacitam tuam dulcis Iesu, Domine Deus meus, Amen.

Ad eleuationem calicis, orato.

Amantissime Iesu, per effusionem sacrosancti sanguinis tui obsecro te, fac vt vniuerso mundo cum omnibus peccatis, vitijs & concupiscentijs moriar, & per incendium amoris tui a meipso deficiam, tibiq; soli ac in te solo viuam, Amen.

Post oblationem calicis, offer te in vnione huius sacrificij in omne beneplacitum Deo, & pete tibi donari veram & perfectam resignationem & abnegationem tui ipsius.

Quando sacram hostiam sub Missa in manus accipis adorans eandem, dic mentaliter.

Matth. 9.

Domine Iesu, fiat nunc mihi quod contigit deuotae ancillae tuae, dicenti: Si tetigero tantum simbriam vestimenti eius, salua ero. Fac igitur per hunc contactum tui benedicti corporis, omnem concupiscentiam vitiosam ac inordinatam in me exiccari, & fide, spe & charitate integerrima inauertabiliter cor meum tibi coniungi, Amen.

Ante communionem sacratissimam quam petenda sint.

An te communionem erubescere, & confitere Deo infirmitatem, vilitatem, ingratitude & malitiam tuam. Pete veniam & plenam remissionem in hac vita. Age gratias Deo pro omnibus beneficijs eius praesertim incarnationis, passionis, &c.

Ora mundo eandem efficaciam & virtutem ex huius hostie oblatione superfundit, quam (& quanta oblatio illa, in cuius vnione, & ad cuius memoriam hac praesens offertur) operata est in cruce. Custodiam praeseruantem a peccatis pete ex hoc Sacramento, Spiritualem mortem omnibus vitijs & concupiscentijs, ardentissimam, perfectissimam, perpetuam charitatem &c. Commenda Ecclesiam statum, & pro quibus singulariter orare debes, pro commissis, consideratis, benefactoribus, &c.

Interim

Interim dum habes Sacramentum in ore, multiplica desideria, & repete preces in corde, ut ipse sibi in te faciat haberi aculum mundum, gratum, perpetuum, & te in se trahat, absorbeat, uniatq; inseparabiliter ac inuertibiliter.

Postquam orationem dixisti. Quod ore sumpsimus Domine, &c. aut ubi tibi vacat, interim quod abluitionem sumis, corporalia complicas, & ad communionem legendam te paras, dic mentaliter orationem qua supra habetur: Domine Iesu Christe, cor meum tuis vulneribus saucia, &c.

Ante sumptionem Sacramentalis seu spirituales, Precatio.

Iesu fili Dei miserere mei. Ecce miser, vilis, turpis, facinorosus, ingratisimustq; peccator ad te venio, non aliud clamans, quam: Misericordissime Iesu fili Dei viui & virginis, miserere mei. Miserere mei, quoniam tibi impossibile est, miseris nolle misereri. Plenus & oppressus omni genere peccatorum, hoc solum habeo, quod clamem: *Miserere mei Deus, secundum magnam misericordiam tuam.* Confiteor tibi Domine Deus omnia peccata mea. Videas ipse tu, quam sum vilis, inquinatus & immundus, quam inops & nudus à virtute, quam denique turpis & indignus. Pro omnibus igitur delictis, negligentijs, vitijs & ingratitudeibus meis, ad te redemptor benignissime venio, à te remissionem plenam, veniam & gratiam tuam supplex & obsecrans peto. Da mihi nunc, in omniq; vita mea, & præcipue in morte, veram, perfectissimam, intensissimamq; contritionem pro peccatis meis, perfectam emendationem vitæ meæ iuxta omne beneplacitum tuum, & imitationem vitæ tuæ. Vide misericordissime Domine mi Iesu, me ingratum, miserrimū & indignum peccatorem. Vide cui tanta beneficia quotidie facis, cui tantam impendis charitatem, quam nihil sum sine te, quantisq; egeam mendicus & pauper. Da mihi igitur perfectissimam, castissimam, intensissimam, feruentissimam, perpetuamq; charitatem, qua te ex toto corde in omnibus & super omnia indefinenter diligam, te solum & tui honorem purè quæram & intendam, totum me tibi resignem, & in beneplacitum tuum me totum tibi impendam.

Ah misericordissime Iesu, fac ut contritio hæc sancta, & charitas in me simul quotidie crescant, ac tandem aded inualecant, ut præ doloris magnitudine (quod piissimum te Deum offendi) & præ amoris vehementia ardentissimoq; tui desiderio in morte cor meum crepet, & spiritum in manus tuas, imò in amantissimam cor tuum exhalet. Hoc te amantissime Iesu rogo, hoc te per vulnera, per dolores, per omnes guttas sanguinis tui pro me fusi, per mortemq; tuam te obsecro, imò per charitatem & bonitatem tuam, per te ipsum Deus meus obsecrans & supplex te adiuro (qui propter me factus homo, te ipsum in captivitatem, in crucem, in mortemq; tradidisti, pro quo millies, imò infinities te adoro, tibiq; gratias ago) ut mihi tribuas, quo ex plenitudine, vehementia, perfectioneq; sincerissimæ contritionis & feruentissimæ charitatis, tradat tibi in manus tuas, cor, & spiritum meum.

Eia dulcissime Iesu, da quoque omnibus viuis & defunctis nunc eandem gratiam, virtutem & fructum passionis & mortis tuæ, quam operatus es omnibus in cruce. Age nunc piissime Deus, en ad te venio, præpara tu in me tibi ipsi locum, suscipetq; te ipsum intra me, quomodo suscipi dignus es, ut post hac mundo ac mihi ipsi totus mortuus, in te solo viuam, tibi soli inhæream, tecum vnum effici tua gratia merear, Amen.

Ante susceptionem Eucharistiae, Precatio.

Iam tibi deberem occurrere Deus meus: At præ confusione, præ vilitate, præ pudore sordium mearum non audeo apparere. Tu venis rex potentissime ac nobilissime ad immundam & infirmam creaturam tuam, quæ peccando se omnium fecit nouissimam, quæ est vilissima, & velut nihil. Deus misericordissime ac benignissime, cui nihil maius dicere valeo quam Deus vniuersorum, Deus meus & omnia: Itaque Deus meus, excita quæso animam meam, orna pauperam ac miseram, præpara tui ipse locum & habitationem intra me, qua te delectet recipi, vbi digneris inseparabiliter manere. Da mihi desideria, virtutes ac dona quæ te delectent, in quibus tibi occurrere, teque suscipere debeam Domine Deus meus. Ecce venio, sed pauper & nudus. Ecce venio, sed ad misericordissimum, ditissimum, amantissimumque Patrem.

Itaque Pater dulcissime, amator fidelissime, en ego ad te venio, qui non sum dignus vocari filius tuus: atque idcirco projicio me totum in beneplacitum tuum, in iustitiam & misericordiam tuam: Fac mihi, age mecum quomodo tibi placet, & quomodo te decet ad gloriam tuam sempiternam. Deus meus, prohibe, ne ex me tibi veniat irreuerentia, sed honor & gloria sempiterna.

Recipe tu te ipsum intra me Domine Deus meus. O si merear & ego in tuos amplexus recipi. Sed heu quid ego sordidus desiderare præsumo à te Domine rex cælorum: Tuæ est bonitatis misericordissime Deus, qua dignaris venire ad me. Idem per eandem bonitatem tuam obsecro te, fac vt dignè ad gloriam tuam recipiam te, & sincerè tu recipias me. Dulcis Iesu, trahet me intra te, quia nolo amplius esse extra te. Dulcis amator Domine Iesu, qui te vocas spòsum animæ meæ, tibi me offero, tibi me totum dedo, fac vt vltra non sim meus, nec intra me sit aliquid meum, aut mihi proprium, sed totus ego tuus sim, & omnia mea tua sint, sine vllò respectu inclinatione ve propria ad me ipsum, te solum sciens ac sentiens. Dulcis Iesu, posside me totum tu solus perfectissime & semper, Amen.

Pro sacra Eucharistia digna sumptione, alia Precatio.

TV Domine vniuersorum, qui nullius habes indigentiam, voluisti per sacramentum tuum habitare in nobis, conserua cor meum & corpus meum immaculatum, vt læta & pura conscientia, sæpius valeam tua sacra celebrare mysteria, & ad meam dignè suscipere salutem, quæ ad tuum præcipuè honorem ac memorialè perennè instituisti, & sumenda & tractanda sanxisti. Præsta Domine Deus salutaris meus, vt cum frequentatione tui mysterij, crescat etiam meæ deuotionis affectus. En tuam precor clementiam, & specialem ad hoc mihi rogo donari gratiam. Præueni me dulcissime, ardentissime, fidelissime amator in benedictionibus dulcedinis tuæ, & fac vt totus in te liquefiam & amore perfluam, atque de nulla aliena consolatione me intromittam, Amen.

Hactenus de preparatione tam ad digne celebrandum, quàm communicandum complura exercitia, modicè, deuotissimi sunt tradidi: nunc vel paucis demonstremus & doceamus, quatenus eiusdem excellentissimi Sacramenti fructus debeant custodiri, quibusve Exercitijs post diuinorum mysteriorum celebrationem vtendum sit.

Post

Post finem Missæ gratias age, & pete, vt profut omnibus hoc sacrificium, ne ob tuam ingrati-
tudinem, fructus illis pereat. Ceteras petitiones iunge. Innoua propositum tuum,
emendationis & maioris custodia. Singulariter custodiam ac vigilantiam contra lin-
guam statue cum firmo proposito. Potes ruminare inter eundem orationem S. Thoma de A-
quino. Concede mihi, quæ vocatur, Pro perfectione.

Modus alius post Missam obseruandus.

Pete veniam pro peccatis tuis, & maxime pro ingratitude, impuritate & in deuotione
in Missa commissis. Gratias agas Deo pro omnibus beneficijs eius, maxime pro sacerdotio,
pro dignatione, qua te peccatum & ingratiſſimum sustinet & benefacit tibi. Pete huius
sacrificij fructum tibi & vniuersæ Ecclesie concede misericorditer, nec sinat pius Dominus
per malitiam tuam te aut illos illo priuari.

Post sacrificium altaris aut Communionem, imitare Sampsonem mel comedentem & dic:

Refecisti me Christe Iesu melle dulcedinis tuæ, quo confortes me quæso am- Iud. 14.
bulantem in via mandatorum tuorum, ne in seruitio tuo, aut seruire indif-
creto viribus deficiam, aut torpori acediae succumbam; sed propitius tu
miserere quæso mei Deus meus, & salua me. Huius autem beneficij tui quæso tam
vivi quam defuncti cuncti, participent fructum, omnibus huius faui profut vir-
tutis, pro quibus tu olim temetipsum Patri obtulisti in cruce. Miserere igitur om-
nium Deus meus, & salua nos.

Hoc præterea donum tuum, omniaq; dona tua mihi indigno ac misero collata,
in vulnera tua abscondo, tibi seruanda augendaq; eadem committo, quo tua gra-
tia me protegente, ex nullo eorum superbiam, sed humilior & gratior tibi semper
inde efficiar. Tu verò miserere quæso mei Deus meus, & salua me, Amen.

Post sacram Communionem imitare Eliseum, Elia continuo adherentem, & dic:

Domine Iesu Christe misericissime ac benignissime, quid retribuam tibi pro his,
quæ mihi tribuisti? Te ipsum dedisti mihi. Nihil te pretiosius accipere po-
tui, nihil vtilius, nihil sanctius. Me ipsum reddo tibi. Aliud enim nihil ha-
beo. Tu verò mane mecum pijsſime Iesu, & tunc præcipue, quando deuotio in me
vesperascit, & fac vt maneam ego quoque tecum. Quocirca miserere quæso mei
Deus meus, & salua me.

Spiritus quoque tuus duplex, quo Eliseum dotasti, impleat me, quæso Domine, 4. Reg. 2.
vt huius virtute Sacramenti illuminato intellectu, affectuq; purgato atq; inflam-
mato, totus tibi perfectissimè placeam, ex totoq; corde meo te in omnibus & super
omnia diligam.

Quia verò tua me dignatus es misericordia pijsſime Deus, vt ingredereris vile 4. Reg. 4.
tabernaculum meum, para tu ipse tibi verò Eliseo mensam, sedem ac lectum in
corde meo, hoc est, deuotionem, puritatem ac pacem, quo te delectet manere me-
cum. Nec post hac offendam te, vnde à me recedas, sed teneam possideamq; te in æ-
ternum. Miserere igitur quæso mei Deus meus, & salua me, Amen.

Post Communionem sacram, imitare Eliam feliciter hinc emigrando, & dic:

Obscuro autem nunc te per charitatem tuam pijsſime Deus, Domine Iesu Chri- 4. Reg. 6.
ste, vt sumpto hoc viatico tuo, sis tu mihi cibus, qui me confortet, nutriat,
protegat. Sis curru quo de exilio huius miseræ alacer migrem, atque
feliciter

feliciter perducatur ad te in gaudia cœlestis patriæ. Quod ut quantotius obtineam, miserere quæso mei Deus meus & salua me.

Sic mihi quæso Eucharistia, hoc est, bonæ gratiæ, hoc quod sumpsi Sacramentum pie Iesu panis cœlestis. Sit mihi manna, refectio ac cibus, in cuius fortitudine ambulem vsque ad montem Dei. A quo ne ab hac vita quæso non me patiaris emigrare ieiunum, sed huius Sacramenti susceptio, & modo, & tunc sit mihi plena reconciliatio, plena peccatorum purgatio, & ad æternam vitam introductio. Quapropter miserere quæso mei Deus meus, & salua me.

Postremò, quomodo tu in curru igneo Eliam transtulisti, ita huius Sacramenti perceptione absorbeat me quæso ignita & melliflua vis amoris tui, qui mundo me totum faciat mori, à phantasmatibus & creaturarum imaginibus denudari, à privato amore liberum fieri & in te rapi, in te absorberi, tecumq; vno perpetuo fieri. Miserere igitur clementissime Iesu quæso mei & salua me, Amen.

Eucharistiæ sacra effectus, virtutes seu operationes sunt sedecim: pro quibus assequendis ante aut post Missæ sacrificium aspirationes ad Deum sunt frequentandæ. Explicantur autem his versibus.

Viificat, purgat, minuit quoque, roborat, auget,
Restaurat, lustrat, præseruat, terret, inarrat.
Dulcat & impinguat, calet, vnit, gaudia, tutat.

I. **V**ificat. Est enim panis & c. de cœlo descendens, qui dat vitam mundo. Et sicut dicit Ioh. 6. v. 59. Iesus: Si quis manducat me, viuet, propter me. Dic igitur:

Vtinam Domine Iesu hæc tui Sacramenti susceptio me refuscitet à morte peccati, sitq; mihi vita perennis & salus perpetua. Hac sacrosanctę Eucharistię virtute adiutus, pijsime Iesu, moriar quotidie mundo & peccato, viuam verò tibi, Amen.

II. Purgat, præsertim venialia peccata, & mortalia quorũ hoc Sacramentum, de quibus pœnitet. Dic igitur:

Misereticordissime Iesu, hæc Sacramenti tui sumptio, sit mihi plena peccatorum meorum satisfactio. Sit quoque pie Iesu, animæ meæ hæc plena purgatio. Quid habeo dulcissime Iesu dignius, quid pretiosius, quid acceptius, quod pro peccatis meis expiandis tibi offeram, quam te ipsum? Te ipsum igitur Patri & tibi ipsi quoque offero, quem in remissionem & purgationem omnium peccatorum meorum suscepi, Amen.

III. Minuit, Fomitum libidinis aliorumq; vitiorum. In minoribus namque peccatis (teste D. Bernardo) minuit Eucharistia sensum, in grauioribus tollit consensum. Dic ergo:

Huius Eucharistiæ pijsime Deus sumptio, sit quæso omnium vitiorum in me extinctio. Virtus quæso huius Sacramenti omnia interiora mea penetret, & quicquid in me prauum, quicquid est viciosum, mortificet & eradice. Vtinam Eucharistia hæc sancta liberet me à peccato mortis huius, & à lege peccati, Amen.

IV. Roborat. Si enim panis terrenus, quanto magis panis Angelorum, panis quide cœlo descendit, confirmat cor hominis? Dic igitur:

Sacramentum hoc corporis & sanguinis tui Christe Iesu, sit mihi ad ardua quæcunque robur & fortitudo. O panis cœlestis, qui es compactus in vtero virginis,

nis, coctus igne charitatis in ligno crucis, præbe vires animæ meæ, præbe feruorem, vt in seruitio tuo neque tepeſcam, neque in discretionẽ deficiam.

Auge: Hoc est multiplicat virtutes, donaq; gratiarum, vt gradu crescant, numeroq; multiplicentur. Dic ideo. V.

Post huius Domine Iesu Sacramenti susceptionem, augeantur quæso in me tua dona, & virtutes perficiantur. Vtinam Sacramenta hæc tua cœlestia, gratiam mihi tuam accumulent, virtutes infundant, charitatem augeant, & dona tua cuncta in me perficiant.

Restaurat. Ad modum cibi naturali consumpta deperditaq; restaurantis, ita cibus hic sacramentalis viuificus restaurat calorem charitatis, & humidum radicale bonæ voluntatis. Dic ergo. VI.

Vtinam pijsime Iesu feruorem tuæ charitatis cunctaq; bona dona, ac tua in me cibus hic sacramentalis restauret. Neque enim aliud ex me est, aliudq; nescio, quã gratiam & dona tua destruere & impedire. Huius viuifici cibi Christe Iesu sumptio reparet in me omnia, quæ per meam negligentiam, ingratitude & desidiã perierunt, Amen.

Illustrat: id est, illuminat intellectum ad cognitionem peccatorum, vt sciat quid plangat aut vnde doleat, illustratq; sumentem ad cognitionem diuini beneplaciti. Dic igitur. VII.

Virtus quæso corporis & sanguinis tui Domine Iesu Christe, intellectum, sensus, omnesq; vires animæ meæ illustret, vt cognoscam coram te quid acceptissimũ sit omni tẽpore. Illumina quæso tenebras meas radijs visitationis tuæ, & cognitione peccatorum meorum, totiusq; noticiã vilitatis meæ, cũ detestatione & odio sancto mihi infunde. Gratia tuæ splendor, pie Iesu, luceat semper in me, quo cognoscam, diligam, sentiamq; te Domine Deus meus semper in toto corde meo, cum timore casto & reuerentia, Amen.

Præseruat: Nimirum à peccato & à morte gratia. Retrahit enim debilem voluntatem, & contra inimicum impugnantem armis spiritualibus instruit. Dic igitur. VIII.

Quoniam corpore & sanguine tuo Deus pijsime me refecisti, non finas ex me hanc post hac tibi fieri contumeliam, vt ad vomitum redeam, aut vt denud te offendam. Quod vis mecum agas pijsime Iesu, saltem à peccato, ab offensioneq; tui me præserues, & in tua gratia iugiter conferues, Amen.

Terret: hoc est, Demones fugat. Sacramento enim hoc quicumque fuerit munitus, est diabolo tanquam castrorum acies ordinata. De quo Chrysostomus: Vt leones, inquit, flammam spirantes sic ab illa mensa discedimus, terribiles diabolo facti. Dic igitur. IX.

Christe Iesu, passionis tuæ virtus, huiusq; Sacramenti sumptio, sit mihi contra omnes insidias inimicorum munimen & protectio. In te Iesu pijsime, in virtute tua fac me superare omnem tentatione. Custodi me Domine vt pupillã oculi, sub umbra alarũ tuarũ, id est, sub brachijs tuis in cruce expansis protege me. Si me tentari vis, tribue mihi benignissime Iesu virtutem ex te, ne vincar & succumbã. Sacramentum hoc tuum muniat me quæso, & ab inimici fraude defendat, Amen.

Inarrat, scilicet sponsam dilectõ. Est enim cœlestis gloria pignus & arra sincera dilectionis. Dic igitur. X.

Quid dignius, aut pretiosius teipso mihi dare potuisses amantissime Iesu. Sit igitur quæso mihi hoc donum pignus, ne vnquam post hac obdormiam in mortem peccati, ne vnquam à te separari possim. Vtinam in arram mihi dederis, hoc Sacramentum sincerissimi perpetuĩ amoris, quo tibi

tibi nexu coniungar indissolubili, & vt amoris hoc vinculum nunquam possit dissolui. Sit hæc sumptio Sacramenti arra (qua me dono hoc nobilissimi subarras) pijsime Deus syncerissimæ dilectionis quæ vt in te constans est & perpetua, ita in me castissima quoque fit & perseveret feruens ac sempiterna.

XI. Dulcat, *Dulcedinem diuini gustus sapidamq̃, deuotionem hoc Sacramentum administrat. Quapropter dic:*

In te fit Iesu suauissime omnis delectatio mea. Te solum concupiscam, te solum sciam, te solum sentiam. Nihil quaeso post hac me afficiat nisi tu: nihil me delectet, nisi tu. Tædeat me gaudij quod est sine te, delectet me omnis labor qui est pro te, & amara sit mihi omnis quies, quæ non est in te, Amen.

XII. Impinguat, *animam donis Spiritus sancti, vñctioneq̃, deuotionis. Quod Psalmista postulat, dicens: Sicut adipe & pinguetudine repletur anima mea. Dic igitur:*

Ah Domine suauissime, tui dilectione, deuotionis pinguetudine imple tu quaeso mentem meam, & vñctione Spiritus sancti cor meum durum perunge, vt ablata omni duritia atq̃ne desidia, curram post te in odore vnguentorum tuorum. Vtinam castissima, affectuosissima, iugiq̃ deuotione tu dulcissime Iesu, impleas animam meam, qua ad patiendam amaram, ad agenda ardua, ad mortificanda desideria, & ad omnem abnegationem cuiuscunque proprietatis, facias me feruidum, deuotum, castum, obedientem atq̃e resignatissimum. Dulcis Iesu, ad hoc Sacramentum tuum te largiente, quaeso in me indies crescat deuotio, crescat amor, crescat desiderium, crescat reuerentia, intolerabilisq̃ in me fiat huius esuries & sitis, Amen.

XIII. Calet, *hoc est, ad Dei inflammat amorem. Quomodo enim non inflammet fons charitatis, Sacramentum amoris? Dic igitur:*

Emitte quaeso misericordissime Iesu ex te amoris tui radios, qui me succendant, igneq̃ inextinguibili charitatis tuæ me totum, hoc est, id quod ex me sum, comburant ac consumant: vt nihil in me remaneat, nisi quod gratia tua in me operata est & charitas. Igne me tui amoris dulcis Iesu accende, vt velut æs candens totus flammescam charitate, totus tui amore langueam, totus quoad me ipsum & ad veterem hominem, deficiam, Amen.

XIV. Vnit, *quem admodum cibus in edentis corpus verè conuertitur, ita hic eduersò sumens hoc Sacramentum transformatur in Deum, hoc est Deiformis efficitur. Quamobrem dic:*

Vtinam me rapiat & pulchritudo casta, & delectatio sancta. Vtinam me rapiat in te ignita vis amoris tui, quæ me in te transformet, in te absorbeat & tibi vniat. Absorbeat me quaeso pijsime Deus melliflua vis amoris tui, quæ me totum penetrat atq̃e me tecum vnum efficiat, Amen.

XV. Gaudia, *scilicet dat. Hoc enim Sacramentum ex prioribus vt liquet virtutibus, spem roborat & consolatur, quod filij Dei sumus. Vnde gaudium hoc in Spiritu sancto generatur. Dic igitur:*

Dulcissime Iesu, hoc mundo & vniuerso gaudio alieno cupio (facta vt verè id velim, possim ac perficiam) valedicere & abrenuntiare, vt in te solo queam te miserante, gaudere. Pijsime Deus, esto tu vnica consolatio mea, gaudium meum vnicum, securitas & pax in qua requiescam, Amen.

XVI. Tutat, *scilicet à pena inferni & purgatorij. Remittit enim partem pæne non modicam purgatorij. Quapropter dic:*

Iesu

Iesu misericordissime, non habeo quo peccata mea redimam, nec quo penas quas debeo propter delicta mea exoluam: sed charitatem tuam, meritumque passionis tuæ quæ in hoc sacramento nobis tribuis, quæso pro me suscipe, & me ab omni culpa & pœna liberum & innoxium redde. Quid aliud tibi offeram pie Iesu, nisi te metipsum? En te, qui plena es propitiatio pro peccatis nostris & satisfactio, pro me tibi trado, Amen.

Oratio omnes Eucharistiæ virtutes complectens, post Missam aut Communionem breuiter vtiliterque rummanda.

Quomodo hac me gratia dignatus es Domine Deus meus, vt corporis & sanguinis tui Sacramento cibares, ita me quoque huius Sacramenti operationibus atque virtutibus cunctis impleas quæso. Per omnia igitur vulnera tua, & per dolores tuos te obsecro Iesu pijsime, vt huius Sacramenti perceptio, animæ meæ vitam tribuat gratiæ, quæ vitales ac diuinos motus exerceat, purificet me à vitijs & à peccatis, fomitem atque peccandi libidinem minuat, robur atque animi fortitudinem adiciat, gratiam tuam mihi auget & virtutes, destructa (destructor enim tuæ sum gratiæ & dilapidator) & perdita restauret, tenebras cordis mei illuminet, à peccatis præseruet, à tentationibus & diaboli machinationibus defendat, adoptionis tuæ seipsum mihi arram constituat, dulcedine gratiæ tuæ impleat & consoletur, deuotione impinguet, charitate tua inflammet, me tibi vniat, spiritu exhilaret, & à pœnis futuris omnibus post hanc vitam, tutum securumque ac liberum te miserante me reddat, Amen.

Potes hic etiam precari pro triplici illuminatione, ex virtute huius Sacramenti tibi largienda, dicendo.

Deus æterne, amator & misericors, illumina cor meum ad cognoscendam prauitatem, vilitatem & ingratitude[m] propriam, cum sancto odio & displicentia. Cognoscam pijsime Iesu quam nihil sum & possum, & despiciam meipsum. Cupiam ex animo ab omnibus despici, optem humiliari, gaudeamque iniurias ac contumelias pati. Eia benignissime Iesu, infunde mihi veram cognitionem meipsum, contritionem & perfectissimam humilitatem. Iterum obsecro te per viscera misericordiæ tuæ Domine Deus meus, illumina cor meum ad cognoscendam & diligendam bonitatem, pietatem, & charitatem tuam erga nos. Vulnera quæso cor meum tui amore castissimo, fidelissimo atque feruentissimo. Reple cor meum dulcis Iesu perfectissima, ardentissima, inextinguibilis charitate tua, vt ex toto corde meo semper te sitiam, semper te diligam in omnibus & super omnia. Clementissime Iesu, Deus meus & omnia, rogo te, illumina cor meum ad cognoscendum, amandum, perficiendumque omne beneplacitum tuum. Da mihi meipsum perfectissimam abnegationem atque resignationem, vt meipsum omnimodè relinquam, exeam, mortificem, & resignem in omne beneplacitum tuum. Da mihi, vt me totum tuæ providentiæ credam, de manu tua omnia cum gratiarum actione accipiam, & in omnibus te laudem & benedicam. Fac pijsime Deus vt omnem vitam meam, omne tempus, omnes actus & vires corporis & animæ meæ, totumque id quod sum & possum, in laudem, in amorem, & in beneplacitum tuum expendam, Amen.

EXERCITIVM DEVOTVM IVXTA ET EFFICAX,
pro plena peccatorum à pœna & culpa (vt habet cetera diuinitus facta
reuelatio) expiatione ac remissione, maximè si feruenti
charitate continuetur.

Pater noster &c. Sed libera nos à malo præterito, præfenti & futuro, pro quo auferendo orare te cupio dulcissime Pater noster cum Dei & proximi amore ardentissimo, dicens:

Deus qui voluisti pro mundi redemptione incarnari, circumcidi à Iudæis reprobari, à Iuda osculo tradi, capi, vinculis alligari, quasi agnus innocens, ad victimam duci: ante conspectum Annæ, Caiphæ, Pilati & Herodis indecenter offerri, à falsis testibus accusari, flagellis & opprobrijs vexari, spinis coronari, sputis conspuï, colaphis cædi; crucifige, crucifige super te clamari: morte turpissima condemnari: cruce grauissima onerari, ante crucem impudenter nudari, clavis ferreis dirissimè perforari, in cruce leuari, inter latrones reputari, felle & aceto potari, in cruce mori & mortificari, lancea vulnerari & sepeliri. Tu Domine per has sanctissimas paffiones tuas, quas ego indignus recolo, libera me ab omnibus peccatis meis, & à pœnis inferni & purgatorij, iuste pro his debitis, & per sanctam crucem tuam perducere digneris me miserum peccatorem, quo perduxisti tecum crucifixum latronem. Qui cum Patre & Spiritu sancto viuus & regnas Deus per omnia secula seculorum, Amen.

Verficulus. *Hic est calix sanguinis mei. Qui pro vobis effundetur in remissionem peccatorum.*

Precatio.

Omnipotens & mitissime Deus, fons viuens & indeficiens, qui sitienti populo in deserto fontem aquæ de petra eduxisti: educ de cordis mei duritia perfectæ dilectionis & veræ compunctionis lachrymas, vt peccata mea omnia & singula præterita, præfentia & futura sic plangere valeam, vt plangenda vltra non committam. Et ad verè cognoscendum ac purè confitendum, ea quæ non sum confessus, vel minus benè confessus peccata, & quæ sunt haud satis emendata, ad emendandum & dimittendum: ea omnia, cum satisfactione debita minus videor paratus, vel qualitercumque de voluntate tua mihi sunt imposta, obsecro & inuoco singularem gratiam tuam, vt me totum tibi offeram, aded vt omninò nihil mihi de voluntate mea retineam, sed tuam semper adimpleam, sicuti etiam de tua gratia & speciali dono, ad hæc omnia & singula tibi placita, me totum promptum, & voluntarium omninò cum omnibus meis, meliori quo possum modo, tibi offero, resigno, dedo, atque iterum iterumq; trado. Et in hoc etiam firmissimè vsq; ad mortem perseverare propono, siue ad vitam siue ad mortem, siue ad lucrum, siue ad damnum, siue ad supplicium, siue ad gaudium accedendum sit: obsecrans vt sumas me totum semper ad tuum honorem & beneplacitum & nunquam ad meum desiderium, vel quodcumque tibi displicens vel contrarium. Et si aliud quicquam occurrerit, quod tibi displiceat, sicut verisimiliter timeo, hoc vtique ego non volo, sed illud perpetuo reuoco, & reuocatum, irritum & inane in conspectu tuo fore, summè peto & desidero; quatenus te miserante, tuæq; paffionis merito median-

te,

te, plenam percipiam omnium peccatorum meorum præteritorum, præsentium & futurorum remissionem & veniam: & statim post hanc vitam vniri tibi valeam, & recipi in vitam æternam, ad tuam gloriam, cum congratulatione & gaudio pijsimæ matris & omnium sanctorum tuorum, Per omnia secula seculorum, Amen.

Exercitium aliud ad idem ad quod præcedens efficax. Ad id autem tria potissimum requiruntur.

Primum est, vt homo de cætero vsque in finem dirigat gressus suos coram Domino, incipiendo, proficiendo, perficiendo, gressus suos iuxta formam & modum descriptum in Rosario siue Psalterio beata Virginis, cum articulis de vita, passione & virtutibus Christi, & sanctissime matris eius, vt illis pro posse conformetur.

Secundum est, vt purè & clarè omnia peccata sua mortalia, & alicuius ponderis venialia, quæ nondum satis est & bene confessus, sacerdoti habenti potestatem super eum, confiteatur, postulando prius à Deo eorundem clarissimam cognitionem, ardentissimam contritionem, gemitum, planctum & lachrymarum effusionem, non solum in generali, sed etiam sepius in speciali, & in quotidiana sua confessione.

Tertium est, vt quotidie antequam celebret, audiens Missam, post primum Agnus Dei, vel alio tempore magis congruo, prostratus dicat hanc quæ sequitur orationem toto corde & animo perfectò: Sicq; ex diuina promissione cuidam Dei amico facta, certam recipiet omnium peccatorum suorum, etiam mortalium remissionem. Et si in futura peccata ceciderit (quod absit) non collidetur, quia Dominus supponet manum suam, vt humilior, cautiior & fortior resurgat, quam antea fuit dum stare videbatur.

Pro remissione omnium peccatorum, Precatio.

Ecce mi amantissime Domine Iesu Christe, hic coram te Domino meo tremendo, reuerendo & summè diligendo, ego me prosterno & extendo, nõ quod ad hoc me dignum quocunq; modo præsumam, & multo minus ad accedendum te verè tremendissimum & reuerendissimum Dominum, & ad accipiendum te in me verè indignissimo, præsertim in isto tuo maximè reuerendo Sacramento, etiam Angelicis spiritalibus & Potestatibus tremendo, me dignum præsumere audeo. sed hoc ex humili confidentia, in tuam bonitatem & clementiam infinitam, facio, supplicaturus pro peccatis superbiæ, gulæ, luxuriæ, iræ, inuidiæ, ac alijs omnibus & singulis criminibus meis commissis, & bonis omisis, nimis multipliciter & grauissimè, heu, heu, heu, contra te D. um meum, ac contra proximum meum, & contra meipsum vnquam perpetratis. vt des mihi illa omnia humiliter cognoscere, deplangere, & pœnitendo emendare. Idcirco autem pro quolibet tali peccato dimittendo, beatissimam virginem Mariam matrem tuam, & omnes Sanctos tuos, præsertim in charitate, & omnibus virtutibus culpis meis pro tempore occurrentibus, & per me tibi & sacerdoti confessis, contrarijs, magis præclaros, inuocaui: quia de gratia tua & illuminatione, bene considerauit, quod non sum dignus apparere, vel verbum proferre in conspectu tuo. Idcirco summò operè indigeo: proplorum auxilio, consilio & suffragio: quum etiam non ignorem te velle nos inuocare Sanctos tuos, & te in eis, & eos in te sic laudare & honorificare, (licet nõ sit speciosa laus in ore peccatorum, quorum primus ego sum, propter hæc & innumerabilia peccata mea, quibus heu, heu, heu, nimis inquinatus sum) Sed quia pro his omnibus me diu non condemnasti, licet verè iustissimè merui, neque dignè

me flagellasti: sed in super ab innumerabilibus flagellis & periculis mentis & corporis me praeservasti, & vsque in hanc horam misericorditer conservasti, & super haec omnia, me tam indignū infinitis beneficijs honorasti: specialiter tamen beneficio charitatis tantæ ac talis, (quam mihi misero & indignissimo de nimia pietate tua dudum donasti) quod in quantum possum capax esse, & tu me volueris iuare, volo semper, summe, summe, imò si possem dicere plus quàm maximè, in omnibus & super omnia, sine omni mensura te superamare. Et propter illum amorem etiam proximum meum, non tam amicum, quàm & inimicum, sicuti meipsum in omnibus diligere, & eundem amorem tempore & locis opportunis, veraciter & cū effectu demonstrare. Et pro eodem amore tuo, omnia peccata mea cū primis: deinde & vniuersa peccata ab initio Mundi perpetrata, & vsque ad finem sæculi, contra amorem & honorem tuum vnquam perpetrada, continuè & actualiter vel habitualiter plangere & deplorare: illaq; confiteri, & secundum posse meum ad satisfaciendum pro eisdem iuxta tuum beneplacitum, me omninè promptum & beneuolum demonstrare. Ab omnibus quoque & singulis peccatis illis de cætero propono abstinere & cessare: ita vt potius omnia supplicia, etiam mortem millies sustinere velim, quàm ex certa scientia, plenaue deliberatione, non modo mortaliter, aut criminaliter: sed etiam venialiter contra tuum amorem & honorem vnquam peccare.

Quod si contigerit me vllò vnquam tempore, contra tam fixum, deliberatumq; propositum meum, quocunq; etiam peccato graui aut leui te quoquo pacto offendere, (vt verissimiliter timeo quod peccatis meis exigentibus hoc possit pluries contingere) tunc in illo non volo iacere, aut permanere, sed quam cito tu mihi dederis illud cognoscere, & me adiuueris, resurgere, & pœnitentiam pro illo toties, quoties opus fuerit debitam agere firmiter propono, iuxta tuum beneplacitum, & vicariorum tuorum confessorum meorum, clauis scientiæ & potentiæ super me verè habentium, & me ab illo, virtute eorundem clauium liberare valeant, voluntatem.

Et ad cognoscendum in istis & in cæteris (quantum valeo) beneplacitum tuum, nec non ad veram differentiam peccatorum venialium, mortalium, & criminalium, & per quos ab illis liberari, & etiam quos ego à talibus absoluerè, vel possim, vel non possim, ne falsa opinione meipsum decipiam malè absolutus, neque alios malè absoluedo, volo omne studium debitum applicare, ne in hac parte propter crassam ignorantiam, habeas me iuste ignorare. Et insuper studere ad discendum & sciendum omnia alia debita mea, & ad implendum omnia virtutum exercitia ad me spectantia. Et ad sufferendum patienter & libenter, imò cum gaudio spirituali, omnia aduersa & supplicia, tum in corpore tum in anima, volo tibi animum promptum exhibere, aptare & resignare. Et in his omnibus & singulis cæterisq; tibi placitis & mihi clare cognitis, vsque in finem perseuerare.

At, quia nihil horum sine te facere neque consummare potero, desidero valdè te in adiutorium, per tui corporis sanctissimum Sacramētum (quamuis ad hoc verè nimis indignus sim) intra meipsum hodie suscipere, cognoscens certissima fide, quod tu velis de tua incomprehensibili bonitate & pietate, ad me quantumvis indignum dignanter, libenter & humiliter descendere, & cum eodem Sacramento ad me intrare, cum tota tua Diuinitate & humanitate, & me ad supradicta omnia, (in quantum tu cognoueris illa fore pro salute mea, siue pro tua gloria) fidelissime adiuuare.

Ex

Ex istis quoque datur mihi magna confidentia, hic nunc & in tua reali & personali indubitata presentia orandi, & te humiliter deprecandi pro tali clementia, quod isti sacerdoti nunc missam celebranti, & omnibus qui te sacramentaliter hodie in se sumpserint, velis donare, quod ipsi & nos omnes qui hoc desideramus, te spiritualiter sic sumamus, quod non in peius, sed in melius proficiamus, & de virtute in virtutem quotidie eamus, & in hoc usque in finem sic perseveremus, ut post huius vite finem, illuc sine dilatione perueniamus, quod facie ad faciem clarissime videamus te Deum deorum, Dominum dominorum, & dilectum dilectorum, in superna Syon, in secula seculorum, Amen.

Hic obsecra Deum, & beatam Virginem, pro signo plenaria remissionis omnium peccatorum tuorum, quod est clara omnium peccatorum cognitio, perfecta contritio, cum lacrymarum copia, dicens sepius corde contrito & humiliatio: Heu, heu, heu Domine Deus meus, quod te sic grauitur offendi. Deus propitius esto mihi peccatori. Misere mei Deus, secundum magnam misericordiam tuam &c. Quia hec sunt efficacissima verba ad stertendum & vincendum Deum inuincibilem, qui sola humilitate vincitur.

Exercitium diuinae laudis, per quod obtinetur indulgentia omnium peccatorum, vti diuinitus reuelatum reperimus.

Post finem Missae, toto corde humiliter recognosce, quod pro tanto dono & sacrificio, & pro quolibet alio Dei beneficio, non possis Deum digne, sicut deet, laudare & benedicere: & idem cum primis omnes creaturas ad laudandum & benedicendum Dominum tecum deuotius in hoc abis, & dices totum hunc hymnum.

Benedicite omnia opera Domini Domino: laudate & superexaltate eum in secula: Benedicite Angeli Domini Domino &c. Gloria patri &c.

Deinde dices psalmos.

Laudate dominum de caelis &c. appropinquanti sibi &c. Gloria Pat. &c. Cantate domino canticum nouum, laus eius in Ecclesia sanctorum &c. omnibus sanctis eius. Gloria patri & filio &c. Sicut erat in principio &c. Hoc summe maxime & affectuosissime semper fieri cupio. Et specialiter gloria sit tibi amantissime Domine mi Iesu Christe, fili Dei, & tibi o dulcissima virgo Maria genitrix Dei, & vobis o omnes Sancti specialiter hodie commemorati, vel commemorandi siue colendi, electi Dei, cum istis Psalmis in canticis & cum omnibus beneficijs Dei in illis comprehensis, atq; cum omnibus meritis vestris, necnon & cum meipso toto quamuis vere indigno, Deo totaliter oblato, laetq; voluntati funditus resignato, cum omnibus meis bonis & malis praeteritis, praesentibus & futuris. Quae omnia & singula Deo meo & vobis offero, & vestrae bonitati, charitati & pietati semper oblata esse desidero, de malis corde vero dolendo, ore confitendo, & opere ad satisfactionem me paratum exhibendo: de bonis vero eidem Domino Deo meo, & vobis gratiarum actiones referendo, & vere recognoscendo, quod si in illis aliquid est bonitatis, hoc est pure a Deo & a vobis. Quia quantum in me est, certus sum & vere scio, quod omnia mea, quantumuis aliqua sint vel appareant bona, vere tamen nihilum & inane reputata sint, & merito reputanda & panno menstruata, & omni foeditati magis quam alicui puritati vel bonitati comparata & comparanda. Et ideo Domini mei & vestrae bonitati, charitati, & pietati cupio
semper

semper illa immolata & immolanda, vt per ipsum & vestra merita mudentur & ornentur, & sic aliquid acquirant bonitatis. Quod si aliquid occurrerit, vt verifimiliter timeo, Deo & vobis displicens & aduersum, hoc vtique non volo, nec est, nec vquam fit meæ voluntatis. Et vt perfectius sit nunquam meæ voluntatis, supplico humillime, vt mihi impetrare dignemini. Cum his ergo per vos sic mūdatis & ornatis: vna cum vestris meritis & precibus Deo pro tanto sacrificio oblati, & pro quocūque alio beneficio, obsecro vos, gratias agatis illi, deprecantes, vt ipse miseretur mei, & omnium pro quibus ego orare teneor & desidero, & postulatus sum. & specialiter pro quibus istud sanctissimum sacrificium suæ maiestati obtulisti siue offerre debui, & cooperimini vt ipse pro sua laude & gloria nos omnes sibi faciat gratos & nostra omnia accepta sint illi.

Deinde o omnes vires & sensus interiores & exteriores animæ & corporis mei, subiecti imperio ipsius Domini mei, vna mecum iubilate.

(Laudate Dominum in sanctis eius, laudate eum in firmamento virtutis eius) videlicet in gloriosa virgine Maria, & in virtute fidei ipsius firmissima. (Laudate eum in virtutibus eius, videlicet) Angelicis spiritibus, qui dicuntur virtutes eius. Laudate eum secundum multitudinem magnitudinis eius) scilicet in Patriarchis, Prophetis & cæteris Sanctis vniuersis antiqui temporis, vsq; ad natiuitatem Christi: circa quos in multis mirabilibus multipliciter manifesta est magnitudo potestatis, sapientię & virtutis ipsius. (Laudate eum in sono tube) scilicet Apostolorum & Euangelistarū, quorum sonus prædicationis ad modum tubæ exiuit in orbem terrarum. (Laudate eum in Psalterio, obedienciæ LXX. & aliorum primorum discipulorum, & cythara) patientiæ sanctorum Martyrum. (Laudate eum in tympano) sanctorum cōfessorum. (Et choro) sanctarum virginum, & continentium: choros cœlestes cum Iesu sponso suo ducentium. (Laudate eum in chordis) sanctarum viduarum, (Et organo) bonorū & bonarum coniugum. (Laudate eum in cymbalis bene sonantibus) verè pœnitentium. (Laudate eum in cymbalis iubilationis) amantium, in vita contemplatiua sese exercētium. (Omnis spiritus laudet Dominum) ea, scilicet laude, qua te laudauerunt spiritus boni, quando se confirmatos & alios damnatos viderunt. Hoc est enim summum desiderium meum.

Cum ergo tu pauperula anima mea in tua natura & essentia verè sis spiritalis substantia, & spiritus (quemadmodum & alij spiritus) à Deo creatus, de quo multum illi teneris esse grata, quia si ipse voluisset te non creare, vel serpentem aut turpissimam rem creare, potuisset, cui suam nobilissimam essentiam non communicaret. Cum, inquam, sis ad ipsius imaginem & similitudinem nobilissime creata, insuper & ipsius gratia speciali per baptismum à malis & damnatis spiritibus & eorum potestate liberata (de quo debes illi esse magis grata.)

Et vltra hac ex ipsius maiori gratia, bonis spiritibus tam cœlestibus, quam terrestribus vire verè spiritalibus, in hac sancta religione sociata, licet indignissima: vnde maximè debes illi esse grata. Et super hac omnia, ipsius abundantiori gratia & misericordia, in loco isto sancto ad laudandum ipsum cum omnibus sanctis spiritibus specialiter collocata: vnde super omnia debes esse gratissima, & ad laudandum ipsum omni tempore cum omni exaltatione promptissima & fidelissima. Nimirum si voluisset Deus, iuxta merita tua, ante multa tempora in inferno fuisses locata. Vt ergo possis eundem tam misericordem Dominum Deum tuum digne laudare, debes cum beato Petro, verè digne laudatore, eundem Dominum DEVM tuum trina confessione, summè, summè, summè plusquam alij amare, & cum eodem Petro propter prædictum

prædictum amorem omnia relinquere mundo, & tibi ipsi perfectius quam prius moriendo & renunciando: & cum eodem Petro eundem Dominum sequi, & imitari per vias suas, non tuas, obedienter & perfectius quam prius ambulando. Insuper cum eodem Petro in amore prædicto, crucem tuam post Dominum tollere, omnia aduersa per ipsum super te missa vel permissa, patienter tollendo. Sed & generaliter cum eodem & pro eodem amore, omnem vitiorum fomitem in te penitus mortificare: fomitem videlicet concupiscentie carnis, concupiscentie oculorum, & superbia vite, extinguendo.

At quoniam sine ipso nihil horum poteris facere, debes ipsius misericordiam in adiutoriū, & omnium Sanctorum merita & suffragia ad hæc perficienda incessanter inuocare & obsecrare, & vna mecum ex toto corde, ex tota anima, ex tota mente & virtute dicere:

KYrie eleison, Christe eleison, Kyrie eleison. Pater noster, Ave Maria. Et nos. versus. Letamini in Domino & exultate iusti. Et gloriamini omnes recti corde. Deus exaudi orationem meam. Et clamor meus ad te veniat.

Oremus.

DEUS qui nos concedis omnium Sanctorum tuorum merita venerari, da nobis in æterna beatitudine de eorum societate gaudere, & eorum meritis & precibus omnia peccata nostra præterita, heu, heu, heu in te, aut in quemcumque commissa, verè poenitendo sic deslere præsentia & omnia tentamenta sic vincere & delere, & omnia futura per tuam gratiam sic præcauere, & vltius in omnibus debitis virtutibus nos sic perseveranter exercere, præsertim in supradictis perfectis dilectione, ab renunciatione, imitatione, tolerantia & mortificatione, te laudando, cum sancto Petro tibi ita viriliter & finaliter adherere, vt tu in nobis & nos in te manendo, mutuo nos valeamus feliciter & inseparabiliter possidere, & te cum Patre & Spiritu sancto, cum lætitia & gloria omnium electorum tuorum laudare. Per omnia secula seculorum, Amen.

PHARETRAE DIVINI AMORIS Affectiuæ Libri Secundi pars V.

Exercitijs pijsissimis, Rosarijsque ac fertis mysticis de vita, passione, glorificatione & gaudijs Domini nostri Iesu Christi, pientissimæque eiusdem Matris Virginis Mariæ referta.

D. IO ANNIS IVSTI, LANSPERGII, CAR-
thusiani, in Rosarium vite passionisque Christi.

PRAEFATIVNCVLA.

Sanctorum fere omnium vna sententia est, neminem fore idoneum ad gustandam diuine contemplationis dulcedinem, nisi Christi primum humana, hoc est, nisi Christi actus, mores, virtutes passionesq. ac cetera amoris eius erga nos beneficia sedulo fuerit meditatus. Extra hanc viam gradienti, nescio quis progressus, quisve

quisve exitus sperandus sit. Nam quisquis contemplandi studium alius, ne dicam arroganti-
tius, quam à vita Christi exorsus fuerit, formidandum est illi, ne temeritatis arguatur: ruina,
quam sanctitati propior. At verò qui animo frequens in Christi passionibus actibusq; sanctis
versatus fuerit, ad angustoria atque magis arcana haud dubium diuinitatis inuitabitur. Ac-
cedit quod quemadmodum sua olim passione Christum ministrasse fructum nobis infinitum
compertissimum est, ita nulli dubium esse debet, eum, qui Christi vitam & passionem propter-
ea meditatatur, vt contra peccata concipiat odium, vitia detestetur, mundum fastidiat, sensuum
delectationibus moriatur, compatitèdè stimuletur desiderio, diuino inflāmetur amore, CHRIS-
TI virtutes (qua clarent hic maxime) imitetur, mente stabilatur in DEO, eidemq; spiritus
vniatur, vtilitatem consequi immensam.

Eamobrem vita & passio CHRISTI hic quinquaginta articulis hoc modo distincta est, vt
cuius articulo quedam ad DEVM aspiratio seu petitio, quasi ex illius actus aut passionis me-
ditatione tunc nata coniungatur, quo simul vbiq; & meditandi & orandi studium, preser-
tim mentale, conueniat, hoc est, vt pariter & ad imitationem humanitatis CHRISTI mens
deuota stimuletur, & ad diuinitatis eius amorem inflammetur. Potest autem qui voluerit,
singulis articulis salutationem Angelicam, & cuiuslibet denario articulorum Dominicam ora-
tionem subiungere. Quod genus orandi, rosarium vocamus.

Porro, quam salubre sit homini, quaque acceptum DEO huiusmodi studium orandi, te-
stantur reuelationes complures, pps olim hominibus facta. Si tamen cuiquam ita non libeat, om-
mittere potest Dominicis orationes ac salutationes Angelicas. Potest etiam articulos exten-
dere, truncare aut mutare pro sua deuotione.

Sunt praeterea adiuncti versus pro iuuanda memoria, si quis mente duntaxat voluerit or-
rare, articulorum ordinem, meditandiq; materiam indicantes. Nam quinque articulorum
quolibet versus semper iudicium praebet. Non praetermittendum etiam qui rosarium orando
efficere volunt, quinque Dominicis orationes ad quinq; Christi vulnera, quemadmodum se-
quuntur applicare posse. Vale lector. Ex Carthusia Agrippinensi:

VERSUS QUI ARTICVLOS ROSARII SE-
quentis eiusdemque ordinem significant.

Cuncta creat. Natam. Praesentat. Sponsa. Salutat.
Ad montana. Parit. Laudant. Scindunt Veniunt tres.
Sistitur Ac fugiens. Ad festa. Latetque. Lauatur.
Tentatus. Docuit. Curat. Pius est. Lachrymatur.
Venditur. Atque lauat. Statuens. Angustia. Captus.
Fert alapam. Petrus. Reus est. Pilatus. Herodes.
Caeditur. Et spinis. Damnat. Fert. Renouantur.
Affixus. Latro. Matremq; Relictus. Aceto.
Expirat. Foditur. Soluunt. Sepelitur. Ad Ima.
Surgens. Ascendit. Mittens. Assumptaque. Iudex.

PHARETRAE DIVINI AMORIS Libri Secundi Pars V.

Exercitium vitæ & Passionis Iesu Christi, ad modum Rosarii
quingenta articulis & totidem oratiunculis
distinctum.

Ad vulnus dexteri pedis, Precatio.

Ama-
bilissime atq; dulcissi-
me Domine Iesu Christe,
fit tibi laus, honor & glo-
ria pro vulnere & dolo-
re dexteri pedis tui.

In hoc sacrosanctum vulnus de-
pono atque commendo tibi omnia
peccata mea, vitia, passionem atq; om-
nem prorsus ingratitude, in-
firmitatem, vilitatem atq; nihilitate-
m meam, obsecrans te per immen-
sam bonitatem tuam, vt omnia hæc
per gratiam tuam in me deleas, atq;
purifices ac sanes. Quicquid etiam
in me tibi displicet, à me tollas: quic-
quid tibi placet, mihi infundas, &
in gratia tua ab omni peccato me
perpetuo liberum facias, præmuni-
as, dirigas atq; custodias, Amen. *Pa-
ter noster, &c.*

^{1.}
Unica creat.
O Domine Iesu Christe, adoro,
laudo, & benedico te, & gratias ago
tibi, qui me creasti, quique hæc-
tenus me peccantem quotidie sustines,
& licet ingratisimum, etiam benefi-
cij fovēs. Da mihi quaeso, vt te
creatorem meum cognoscam, cum
timore & reuerentia tibi fideliter
seruiam, perfecte obediam, & ex
toto corde semper tibi placere stu-
deam, Amen. *Aue Maria.*

^{2.}
Natam.
O Domine Iesu Christe, adoro,
laudo, benedico te, & gratias ago ti-
bi, qui nobilissimam virginem tibi
in matrem præelegisti, quam præfi-
guratam, & de sanctis parentibus si-
ne peccato conceptam ac natam gra-

tis, virtutibus, bonisq; omnibus
impleuisti. Da mihi quaeso, vt pecca-
ta mea, vilitatemq; propriam per-
fectè cognoscam, cum vera contri-
tione ac sancto odio desleā, & quic-
quid tibi displicet, detester & fugiā,
Amen. *Aue Maria.*

^{3.}
Præsentat.
O Domine Iesu Christe, adoro,
laudo, benedico te, & gratias ago ti-
bi, qui amabilissimæ puellæ, hone-
stissimæ speciosissimæq; virgini Ma-
riæ, futuræ matri tuæ inspirasti, vt
in templum se tibi offerret, dedica-
ret, ac perpetuam virginitatem vo-
ueret. Eia dulcissime Iesu, da mihi
mentis & corporis perfectissimam
castitatem, cordisq; feruentissimam
deuotionem, simplicitatem, purita-
tem ac stabilitatē, Amen. *Aue Maria.*

^{4.}
Sponsa.
O Domine Iesu Christe, adoro,
laudo, benedico te, & gratias ago ti-
bi, qui virgineo Ioseph pudicissi-
mam virginem Mariam voluisti
desponsari, & vtrunque in integri-
tate immaculatum conseruari. O
vnam mundum cum vniuersis vi-
tjis & concupiscentijs superem &
contemnam, & tibi ardentissimo
sincerissimoq; amore semper inhe-
ream, Amen. *Aue Maria.*

^{5.}
Saluat.
O Domine Iesu Christe, adoro,
laudo, benedico te, & gratias ago ti-
bi, qui dignatus es sanctissimā vir-
ginem Mariam per Angelum salu-
tare Spiritu sancto fecundare, atq;
in vtero eius incarnari. Dulcissime
Iesu, vnam facias cor meum ita ab
omni

omni peccato & vitio liberum, vt tibi fit iuge ac perpetuum habitaculum Amen. *Aue Maria.*

6. *Ad Neomana.*
O Domine Iesu Christe, adoro, laudo, benedico te, & gratias ago tibi, quia dignatus es nouē mētibz in vtero virginis gestari, & à præcursore necdum nato cognosci ac prophetari. Vtinam cor meum castissimo amore tui sic vulneres, vt omnia mūdāna fastidiat, & te habitorem possessorem indefinenter fiat, Amen. *Aue Maria.*

7. *Patii.*
O Domine Iesu Christe, adoro, laudo, benedico te, & gratias ago tibi, quē sine dolore genuit virgo inuolata, carēs hospitiū & peregrina. Eia dulcissime Iesu, vtinā cor muem repleas semper gratia verā ac perfectā cōtritionis, vt tibi esse merear filius æternæ adoptionis, Amen. *Aue Maria.*

8. *Laudant.*
O Domine Iesu Christe, adoro, laudo, benedico te & gratias ago tibi, qui in paupertate & frigore in præsepio positus, ab angelis es laudatus, & à pastoribz adoratus. Fac vt in seruitio tuo nunquā tepescā & à laude tua nunquā deficiā Amē, *Aue Maria.*

9. *Scindunt.*
O Domine Iesu Christe, adoro, laudo, benedico te, & gratias ago tibi qui circūcidi dignatus es ac vulnerari, & pro cōsolatione nostra Iesus nominari. Vtinam per sanguinis tui effusionē merear totus purificari, & ab omni offensione ac culpa perpetuo præseruari, Amen. *Aue Maria.*

10. *Peninns Tres.*
O Domine Iesu Christe, adoro, laudo, benedico te, & gratias ago tibi, qui à tribus Magis quæsitus, adoratus & muneribus es honoratus. Eia dulcissime Iesu da mihi, vt me ipsū totū semper tibi resignē ac offerā, omnes vires ac totū ipsū q̄ sum ac possū, omni tēpore in laudē, amorē ac beneplacitum tuum expendam, Amen. *Aue Maria.*

Ad vulnus sinistri pedis, Precatio.

A Mabilissime atq; dulcissime Iesu, fit tibi laus, honor & gloria pro vulnere & dolore sinistri tui pedis. In hoc vulnus repono omnes negligentias meas, omnia debita, omnesq; obligationes meas, rogans vt illa tu suppleas, tu me iustifices, impleas & confirmes gratia tua æterna, in qua crescā, & quam nunquam amittere valeam, Amen. *Pater noster.*

O Domine Iesu Christe, adoro, laudo, benedico te, & gratias ago tibi, q̄ in tēplum offerri, & cū purissima virgine matre tua legi subdi voluisti. Ah dulcissime Iesu, da mihi perfectissimā humiliatē, qua detester omnē seculi gloriā, omnem honorem fugiam, & omni homini propter te deuote me subijciam atq; obediam, Amen. *Aue Maria.*

O Domine Iesu Christe, adoro, laudo, benedico te, & gratias ago tibi, qui Herodis persecutionē, fugā, exiliumq; cū matre in infantia tua pertulisti. Fac me desiderāter æquanimitatēq; omnē aduersitatē sustinere, & in omni pressura tibi fideliter adherere, Amen. *Aue Maria.*

O Domine Iesu Christe, adoro, laudo, benedico te, & gratias ago tibi, qui in tēplo remanens, à matre quæsitus, & post driduū es inuentus. Eia dulcissime Iesu, vtinā toto corde, ardentissimoq; desiderio te æstuanter sitiam, indefinenter quæram, ita feliciter inueniā, vt te nunquam amittere valeam, Amen. *Aue Maria.*

O Domine Iesu Christe, adoro, laudo, benedico te, & gratias ago tibi, qui triginta annis cū matre incognitus latuisti, & fabri filius æstimari voluisti. Vtinā gratia tua in me omnem extirpet arrogantiam, omnem occidat superbiam, vt non videri aut gloriari, sed nesciri diligam, ac vilis

ac vilis reputari, Amen. *Aue Maria.*

5. *Lachrym.*

O Domine Iesu Christe, adoro, laudo, benedico te, & gratias ago tibi, qui propter nos in Iordane dignatus es baptizari, & à Patre coelitus monstrari. Da mihi per iuges lachrymas ab omnibus peccatis & vitijs mundari, vt tui amore desiderioq; celestis viae semper totusq; merear inebriari, Amen. *Aue Maria.*

6. *Tentans.*

O Domine Iesu Christe, adoro, laudo, & benedico te, & gratias ago tibi, qui in deserto abstinens, dignatus es à diabolo tentari. Eia dulcissime Iesu, protege me gratia tua, & fac me cunctas diaboli insidias euadere, omniaq; tentamenta in tua virtute superare, Amen. *Aue Maria.*

7. *Decuit.*

O Domine Iesu Christe, adoro, laudo, benedico te, & gratias ago tibi, qui pro animarum salute, orationibus, vigilijs, itineribus, praedicationibusq; continuis es fatigatus. Da mihi vt honorè tuum & animarum salutè feruenter sitiã, & pro his cor meum & omnia desideranter impendam, Amen. *Aue Maria.*

8. *Curat.*

O Domine Iesu Christe, adoro, laudo, benedico te, & gratias ago tibi, qui nuptias tuae praesentia atq; miraculo primo honorasti, cunctisq; egentibus ac infirmis curationum beneficia erogasti. Da mihi cor pietate, cõpensione & omni misericordia plenũ, quo omnibus hominibus & praecipue inimicis impendã perfectissimè dilectionis beneficia & affectum, Amen. *Aue Maria.*

9. *Pius est.*

O Domine Iesu Christe, adoro, laudo, benedico te, & gratias ago tibi pro benignissima familiaritate, qua Mariae Magdalenae, Zachaeo, Matthaeo, mulieri in adulterio deprehensae, ceterisq; poenitentibus totus pius ac misericors exhibuisti. Da mihi gratia profundissimae humilitatis, perfectissimae imitatis, benignitatis

& charitatis, Amen. *Aue Maria.*

10. *Lachrym.*

O Domine Iesu Christe, adoro, laudo, benedico te, & gratias ago tibi, qui inter laudes & honores super Hierusalem fleuisti. Eia dulcissime Iesu, infunde mihi perfectae charitatis zelũ, vt tui contemptũ & irreuerentia vbiq; detester ac horream, pro quocunq; peccato ex toto corde doleã, cuiuscunq; etiã proximi mala, vt propria sentiam, Amen. *Aue Maria.*

Ad vulnus dextrae manus, Precatio.

A Mabilissime atq; dulcissime Iesu, sit tibi laus, honor & gloria pro vulnere & dolore dexterae manus tuae. In hoc vulnus repono atq; commendo tibi omnes actus & conatus meos, & quicquid gratia tua in me aut per me factũ est, vt tu ea custodias, sanctifices & perficias ad laudẽ & gloriam nominis tui, Amen. *Pater noster.*

1. *Venditur.*

O Domine Iesu Christe, adoro, laudo, benedico te, & gratias ago tibi, qui Iudaeis te persequentibus, & in mortẽ tuam conspirantibus, à discipulo es venditus. Ah dulcis Iesu, da mihi, vt & mala & bona omnia de manu tua suscipiã, in eam omnia gratias agã, pro singulis semper te plus diligã, & ad omnes homines pacem, tranquillitatem cordis ac charitatẽ retineam, Amen. *Aue Maria.*

2. *Atque laud.*

O Domine Iesu Christe, adoro, laudo, benedico te, ac gratias ago tibi, qui relicta matre, Hierosolymis pascha cũ discipulis comedisti, & illorum pedes humillime lauisti. Vtinam cuncta p tui amore libenter relinquã, omnibus te praefera, in omnibus & super omnia te diligam, & me omnibus in obsequiũ propter te gaudeter subijciam, Amẽ. *Aue Maria.*

3. *Statuem.*

O Domine Iesu Christe, adoro, laudo, benedico te, & gratias ago tibi, qui sacramentũ Eucharistiae insti-

tuens discipulis tradidisti, & nobis idipsum reliquisti. Eia dulcissime Iesu, accende cor meum ad esuriam huius venerabilis Sacramenti, vt ardentissimo desiderio, castissimo affectu, humilitate, reuerentia, deuotioneque syncerissima frequentem illud, quando, quotiesque dignationi tuae placuerit, Amen. *Aue Maria.*

4. *Angustia.*
O Domine Iesu Christe, adoro, laudo, benedico te, & gratias ago tibi, qui ad patiendum desiderantissimus, simulque tristis ac pavidus, ter orando Patri te resignasti, & in agone positus sanguinem sudasti. Ah vtinam facias, vt in omni aduersitate ac tétatione ad te semper recurram, in te solo confidam, meipsum relinquam, & tibi soli credam, offeram & resignem, Amen. *Aue Maria.*

5. *Capit.*
O Domine Iesu Christe, adoro, laudo, benedico te, & gratias ago tibi qui ab hostibus captus ligabaris, caedebaris, blasphemabaris, impieque tractabaris. Vtinam facias me à vitijs omnibus liberum, & in tui amore captiuum, vt mihi desiderantissimum fiat despici, iniuriasque ac contumelias pati, Amen. *Aue Maria.*

6. *Feri alapam.*
O Domine Iesu Christe, adoro, laudo, benedico te, & gratias ago tibi, qui ductus ad Annam, patienter à seruo alapam tulisti. Da mihi vt odientes me diligam, pro malis bona retribuam, & dulcedinis ac benignitatis affectum ad omnes effundam. Amen. *Aue Maria.*

7. *Petrus.*
O Domine Iesu Christe, adoro, laudo, benedico te, & gratias ago tibi, qui in domo Cayphæ, iniquos testes accusantium tolerasti, & Petrum ter negantem te, misericorditer respiciens, ad poenitentiam sletum reuocasti. Eia misericordissime Iesu, da mihi vt peccata mea, ingratitude quocumque & negligentias meas

perfectè lugeam, & ex toto corde tibi placere studeam, Amen. *Aue Maria.*

8. *Reus est.*
O Domine Iesu Christe, adoro, laudo, benedico te, & gratias ago tibi, qui damnatus, confusus, caesus, velatusque & alia complura indigna sustinuit. Vtinam tui amor tantus in me ferueat, vt odiam reputari aut honorari, desiderem verò & ex corde gaudeam nesciri, despici ac pati, Amen. *Aue Maria.*

9. *Pilatus.*
O Domine Iesu Christe, adoro, laudo, benedico te, & gratias ago tibi, qui coram Pilato iniuste accusatus, humiliter tacuisti: Ah pie Iesu, pone linguam meam frænum timorem tui, quo ab omni etiam otioso sermone abstineam, & in omnem humiliationem meipsum vltro ac desideranter offeram, Amen. *Aue Maria.*

10. *Herodes.*
O Domine Iesu Christe, adoro, laudo, benedico te, & gratias ago tibi, qui ab Herode despectus ac derisorie veste es illulus, inter opprobria quocumque subsannatus, & sic ad Pilatum reductus: Eia dulcissime Iesu, da mihi vt de omnibus hominibus bene sentiam, neminem iudicem aut spernam, cunctos mihi præferam, & de me semper vilius sentiam, Amen. *Aue Maria.*

Ad vulnus sinistrae manus, Precatio.

A Mabilissime atque dulcissime Iesu, fit tibi laus, honor & gloria pro vulnere & dolore sinistrae manus tuae. In hoc vulnus offero tibi, ac iterum commendo omnia dona, beneficia, gratias, & quicquid mihi ingrato ac misero contulisti. Rogo autem tuam misericordiam per singulas guttas sanguineas, quæ inde fluxerunt, vt ea omnia mihi cõserues, confirmes, perficias, augeasque ad gloriam nominis tui, vt indies in me crescant

erescant humilitas & charitas secundum beneplacitum tuum, Amen. *Pater noster.*

1.
Caditur.

O Domine Iesu Christe, adoro, laudo, benedico te, & gratias ago tibi, qui propter me dignatus es nudari, ad columnam ligari, toto corpore flagellari, vulnerari ac cruentari. Da mihi nunc flagella tua tam patienter tamque desideranter sustinere, ut tuis poenis ac meritis purgatus, post huius vitæ egressum ilico merear tecum gaudere, ubi tibi placeam, te laudem, te diligam in æternum, Amen. *Aue Maria.*

2.
Et spinis.

O Domine Iesu Christe, adoro, laudo, benedico te, & gratias ago tibi, qui coronam spineam vertici tuo impressam, subsannationesque & illusiones, a lapas quoque ac sputa propter me pertulisti. Dulcis Iesu, imprime cordi meo iugem passionis tuæ memoriam, quæ mentem meam indefinenter compungat, vulneret, atque totam liquefaciens, in tui amore absorbeat, Amen. *Aue Maria.*

3.
Damnatus.

O Domine Iesu Christe, adoro, laudo, benedico te, & gratias ago tibi, qui licet torus miserabilis, vulneribus & doloribus plenus, productus, ac populo es monstratus. Invidia tamen ludæorum clamās postulavit te crucifigi, & Barrabam vitæ donari. Ah dulcissime Iesu, omnem superbiam & omnem gloriæ appetitum, invidiam, cunctaque vitia in me mortifica & extingue, & fac ut verè sim compatiens, verè humilis ac mitis corde. O passio nobilissima saluatoris mei, vulnera animam meam: ò preciosissima vulnera amatoris mei, inebriate mentem meam, Amen. *Aue Maria.*

4.
Pert.

O Domine Iesu Christe, adoro, laudo, benedico te, & gratias ago tibi, qui innocenter pro me ante tri-

bunal stans, passus es te ad mortem damnari, & in gaudium hostibus fieri. Per hanc charitatem tuam obsecro te Deus meus, da mihi gratiam nunquam obloquendi, nunquam detrahendi, nunquam proximum iudicandi, damnandi aut spernendi, & ad hæc etiam alijs nunquam auscultandi aut consentiendi, Amen.

Aue Maria.

O Domine Iesu Christe, adoro, laudo, benedico te, & gratias ago tibi, pro singulis doloribus atque gemitibus, quando inter multa opprobria & verbera baiulans crucem tuam, in oculis matris tuæ sub onere corruisti. Da mihi mitissime Iesu, crucem propriæ abnegationis & mortificationis feruentissima deuotione amplecti, & vestigia virtutum tuarum charitate perfectissima imitari, Amen. *Aue Maria.*

5.
Renouantur.

O Domine Iesu Christe, adoro, laudo, benedico te, & gratias ago tibi, cuius omnia membra extractione vestium nudabantur, doloresque & vulnera renouabantur. Utinam facias cor meum ab omni inutili cogitatione, ab omni impura affectione, ab omnibus denique visibilium rerum formis perfecte nudari, ut iugi visionis tuæ præsentia merear indesinenter renouari, tuique amore feruentissimo totus absorberi atque cremari, Amen. *Aue Maria.*

6.
Affixus.

O Domine Iesu Christe, adoro, laudo, benedico te, & gratias ago tibi, qui super crucem dire es extensus & clavis affixus, non habens speciem neque decorem, sed sicut leprosus & à Deo percussus. Da mihi ut nihil sim in oculis meis sed meipsum semper despiciam, ad maiora & meliora extendam, & omnes vires animæ & corporis mei in amore & beneplacitum tuum expendam, Amen. *Aue Maria.*

7.
Latro.

O Do-

8.
Matremque.

O Domine Iesu Christe, adoro, laudo, benedico te, & gratias ago tibi, qui inter latrones positus, expravantium blasphemias æquanimiter pertulisti, & pro inimicis orans, latroni pœnitenti paradysum promissisti. Da mihi perfectissimè omnia vitia in me mortificare, omnia aduersa mitissimè tolerare, & æstuantissimo desiderio ad te verū paradysum continuè aspirare, Amen.

*Aue Maria.*9.
Religiosus.

O Domine Iesu Christe, adoro, laudo, benedico te, & gratias ago tibi pro dolore, quo cor tuum scindebatur, quando matrem tuam fidelissimam condolentissimamq; astantem discipulo tuo Ioanni commendabas. Eia dulcissime Iesu, da mihi in eius veneraione & amore sic affici & occupari, vt ab ea tanquam à matre merear semper protegi, foveri & gubernari, Amen. *Aue Maria.*

10.
Aceto.

O Domine Iesu Christe, adoro, laudo, benedico te, & gratias ago tibi, qui inter acerbissimos pœnarum cruciatus clamabas te derelictum, quando etiam æstuantissima siti tortus, non habuisti aquæ guttam, sed fel & acetum. Ah dulcissime Iesu, fac vt in omni tentatione ac pressura ad te confugiam, ad te sitiam & esuriã, ac mundana omnia salidiam, Amè.

*Aue Maria.**Ad vultus cordis Iesu, Precatio.*

Amabilissime atq; dulcissime Iesu, pro vulnere cordis tui fit tibi laus, honor & gloria. In hoc vulnus offero, committo atq; refigno tibi cor meum, omnes potentias, vires, intensiones & affectiones meas: rogans te per effusionem sanguinis tui & aquæ, vt me tu solus possideas & regas, igneq; vehementissimi a-

moris tui consumas, absorbeas & tibi vnias, Amen. *Pater noster.*

O Domine Iesu Christe, adoro, laudo, benedico te, & gratias ago tibi pro innocentissima amarissimaq; morte tua, videlicet, pro dolorosa separatione sanctissimæ animæ tuæ à nobilissimo corpore tuo. Eia Deus meus, saluator meus, spes mea & corona mea, da mihi vt vitijs & concupiscentijs omnibus, omniq; privato ac inordinato amori perfectè moriar, tibi vero soli viuam, & æternaliter inhæream, Amen. *Aue Maria.*

O Domine Iesu Christe, adoro, laudo, benedico te & gratias ago tibi, pro amoroso vulnere illo, quo cor tuum transfixum, sanguinem nobis propinauit & aquam. Eia, vulnera quæso cor meum lancea amoris tui, vt aliud neq; cogitem, neq; desiderè, quam te Dominum Deum meum pro me crucifixum. Nihil mihi placeat, nihil me afficiat, nisi tu Deus meus, gaudium meum, vita mea, Amen. *Aue Maria.*

O Domine Iesu Christe, adoro, laudo, benedico te, & gratias ago tibi, pro flebili depositione corporis tui de cruce, & pro lamentabili plâctu matris tuæ & amicorum tuorū. O vtinam passionis tuæ memoria omnes sensus meos repleat, & me totum absorbeat, vt aliud nō videam, aliud non sentiam, aliud nesciam, quam te Dominum meum pro me crucifixum & mortuum, Amen. *Aue Maria.*

O Domine Iesu Christe, adoro, laudo, benedico te, & gratias ago tibi qui voluisti sindone inuolui, & alieno sepulchro recondi. Vtinam cor meum, sensus & vires meas omnes in te sepelias, per amorem tibi vnias, & velut insensibilem ac stupidum ad

ad omnia quæ à te sunt aliena, me reddas, Amen. *Aue Maria.*

5.
Ad Ima.

O Domine Iesu Christe, adoro, laudo, benedico te, & gratias ago tibi, qui dignatus es ad inferna descendere, & captiuos patres liberare. Eia dulcissime Iesu, descendat nunc quoque passionis & sanguinis tui virtus in purgatorium, & det animabus cunctis refrigerium, Amen. *Aue Maria.*

6.
Surgens.

O Domine Iesu Christe, adoro, laudo, & benedico te, & gratias ago tibi, qui resurgens à morte, primo matri, deinde Mariæ Magdalenz & Apostolis gloriosus apparuisti. O dulcissime Iesu, da mihi vitijs, passionibus ac inordinatis motibus omnibus perfectè mori, tibi viuere, tibi placere, & sola cœlestia sapere & desiderare, Amen. *Aue Maria.*

7.
Ascendit.

O Domine Iesu Christe, adoro, laudo, benedico te, & gratias ago tibi, qui iubilibus angelis & patribus comitantibus, ascendisti in cœlum. Utinam semper mens mea tui amore langueat, mundana vniuersa fastidiat, te solum ardentè esuriat ac sitiât: nihil me afficiat, nihil me deleat, nihil me lætificet, nisi tu Domine Deus meus, Amen. *Aue Maria.*

8.
Mittens.

O Domine Iesu Christe, adoro, laudo, benedico te, & gratias ago tibi, qui Spiritum sanctum dedisti, & discipulos ad mundi conuersionem misisti. Da mihi simplicissimam puritatem cordis, iugemq; stabilitatem mentis. Da mihi ardentissimam, fidelissimam, perpetuamq; charitatem, ut Spiritus sanctus me impleat, regat ac possideat, & vberioribus donis gratiæ suæ dignum me efficiat, Amē. *Aue Maria.*

9.
Assumptaque

O Domine Iesu Christe, adoro, laudo, benedico te, ac gratias ago ti-

bi, qui matrem tuam in corpore & anima assumptam glorificasti, & potentissimam misericordissimamq; nobis donasti. Da mihi per eius merita tuam gratiam, & in omni bono perseverantiam, ut in seruitio tuo nunquam deficiam, & per indiscretionem nunquam excedam, Amen. *Aue Maria.*

10.
Iudex.

O Domine Iesu Christe, adoro, laudo, benedico te, & gratias ago tibi, qui iudex es venturus, & vnicuiq; secundum sua opera supplicium aut præmium redditurus. Eia misericordissime Iesu, da mihi omnem vitam meam secundum beneplacitum tuum ita consummare, ut anima mea de corpore egrediens, immediate ad te creatorem suum tui amantissima redeat, vbi sine fine in gloria tua cum omnibus Sanctis te collaudet & benedicat, Amen. *Aue Maria.*

Si quisquam alijs occupationibus præditus, articulos hos, quomodo supra scripti sunt, cum orationibus legere meditariue nequiverit, potest lecturus rosarium post quinque aut decem salutaciones angelicas (ommissis superioribus) orationem quæ sequitur semper inserere.

Ave benignissime Iesu, Christe cum omnibus sanctis & electis tuis, gratia plenus, misericordia tecum, benedicta sit amarissima passio tua, tristissima anima tua, pijsimum cor tuum, omnia membra tua, opprobria, liuores, vulnera & mors tua. Et benedictus dolor ac sanguis vulnerum tuorum.

Pro his itaq; omnibus quæ passus es, & pro immensa charitate tua, qua propter me passus es, adoro, laudo, benedico te, & gratias ago tibi, misericordissime Domine Iesu Christe

Christe. Obsecro etiam te per pijsimum cor tuum, imple cor meum ardentissima, perfectissima, perpetuaque charitate, ut me ipsum verè cognoscam & contemnam, contemnes verò & odientes me ex corde diligam. Dulcis Iesu, da mihi ut nil me afficiat, nil me delectet nisi tu. Te solum cogitem, te solum sentiam, & tibi semper totus perfectissimè placeam, Amen.

Modus offerendi Rosarium.

Offero tibi clementissime Iesu nunc merita beatissimæ matris tuæ, omnium electorum tuorum, qui sunt aut fuerunt, siue erūt à primo vsq; ad nouissimum, in vnione omnium meritorum (quæ infinita sunt) vitæ & passionis tuæ ab initio vsq; ad finem: & in his omnibus amabilissime Iesu offero tibi etiam hoc rosariolum pauperis peccatoris, ut propter & inter prædicta merita dignanter super caput tuum suscipias pro spinea corona, quam tu pro me sustinuisti: simul & capiti gloriosissimæ matris tuæ pro sertulo virginali imponas.

O Dulcissime Iesu offeras hæc omnia. s. passionem tuam &c. tuo Patri omnipotenti in eadem charitate & tam efficaciter, quomodo te ipsum illi in ara crucis obtulisti pro salute totius mundi, ut in omnibus & per omnia, tua sanctissima & laudabilissima voluntas fiat in vniuersis creaturis tuis. *Et specialiter pro te siue alijs quicquid volueris pete, semper. g. specialissime defunctorum (quia sunt amici Dei, & ipsorum est regnum caelorum) in purgatorio existentium, memoriam habe, quia pro illis oratio facta certum est quod vacua non reuertitur.*

Rosarium vitæ & passionis Iesu Christi, quinquaginta

articulis, totidèque aspirationibus distinctum, & in breue compendium redactum, pro ijs, quibus præcedens prolixius fortè videri possit.

Pater noster.

Aue benignissime Iesu, Qui me creasti & omnia. Heu me miserū, 1. Cuncta creat.

quia me perdidisti: reformet me quæso tua misericordia. Ave & tu o gloriosissima Dei mater virgo Maria gratia plena &c.

Aue benignissime Iesu, Qui concipi, nasci, educariq; fecisti matrem tuam sine peccato. Heu quanta sunt pie Iesu peccata mea, quanta ingratitude? Ave & tu o gloriosissima. &c. 2. Natam.

Aue benignissime Iesu, Cui in templum se Maria obtulit deuotissima. Vtinam tibi perfecte seruiam in lachrymosa poenitentia. Ave & tu o gloriosiss. &c. 3. Presentat.

Aue benignissime Iesu, Qui virginem Mariam sponso sociasti virgineo, vtinam cor meum semper vulneret perfecta cordis contritio. Ave & tu &c. 4. Sponsa.

Aue benignissime Iesu, Qui incarnatus es in virginis utero. Vtinam exuar, indiesq; mūder ab omni peccato. Ave & tu o gloriosiss. &c. 5. Saluat.

Aue benignissime Iesu, Quo impregnata mater ibat in montana. Vtinam cœlestia ficiens detester omnia vana. Ave & tu o gloriosiss. &c. 6. Ad montana.

Aue benignissime Iesu, Quem virgo peperit sine dolore. Vtinā adopter à te in filium ardentissimo castissimoq; tui amore. Ave & tu o gloriosiss. &c. 7. Parit.

Aue benignissime Iesu, Quem vitarunt pastores angelis laudantibus. Diligam & laudem te Deus meus ex toto corde meo super omnia, 8. Laudam.

nia, & in omnibus. Aue & tu &c.

9.
Scindant.

Aue benignissime Iesu, Qui circū-
cisus fudisti sanguinem. Hunc offer
quælo Patri pro nobis ad nostri ex-
piationem. Aue & tu ô gloriosiss. &c.

10.
Veniant tres.

Aue benignissime Iesu, Cui reges
tria obtulerunt munera. Vtinā omnes
vires, omnēq; tempus vitæ meæ of-
feram & expendam in tua benepla-
cita. Aue & tu ô gloriosiss. &c.

Pater noster.

11.
Sistitur.

Aue benignissime Iesu, Quem
virgo purissima sistens redemit
in templo. Vtinā tuæ ac matris hu-
militatis conformer exemplo. Aue.
& tu &c.

12.
Ac fugiens.

Aue benignissime Iesu, Qui cum
matre Herodis fugisti persequutio-
nem. Vtinam de manu tua suscipiā
feramq; æquanimitè omnem tri-
bulationem. Aue & tu &c.

13.
Ad festa.

Aue benignissime Iesu, Quem a-
missum mater quærit condolens. V-
tinam te solum quæram, te pure in-
tendam, perfectè diligens. Aue & tu
&c.

14.
Læti que.

Aue benignissime Iesu, Qui mūdo
diu manebas incognitus. Vtinam
humanam gloriam fugiens, eandē
detester medullitus. Aue & tu ô glo-
riosiss. &c.

15.
Lanatur.

Aue benignissime Iesu, Qui vo-
luisti baptizari. Vtinam ab omni
peccato & vitio totus in hac vita
merear expurgari. Aue & tu ô glo-
riosiss. &c.

16.
Tentatus.

Aue benignissime Iesu, Qui ten-
tatus dæmonis pertulisti arrogan-
tiam, Da mihi in omni tentatione
victoriam. Aue & tu ô gloriosiss. &c.

17.
Docuit.

Aue benignissime Iesu, Qui fatiga-
tus es euāgelizando. Vtinā pro te du-
ra omnia libenter sustineam, tuum
honorem zelando. Aue & tu &c.

18.
Curat.

Aue benignissime Iesu, Qui sana-
sti languidos à quacunque infirmi-

tate. Fac ut omnem proximum di-
ligam opere & veritate. Aue & tu &c.

19.
Pius est.

Aue benignissime Iesu, Qui pecca-
tores recepisti ad pœnitentiam. Vti-
nam compassionem omnibus im-
partiar & misericordiam. Aue & tu
ô gloriosiss. &c.

20.
Lachrymatur

Aue benignissime Iesu, Quem
fentem plebs excepit cum palmis &
laudibus. Vtinam tui honorem esu-
riam & zeler in omnibus, Aue & tu
ô gloriosiss. &c.

Pater noster.

Aue benignissime Iesu, Qui vili
es pretio venditus. Vtinam tu
mihi pretiosior chariorq; sis omni-
bus. Aue & tu gloriosiss. &c.

21.
Venditur.

Aue benignissime Iesu, Qui pe-
des lauisti discipulorum. Da mihi
cor mundum ab omni labe vitiorū,
Aue & tu &c.

22.
Atque lauat.

Aue benignissime Iesu, Qui cor-
pus tuum nobis tradidisti & sangui-
nem. Accende desiderium nostrum
ad eorundem amoreq; & frequen-
tationem. Aue. &c.

23.
Statuens.

Aue benignissime Iesu, Qui orans
sanguinem sudasti in agone. Vtinam
ex abyssu cordis tibi me semper re-
signem cum plena meipsum abne-
gatione. Aue & tu ô gloriosissima
Dei mater virgo Maria. &c.

24.
Angustia.

Aue benignissime Iesu, Qui cap-
tus ligaris, discipulis fugientibus. V-
tinam tui teneat amore captus, & li-
ber sim à vitijs omnibus. Aue & tu ô
gloriosiss. &c.

25.
Captus.

Aue benignissime Iesu, Qui à ser-
uo exsus es alapa. Fac me mitem ac
patientem sub omni iniuria. Aue &
tu &c.

26.
Fert alapam.

Aue benignissime Iesu, Quem Pe-
trus sicut amare. Fac inter tristitia &
læta me tecum perseverare. Aue & tu
ô gloriosiss. &c.

27.
Petrus.

Aue benignissime Iesu, Quem

28.
Reus est.

l 3 Cai-

Caiphas damnans multifariâ. Vtinam tibi afflictisq; omnibus ex corde condoleam, Aue & tu. &c.

29.
Pilatus.

Aue benignissime Iesu, Qui ini- que accusaris ante Præsidem: Vtinam facias, vt neminè vnquã spernam aut iudicem, Aue & tu. &c.

30.
Herodes.

Aue benignissime Iesu, Cui Herodes illudit turpiter: Fac mei contemptum feram humiliter, Aue & tu. &c.

Pater noster.

31.
Cediunt.

Aue benignissime Iesu, Qui flagellaris atrociter: Vtinam tua flagella, aduersaq; omnia sustineam hilariter. Aue & tu ô gloriosissima. &c.

32.
Et spinis.

Aue benignissime Iesu, Cui corona impressa est spinea: Vtinã tuã passionis mei iugis vulneret memoria. Aue & tu. &c.

33.
Damnatus.

Aue benignissime Iesu, Qui damnandus stas ante iudicem: Fac me perfectè mitem & humilem. Aue & tu. &c.

34.
Fert.

Aue benignissime Iesu, Qui crucem tibi baiulas propriam: Vtinam perfectissimam tibi semper exhibeam obedientiam. Aue & tu. &c.

35.
Renouantur.

Aue benignissime Iesu, Cuius renouantur vulnera te nudato. Vtinam me exuas & liberum serues ab omni amore priuato. Aue. & tu. &c.

36.
Affixus.

Aue benignissime Iesu, Qui crucifigeris extensus: Fac vt in me tui sit amor perpetuus ac immèsus. Aue & tu. &c.

37.
Latro.

Aue benignissime Iesu, Qui latroni donasti veniam: Recipe me quæso confestim post mortem ad gloriã. Aue & tu. &c.

38.
Matremque.

Aue benignissime Iesu, Qui matrem commendasti discipulo: Vtinam à te & matre possidear pro filio. Aue & tu. &c.

39.
Relictus.

Aue benignissime Iesu, Qui te

clamabas derelictum: Vtinam in omni pressura cor mihi des tibi fidelissimum, resignatum & inuictũ. Aue & tu. &c.

Aue benignissime Iesu, Qui acetum gustas sitim tolerans: Te solum fac vt sitiam nil extra te desiderans. Aue & tu. &c.

Pater noster.

Aue benignissime Iesu, Qui mortuus es in tormentis: Da vt mihi & mundo perfectè moriar, vitijsq; ac omnibus concupiscentijs. Aue &c.

Aue benignissime Iesu, Cuius cor miles aperuit suauissimum: Vtinam cor meum auferas prauissimum, & des mihi cor amantissimũ, fidelissimum ac misericordissimũ, secundũ cor tuum, Aue & tu. &c.

Aue benignissime Iesu, Qui de cruce matri redderis: Vtinam in tuo seruitio semper sim perseueremq; deuotus, strenuus & hilaris, Aue & tu. &c.

Aue benignissime Iesu, Qui sepeliris inuolutus syndone: Vtinam cor mihi des castissimum, fidele ac purum ab omni contagione, Aue & tu. &c.

Aue benignissime Iesu, Qui patres liberas descendens ad inferna: Vtinam defunctis omnibus sit requies sempiterna. Aue & tu. &c.

Aue benignissime Iesu, Qui à morte resurgens consolaris matrè: Vtinam in morte te sentiam redemptorem misericordissimum ac fidelissimum patrem. Aue & tu. &c.

Aue benignissime Iesu, Qui in cœlum ascendis plenus maiestate. Vtinam ad te continuè suspirem ardentissima charitate, & profundissima humilitate. Aue & tu. &c.

Aue benignissime Iesu, Qui Spiritum

40.
Acceto.

41.
Expirat.

42.
Foditur.

43.
Soluunt.

44.
Sepelitur.

45.
Ad Imã.

46.
Surgens.

47.
Ascendit.

48.
Mittent.

ritum sanctum dedisti credentibus:
Eundem mihi quæso infunde cū do-
nis omnibus. Aue & tu & c.

49.
Assumptaque

Aue benignissime Iesu, Qui cor-
nas matrem super cælos exaltatam.
Da mihi obsecro per matrem tuam
vitam sanctam & mortem beatam.
Aue & tu, & c.

50.
Iudeæ.

Aue benignissime Iesu, Qui mun-
di iudex es venturus. Fac tuis pœnis
ac vulneribus hic expurger totus, vt
in morte sim liber ad gaudia iturus.
Aue & tu ô gloriosissima Dei mater
virgo Maria gratia plena & c.

*Ad Dominum Iesum conclusiva eius-
dem Rosarij, Precatio.*

Domine Iesu Christe tuam mise-
ricordiam vt consequamur, fac
nos per intercessionem beatissimæ
virginis Mariæ matris tuæ & omni-
um sanctorum tuorum toto corde
tibi esse deuotos, quatenus perfectis-
sima nostri abnegatione ac tui imi-
tatione in seruitio tuo perseuerem-
us: & mortificatis omnibus vitijs
nostris iugiter passionis tuæ memo-
ria delectemur, puroq; semper cor-
de omnimodis tibi reddamur acce-
pti. Qui viuis & regnas cum Deo Pa-
tre in vnitatis Spiritus sancti, Per om-
nia secula seculorum Amen.

**ROSARIUM VITAE AC
passionis Christi breuif-
simum.**

Pater noster, Aue Maria.

Ad vulnus dextræ manus.

Iesu misericordissime, pro vulne-
re dextræ manus tuæ, sit tibi laus
& gratiarum actio. Hinc quæso
cunctis suat plena redemptio.

Aue Maria gratia plena, Dominus
tecum & c. Iesus Christus creator sal-
uificus.

Aue Maria, & c. Iesus Christus, te
natam ornans cœlitus.

Aue Maria, & c. Iesus Christus, Cui te
offers medullitus.

Aue Maria, & c. Iesus Christus, Te
sponsam dans charissimus.

Aue Maria, & c. Iesus Christus, In te
homo factus.

Aue Maria, & c. Iesus Christus, A
præcurfore cognitus.

Aue Maria, & c. Iesus Christus, Ex
te virgine natus.

Aue Maria, & c. Iesus Christus, ab an-
gelis collaudatus.

Aue Maria & c. Iesus Christus, In cir-
cūcisione nominatus.

Aue Maria, & c. Iesus Christus, A ma-
gis adoratus.

Pater noster, Aue Maria.

Ad vulnus sinistræ manus.

Iesu misericordissime, pro vulne-
re sinistræ manus tuæ sit tibi laus
& gratiarum actio. Hinc quæso cun-
ctis suat plena redemptio.

Aue Maria, & c. Iesus Christus, Tem-
plo per te illatus.

Aue Maria, & c. Iesus Christus, A te
in exilium portatus.

Aue Maria, & c. Iesus Christus, in tē-
plo amissus & redditus.

Aue Maria, & c. Iesus Christus, Tecū
latens, & tibi subditus.

Aue Maria, & c. Iesus Christus, A Io-
anne baptizatus.

Aue Maria, & c. Iesus Christus, A sa-
tana tentatus.

Aue Maria, & c. Iesus Christus, Po-
pulo euangelizans.

Aue Maria, & c. Iesus Christus, A
morbis populum sanans.

Aue Maria, & c. Iesus, Pius & mise-
ricors omnibus.

Aue Maria, & c. Iesus Christus, In-
trans urbem cum laudibus.

Pater noster, Aue Maria.

Ad vulnus dextri pedis.

Iesu misericordissime, pro vul-
nere dextri pedis tui sit tibi,

laus

f 4

- laus & gratiarum actio. Hinc quæso fluat omnibus perfecta redemptio.
- Aue Maria, &c. Iesus Christus, A suo discipulo venditus.
- Aue Maria, &c. Iesus Christus, Pedes lauas omnibus.
- Aue Maria, &c. Iesus Christus, Suo corpore & sanguine nos cibans.
- Aue Maria, &c. Iesus Christus, In angustia tristis & orans.
- Aue Maria, &c. Iesus Christus, Caput atq; ligatus.
- Aue Maria, &c. Iesus Christus, Cæsus & obiurgatus.
- Aue Maria, &c. Iesus Christus, A Petro ter negatus.
- Aue Maria, &c. Iesus Christus, A Caypha condemnatus.
- Aue Maria, &c. Iesus Christus, Coram Pilato accusatus.
- Aue Maria, &c. Iesus Christus, A rege calumniatus.
- Pater noster, Aue Maria.*
Ad vulnus sinistri pedis.
- I**esu misericordissime, pro vulnere sinistri pedis tui fit tibi laus & gratiarum actio. Hinc quæso fluat omnibus & salus & redemptio.
- Aue Maria, &c. Iesus Christus, Pro nobis flagellatus.
- Aue Maria, &c. Iesus Christus, Illusus, coronatus.
- Aue Maria, &c. Iesus Christus, Ad crucem postulatus.
- Aue Maria, &c. Iesus Christus, Ad mortem condemnatus.
- Aue Maria, &c. Iesus Christus, Suam crucem ferens.
- Aue Maria, &c. Iesus Christus, Senari patiens.
- Aue Maria, &c. Iesus Christus, Crucifixus cum latronibus.
- Aue Maria, &c. Iesus Christus, Oranti latroni propiti.
- Aue Maria, &c. Iesus Christus, Suam matrem commendans.
- Aue Maria, &c. Iesus Christus, Se derelictum clamitans.
- Pater noster, Aue Maria.*
Ad vulnus lateris.
- I**esu misericordissime, pro vulnere lateris tui, tibi fit laus & gratiarum actio. Hinc quæso fluat tam viuis quam defunctis plena redemptio.
- Aue Maria, &c. Iesus Christus, Pro nobis in cruce mortuus.
- Aue Maria, &c. Iesus Christus, In latere vulneratus.
- Aue Maria, &c. Iesus Christus, De cruce depositus.
- Aue Maria, &c. Iesus Christus, Sepulchro reconditus.
- Aue Maria, &c. Iesus Christus, E limbo patres liberans.
- Aue Maria, &c. Iesus Christus, Surgendo à morte triumphans.
- Aue Maria, &c. Iesus Christus, In cœlum scandens gloriosus.
- Aue Maria, &c. Iesus Christus, Spiritum dans gratiosus.
- Aue Maria, &c. Iesus Christus, Te assumptam glorificans.
- Aue Maria, &c. Iesus Christus, Vniuersum mundum iudicans.

In venerationem beate Mariae Virginis, precatio.

Deus qui matrem tuam gloriosam virginem Mariam à cunctis venerari voluisti, quæsumus, vt eius meritis & precibus impetremus, vt mundo perfecte mortui, in vera paupertate spiritus tibi fideliter seruiamus, & perfectissima charitate repleti, in honorem & beneplacitum tuum omnes vires animæ & corporis nostri expendamus. Qui viuis & regnas Trinus & vnus, ab omni creatura in secula benedictus, Amen.

Ad Chri-

Ad Christum Iesum in septem dolores præcipuos beatissimæ Virginis Mariæ, ex passione eiusdem vehementer afflictæ, preces.

De prophetia sancti Simeonis, Precatio I.

A Mabilissime Iesu Christe, hunc dolorem beatissimæ virginis ac matris tuæ, quem in corde tuo iteratis sæpè vicibus (vt Simeon prophetarat) sustinuit, præmeditans futuram passionem tuam, cum omnibus laboribus, incommodis ac pœnis tuis pro me toleratis, tibi pro peccatis meis & pro peccatis totius mundi nunc offero: per hæc omnia te obsecrans, vt mihi ad te, ad matrem tuam, ad omnesq; homines veram perfectissimamq; infundas charitatem ac compassionem, Amen.

De exilio Domini Iesu & matris eius Precatio II.

A Mabilissime Iesu Christe, hunc dolorem pijsimæ matris tuæ, quem tecum in Aegyptum fugiens ob Herodis persequationem sustinuit, cum omnibus pœnis tuis tibi nunc offero: per hæc omnia te obsecrans vt omnem presentis exilij molestiam, omnemq; vitæ huius miseriam facias vt patienter tolerem, ardentissimo ac iugi desiderio ad te indefinenter suspirans, Amen.

De Domini triduana amissione in infantia, Precatio III.

A Mabilissime Iesu Christe, hunc dolorem quem tristissima mater tua pertulit triduo te querens, donec amissum in templo reperit, cum omnibus doloribus tuis, offero nunc tibi pro peccatis meis & totius mundi, obsecrans te per eisdem dolores, vt in dies me cruciet ardentissimum tui desiderium copiosius inueniendi, seruandus diligendi, fidelius seruiendi, & perfectius placendi, Amen.

De Domini passione, crucis baiulatione & sub ea defectione, Precatio IV.

A Mabilissime Iesu Christe, hunc dolorem tristissimæ matris tuæ, quem ipsa videns te captum, ad mortem damnatum, sub grauissima trabe crucis incuruatum, rosea sanguinis vestigia post te relinquentem, & tandem deficientibus viribus sub cruce in faciem corruentem sustinuit: quando tu quoque illam intuens animo grauitur vulneraris tibi nunc offero, per vtriusque dolorem ac tristitiam te obsecrans, vt quicquid grauaminis, infirmitatum molestiarum vobis mihi imposueris, facias me desiderantissimo corde suscipere, patientissimè ferre, pro omnibus ex animo gratias agere, & ad maiora me semper medullitus resignare, Amen.

De Domini Iesu in cruce pendentia, Precatio V.

A Mabilissime Iesu Christe, hunc dolorem quem mater tua compatiensima pertulit intuens te in latronum medio crucifixum, in acerbissimis pœnis à Patre & omnibus derelictum, aridissima siti cruciatum, & amarissime morientem, cum omnibus doloribus & compassionibus tuis ad dilectissimam tibi matrem, pijsimum cor tuum torquentibus, tibi nunc offero: per eadem omnia te obsecrans, vt cordi meo indelebiter omnes pœnas & vulnera tua, omnem charitatem tuam, omnesq; matris tuæ dolores imprimas, quæ me amore & compassionem insanabili iugiter vulnerent, & tibi conforment, Amen.

De

De Domini Iesu de cruce depositione, Precatio VI.

A Mabilissime Iesu, hunc dolorem mœstissimæ matris tuæ, quæ ipsa te de cruce depositum habens in gremio, vulneraq; tua contuens sensit, nunc offero tibi, per eundem te obsecrans, quo matri tuæ autoritate tua præcipias, ut me pro te, quem occasione peccatorum meorum amisit, suscipiat in filium, curet & regat adoptivum, & ea in quibus ipsa tibi placere studuit mihi quoque impetret & feruet, Amen.

De Domini Iesu sepultura, Precatio VII.

A Mabilissime Iesu Christe, hunc dolorem afflictæ matris tuæ quem habuit, à sepulchro, hoc est, à te sepulto discedens, & loca passionum tuarum transiens, cum omnibus doloribus & laboribus tuis, quæ propter me passus es, offero tibi pro peccatis meis & pro peccatis totius mundi: per hæc omnia obsecrans te, quo iubeas ut in morte anima mea de corpore meo absque ullo medio ad te veniat desiderabunda, tui amore consummata atq; perfecta, inseparabiliterq; tecum gaudio quietura. Ah dulcis Iesu nunc quoque misereere quæso mei, & omnibus peccatoribus afflictis, & defunctis omnibus, quos omnes propter pietissimæ matris tuæ amorem quæso consoles, Amen.

Duodecim privilegia, seu prerogativa beatae Mariæ Virginis, quæ singularem perpetuamq; illi lætitiæ adferunt.

P Rimum, quod præ omnibus in Dei matrem, atque in humana redemptionis cooperatricem est electa. Secundum, quod ab omni macula & peccato pura est divinitus præservata. Tertium, quod omnibus donis gratiarum fuit impleta. Quartum, quod virgo Deum concepit. Quintum, quod non gravata illum in utero gestavit. Sextum, quod Deum virgo & sine dolore genuit. Septimum quod Deum Dei filium, eundemq; suum creatorem ubere lactavit. Octavum, quod Deus ei subiectus fuit. Nonum, quod triginta annis ei Deus cohabitavit. Decimum, quod suum filium prædicantem, propriamq; virtute miracula facientem vidit. Undecimum, quod ad nostræ redemptionem suo filio sola perfecta in fide patienti sub cruce assistit. Duodecimum, quod gloriosa mater nunc in cælis filio suo assidet regnanti.

Hæc gaudia duodecim beatissime virginis, hæc præminentias si devotus quotidie reculeris, & congratulando toties virginem gloriosissimam salutaveris, non ingratum ei obsequium, nec tibi infructuosum impendes.

Oratio in qua duodecim hæ præminentia beatæ Mariæ, in quibus est sola singularis, continentur.

D EUS qui in beatissima virgine Maria, ab æterno tibi in matrem electa, semper immaculata, omnique gratia plena, incarnari, portari, ex eadē nasci, eius vbera sugere, eidem obedire ac cohabitare dignatus es, largire nobis propitius, ut quomodo ipsa olim te sequebatur prædicantem quem vidit miracula facientem, patienti fidelis assistit, assidetq; nunc in cælis regnanti, ita per humilitatis ac patientiæ studia, & tuis nos facias virtutibus confirmari, & post hanc vitam tibi confestim in æterna beatitudine coniungi. Qui vivis & regnas Deus in secula benedictus, Amen.

D. IOAN: IVSTILANSPERGII,
Carthusiani, in Pfalterium mysti-
cum, & Rosaria Beatissimæ virginis Mariæ,

P R A E F A T I O.



*Vi de exercitij theoria spiritualis siue contemplationis atque my-
thica Theologia scripserunt, orationem, quæ solum vocalis est, infi-
mo penè gradu habuerunt, tametsi ipsa quoq; dum ore profertur,
spiritu iuxta ac mente positi fundi. Quod in orationibus ab Ecclē-
sia institutum, & quæ præcepto nobis mandata sunt fieri vel maxi-
mè est annuendum. Caterum ubi ex præcepto Ecclesiæ aliter non
cogimur, vel meditando, vel ad Deum aspirando, vel mente dum-
taxat orando, aut certè propter se gemendo gratulandove Deo,
mentem nostram eidem coniungere est permissum, idq; è multis*

*eligere tanquam vtilius, quo cor suum vniuscuique senserit erga Deum feruentius accendi,
dulcius affici, trahi potentius, moueri purius, familiarius allici, suauius coniungi, firmitus atq;
(vt ita dicam) inseparabilius cum eo vniri. Qui in his studijs versati sunt, aspirationibus, sili-
migeris desiderijs, orationibusq; breuibus, mentalibus & iocundis, seu iaculatum è corde emissis
ad Deum, præcipuam eidem laudem tribuunt. Propterea hoc orandi genus, humana plus ar-
ridet infirmitati, quæ mentem nostram ad Deum eleuatam aut erectam non diu sunt: quip-
pe quæ confestim vt ad Deum erecta fuerit, in seipsam relabitur, perit per aspiratione uox
est erigenda. Deinde etiam quod inter cetera contemplationum officia, vias modosq; omnes,
hoc studium quasi per compendium prauolet, semperq; tutiori atque à periculis remotiori ho-
minem sistat gradu. Qui hinc plura scire desiderat legat altiuolantes ac summos illos con-
templatores. D. Dionysium Arcopagitam. D. Ioannem Gersonem. D. Dionysium Carthusia-
num. D. Ioannem Rusbrochium, & Ioannem Thaulerum, Henricum Harphium, & com-
plures alios, qui de hac materia præclara posteris reliquerunt monumenta.*

*Hæc igitur ratione perimotus, vitam Domini nostri Iesu Christi, ac B. Virginis matris eius
collectam, in centum & quinquaginta iterum articulos distinxit, in quorum singulis Christi
aliquid beneficium quasi expansum singulatim recolatur, vnde occasio veluti excitamen
quoddam præbeatur aspirandi ad Deum, & salubre aliquid, non terrenum, sed quod pietatē
& charitatem spirat à Christo petendi. Proinde nihil hic quod verbis aures mulcere, sed quod
mentē extimulare queat, legatur. Neq; enim ori, quod verbis profertur (tametsi possit) neg,
auribus politam suauēq; aliquid afferimus, sed menti, quæ absque verborum strepitu in silen-
tio, & meditando legat, & orando ad Deum, aspiret. Quæ enim hic tradimus si ore profertur
insipida sunt & sordebunt. Si verò quæ verbis insinuantur, spiritu fuerit quis meditatus,
plura quam sperat, inueniet.*

*Itaque habent suas qui volunt vocales legere orationes, nec nos in illo genere orandi non
suffragamur, qui huiusmodi quoque scripsimus alibi, vt facile ad manū sit, quid vniuscuiusq;
palato conueniat. Hic tamen materia constata est duntaxat meditando, affectus pios elici-
endi, ad Deum aspirandi, atque mente & desiderio salutaria petendi.*

*Huius studij cū sint innumera vtilitates, è multis aliquas enumerabo. Videlicet qd per hæc
aspirationes discitur in spiritu & veritate orare, discitur diuina præsentia sentiri, discitur
viam humanus spiritus inflammarī, coniungi & absorberi in Deo Creatore suo. Postrema
1 2 acqui-*

acquiritur familiaritas quadam vel consuetudo continuo cum Deo loquendi, vel ex quibuscumque rerum temporalium tumultibus absque reuulsa cordis mox ad spiritualia & orationem redeundi.

Fuit quoque, apud maiores nostros auida quadam consuetudo quotidie aspirationibus salutationibusve totidem, quod Dauidi enunciatur Psalmi, vel Christum vel eiusdem contemplatione ipsius matrem venerari. Quod deuotionis genus Psalterium vocabant. Sed pietate paulo post defuerente, minori illud numero, posteri, puto quinquaginta (quod Rosarium, seu Corona beatae virginis nominabant) commutauerunt. Vtrique deuotionis exercitio fulcire nos cupientes, ex vita Christi Articulis multiformes, vnde menti ad Deum aspirationes enascantur, addidimus. In quibus. Lector nil expectabis aliud, quam ut compunctione extimulata, frequenter ac quasi continue suspires ad Deum, mente coniungaris Deo, eundemque pro ipsius gratia, ope, amore ac virtutibus impetrandis, malis vero deprecandis, discas non tam voce quam spiritu orare. Vale Lector amice, nostrosque conatus, quibus Christiana pietati animisque Deo deditis prodesse studemus Deo commenda.

VERSUS QUI ARTICVLOS PSALTERII

huius sequentis eorundemque ordinem significant,

C uncta creat, vindex, statuit, signata, Prophetis.	Ter negat, ad Caipham, testes, blasphemia, damnant.
Concipitur sine vs, completur, nata, venusta.	Casus, conspuitur, velant, fert multa, Pilato.
In templum, dulcis, fulgens, vouet, noua sponsa.	Accusant, Regi spernunt, redit, alter ab illo.
Orat, aue, turbatur, concipit, hunc pia gestat.	Nudatum, stringunt, cadunt, spiritusque, cachinnant.
Ad montana, pauet, peregrina, parit, latriam dat.	Exhibitus, damnatur, amictus, sub cruce, flebant.
Lacrat, condoluit, congaudent, integra, scindunt.	Associant, Simon, vinum, nudant, renouantur.
Tres veniunt, sistunt, fugiunt, exul, pia nutrit.	Extensus, crucifigitur, orat, scripsit, in alium.
Hinc redit, ad festum, quarunt, patrensque, latebat.	In tribus, effluxit, vestes, blasphemia, latro.
Iordanis, tentat, vocat hos, incommoda fessus.	Vndisque, condolat, mulier, tenebrasque, relicus.
Mirra, facit, docuit, pius est, iniuria, palmis.	Est siticus, gustat, complet, maritur, genuerunt.
Venditur, abscedit, canat, lauat, infirmens dat.	Terra tremit, milesque, resoluunt, syndone, plactus.
Prædicat, exiit, tristatur, & orat, ad illos.	In tumultum, redeunt, ad lymbus, gaudia secum.
Angelus, & sudat, redit obuius, oscula, sanat.	Surrexit, matri, et parat, vescens, it in altum.
Captam, sune ligant, fugiunt, Ananas, alapam fert.	Mitteus, conuertunt, martyr, virgog, superstes.

*Migrantem, assumpsit, supremam,
proxima, fulget.*

*Imperat, exorat, concors, crescunt,
veniet.*

PSALTERIUM BEATISSIMAE VIRGINIS
Mariae, Rosarijs siue Quinquagenis tribus partitum,
Quinquagena primæ Decas, I.

1. *Canita creat.* Pater noster, &c. Ave Maria, &c. Iesus Christus, sine Amen.
Vinos & propter nos crea-
uit omnis: dulcis Iesu (aut
pijsime Iesu) vtinam tui à
corde meo nunquam recedat me-
moriam, Amen.
2. *Vindex,* Ave Maria, &c. Iesus Christus. Qui
de Cælo eiecit Angelos propter
superbiam: Dulcis Iesu fac vt
semper hac peste caream, Amen.
3. *Statuit.* Ave Maria &c. Iesus, Christus. Qui
te sibi in matrem elegit dignissi-
mam: Vtinam te matrè miseri-
cordiæ nunquã nõ sentiã, Amẽ.
4. *Signata.* Ave Maria, &c. Iesus Christus. Qui
te Mundo præsignauit figuris &
oraculis: fac dulcis Iesu, in hac
vita à cunctis emunder delictõ-
rum maculis, Amen.
5. *Prophetis.* Ave Maria, &c. Iesus Christus. Qui
sanctissimis parentibus tuis te
prænuñtiauic nascituram: Dul-
cis Iesu vtinam hanc felicissi-
mam in hora mortis consola-
tricem habeam, Amen.
6. *Concipitur.* Ave Maria, &c. Iesus Christus. Cuius
mandato te Anna concepit
sterilis. Dulcis Iesu, vtinam te
concipiat anima mea cæca, adul-
tera & instabilis, Amen.
7. *Sine V. e.* Ave Maria, &c. Iesus Christus. Qui
te ab omni præseruauit vitio &
macula: Dulcis Iesu, cor meũ ab
omni delicto & vitio purifica,
Amen.
8. *Completur.* Ave Maria, &c. Iesus Christus. Qui
donis cunctisq; gratijs te imple-
uit & felicissima: Dulcis Iesu, v-
tinam tua iugis me regat ac pos-
sideat gratia, Amen.
- Aue maria, &c. Iesus Christus. Qui
tua natiuitate mundo exhibuit
gaudium: Dulcis Iesu, in te tran-
seat & absorbeat cor meum
& desiderium, Amen.
- Aue maria, &c. Iesus Christus. Qui
mira te venustauit pulchritudi-
ne: Dulcis Iesu, vtinã huius vir-
ginis capiar amore: vtinã huius
nunquam satier veneratione,
Amen.
9. *Nata.*
10. *Venusta.*
- Decas II.
- Pater noster, &c. Ave Maria, &c. Ie-
sus Christus.
1. *In templum.* **C**Vi te corde deuotissimo obru-
listi in templum: Dulcis Iesu,
fac me tibi purè resignem semper
in tuum beneplacitum Amen.
2. *Dulcis.* Ave Maria, &c. Iesus Christus. Qui
te moribus dulcem fecit & cun-
ctis amabilẽ: Fac me dulcis Iesu
pium, mitem & omnibus affabi-
lem, Amen.
3. *Fulgens.* Ave Maria, &c. Iesus Christus. Cui
placuit in te, sanctitatis & om-
nium virtutũ perfectio: Heul: su-
bone quantum sordet in oculis
tuis mea iniquitas & vitiorum
corruptio.
4. *Vouet.* Ave Maria, &c. Iesus Christus. Cui
cœlibem inchoans vitam prima
vouisti virginitatem: Dulcis Ie-
su, peccatis meis da veniam, &
dans confirma in me purissimã
perpetuamq; charitatem, Amen.
5. *Nona sponsa.* Ave Maria, &c. Iesus Christus. Qui
te sancto Ioseph desponsauit
virgini: Dulcis Iesu, vtinã amore
tibi vnar inextinguibili, Amen
- c 3 Aue

6. *Orat.* Aue Maria, &c. Iesus Christus. Pro cuius incarnatione tua ad Deum frequentabatur oratio: Dulcis Iesu utinam in te tota mea semper trahatur affectio, Amen.
7. *Aue.* Aue Maria, &c. Iesus Christus. Qui te gloriose salutauit per Angelum. Dulcis Iesu, utinam matris tuae deuotissimum me facias filium, Amē
8. *Turbatur.* Aue Maria, &c. Iesus Christus. Cuius tu nuntium audiens pro uirginitate facta es sollicita: Utinam dulcis Iesu, casta, deuotam tibi semper continuē obsequia, Amē
9. *Concipis.* Aue Maria, &c. Iesus Christus. Qui Deus fieri homo dignatus est in tuo castissimo utero: Utinam pie Iesu indefinenter habites in cordis mei intimo, Amen.
10. *Et pia gestat.* Aue Maria, &c. Iesus Christus. Quē laxa gestabas nouē menses in utero: Utinam dulcis Iesu te in corde meo habeā perpetuo, Amen.
- Decas III.
1. *Ad montana.* *Pater noster, &c. Aue Maria, &c. Iesus Christus.*
Quo impregnata ad Elizabeth properasti in montana: Utinam pie Iesu celestia sitiens fastidia cuncta mundana, Amen.
2. *Paues.* Aue Maria, &c. Iesus Christus. Qui Ioseph trepidantem informauit coelitus: Dulcis Iesu fac me simplicem & liberum à malis suspicionibus, Amen.
3. *Peregrina.* Aue Maria, &c. Iesus Christus. Quē in utero habens in Bethleē carebas hospitio: Dulcis Iesu fac me pauperem spiritu ut humano libenter careā solatio, Amen
4. *Pauis.* Aue Maria, &c. Iesus Christus. Quē uirgo paris absq; dolore puerpera: dulcis Iesu, utinam tibi renascar indies in maiori gratia, Amē
5. *Latriam dat.* Aue Maria, &c. Iesus Christus. Quē adorabas natur. mente deuotissima: Utinam dulcis Iesu, tui nominis omnibus in sit amor deuotuerentia, Amen.
6. *Laetatur.* Aue Maria, &c. Iesus Christus. Quē uirgineis lactasti uerberibus: Dulcis Iesu, fer opera & consolationem afflictis omnibus, Amen.
7. *Condoluit.* Aue Maria, &c. Iesus Christus. Cuius afflictioni condoles in tenera infantia: Iesu bone fac ut carnis non queam comoda, Amen.
8. *Congaudent.* Aue Maria, &c. Iesus Christus. Quē laudant Angeli pastoribus aduenientibus: Dulcis Iesu, utinam deuotē & strenuē tuis semper insistam laudibus, Amen.
9. *Integrat.* Aue Maria, &c. Iesus Christus. Quo nato sponso cohabitas uirgo perpetua: Dulcis Iesu per te mihi detur castitas, mansuetudo & temperantia, Amen.
10. *Scindunt.* Aue Maria, &c. Iesus Christus. Qui circumcisis fudit sanguinem: Hunc tibi pie Iesu offero in totius mundi expiationem, Amen.
- Decas IV.
1. *Tres veniunt.* *Pater noster, &c. Aue Maria, &c. Iesus Christus.*
Quem Magi adorantes, tria obtulerunt munera. Utinam tibi pie Iesu perfectē deuotēq; exsoluam mea debita, Amen.
2. *Sistunt.* Aue Maria, &c. Iesus Christus. Quē uirgo candidissima intulisti in templum: Dulcis Iesu fac nos tuę ac matris imitari humilitatis exemplum, Amen.
3. *Fugiunt.* Aue Maria, &c. Iesus Christus. Quē in Aegyptum ferens, Herodis fugisti persequitionē: Dulcis Iesu, utinam fugiam, execrerę omnē mundanā consolationē, Amē
4. *Exul.* Aue Maria, &c. Iesus Christus. Cū quo septenne tolerasti exilium: Dulcis Iesu, afflictorū omnium tu consolare gemitum, Amen.
5. *Pia nutria.* Aue Maria, &c. Iesus Christus. Quē materna cura & manuum nutria
 fili-

Si laboribus: Vtinam dulcis Iesu à te regar & pascar tapquam adoptionis filius, Amen.

6. *Mine redit.*

Aue maria, &c. Iesus Christus. Quē ex Aegypto redixisti ad patriam Dulcis Iesu, vtinam contempto mundo te solam sitiam, Amen.

7. *Ad festum.*

Aue maria, &c. Iesus Christus. Qui tecum iuit ad templi festiuitatē. Dulcis Iesu, fac me continuis anhelare suspirijs ad æternam vitæ foelicitatem, Amen.

8. *Quærit.*

Aue maria, &c. Iesus Christus. Qui amissum tristis quærebas triduo: Dulcis Iesu, da vt nunquam te amittam sed totus tibi inhæream perpetuo, Amen.

9. *Patensque.*

Aue maria, &c. Iesus Christus. Qui de templo rediens tibi mansit subditus: Dulcis Iesu, vtinam tibi & tui amore cunctis obediam mortalibus, Amen.

10. *Intebat.*

Aue maria, &c. Iesus Christus. Qui tibi cōmorans, ad annū vsq; latebat tricesimū: Dulcis Iesu, nil me obletēt quæso, nihil afficiat tēporale aut mundanū, Amen.

Decas V.

1. *Iordanis.*

Pater noster, &c. Aue Maria, &c. Iesus Christus.

Qui baptizatus est in Iordanis flumine: Dulcis Iesu, à cunctis vitijs & negligentijs purifica me in tuo sanguine, Amen.

2. *Tentat.*

Aue Maria, &c. Iesus Christus. Qui tentari se passus est post abstinentiam: Vtinam pie Iesu, nulla tentatione succumbam, nulli peccato consentiam, Amen.

3. *Vocat bos.*

Aue Maria &c. Iesus Christus. Qui discipulos vocans instituit prædicationi: Dulcissime Iesu, fac me feruenter deuotum, quo respondeam tuæ vocationi, Amen.

4. *Incommoda.*

Aue Maria, &c. Iesus Christus. Qui famē, sitim tulit & frigora: Vtinā tui amore pijsime Iesu cūcta seram incommoda, Amen.

Aue Maria, &c. Iesus Christus. Qui fatigatus est labore & itinere: Da mihi Iesu dulcissime, inuictum animum, qui nullo deficiat grauamine, Amen.

5. *Fessum.*

Aue maria, &c. Iesus Christus. Qui signa faciens, infirmis contulit sanitatem: Dulcissime Iesu, mētis meæ, vniuersæq; Ecclesiæ re-forma deformitatem, Amen.

6. *Mira facit.*

Aue maria, &c. Iesus Christus. Cuius prædicationes euāgelicas audiebas affectuosissime: Amabilissime Iesu, vtinam eisdem obtemperem deuotissime, Amen.

7. *Docuit.*

Aue maria, &c. Iesus Christus. Qui peccatores vocans recepit, & cōuertit misericorditer: Pie Iesu, fac tractum tuū sequamur omnes perfectè & hilariter, Amen.

8. *Pim est.*

Aue maria, &c. Iesus Christus. Qui à Scribis multas sustinuit iniurias: Vtinam laudes & honores execrans, patientissime feram contumelias, Amen.

9. *Iniuria.*

Aue maria, &c. Iesus Christus. Qui sedens super asinam, vrbis fleuit excidium: Dulcissime Iesu, fac vt cor meū medullitus vulnerent peccata, tuumq; opprobrium, Amen.

10. *Palmis.*

Rosarij, sive Quinquagena II. Decas I.

Pater noster, &c. Aue Maria, &c. Iesus Christus.

1. *Venditur.*

Quem Iudas triginta vendidit argenteis. Heu bone Iesu, quam sæpè te viliozem habui, rebus vilissimis, Amen.

Aue maria, &c. Iesus Christus. Qui ad passionem iturus, te matrem reliquit tristissimam: Ah vtinā dulcissime Iesu, relictis omnibus, te solum sitiam, tibi soli inhæream, Amen.

2. *Abscedit.*

Aue maria, &c. Iesus Christus. Qui Pascha obseruans, legi se subdidit: Vtinam pie Iesu tua suppleat

3. *Canat.*

4. obe-

- obedientia, quicquid mea superbia neglexit, Amen.
4. *Laudat.* Ave maria, &c. Iesus Christus. Qui pedes lauit discipulorum: Vtinam dulcissime Iesu, in tuo sanguine lauer ab omni forde peccatorum, Amen.
5. *Instituen- dat.* Ave maria, &c. Iesus Christus. Qui sacramentum instituens, seipsum nobis tradidit mira clementia: Dulcissime Iesu, da nobis hoc sacramentum amare, illudque sumendo frequentare cum timore & reuerentia, Amen.
6. *Pradicas.* Ave maria, &c. Iesus Christus. Qui discipulos dulci consolabatur sermone: Vtinam in nulla consolationem recipiam, praterquam in tui dilectione, Amē.
7. *Exiuit.* Ave maria, &c. Iesus Christus. Qui vltro se obtulit, exiens ad passionem: Vtinam perfectam ad omnia mihi infundas animi resignationem, Amen.
8. *Tristatur.* Ave maria, &c. Iesus Christus. Qui tristis vsque ad mortem cepit pauere: Fac me pie Iesu pro nulla re, nisi pro dilecto dolore, Amē.
9. *Et orat.* Ave maria, &c. Iesus Christus. Qui ter orans in Patris se resignavit voluntatem: Infunde mihi queso dulcissime Iesu, qua me tibi medullitus relinquam, perfectissimam charitatem, Amen.
10. *Ad illos.* Ave maria, &c. Iesus Christus. Qui ab oratione surgens, curam habuit discipulorum. Dulcissime Iesu, fac ut ex charitate mihi necessitates preferam proximorum, Amen.
- Decas II.
1. *Angelus.* Pater noster, &c. Ave Maria, &c. Iesus Christus.
- Qui in agone constitutus ab Angelo dignatus est confortari: confortata me dulcis Iesu, ut nulla valeam tentatione superari, Amen
- Ave maria, &c. Iesus Christus. Qui prae angustia sudorem emittit sanguineum: Vtinam ex singulis membris tibi pie Iesu amoris & laudis offeram holocaustum, Amen.
- Ave maria, &c. Iesus Christus. Qui ad patiendum hostibus se vltro dedit obuium: Da mihi dulcissime Iesu animum tibi ad omnia paratum, Amen.
- Ave maria, &c. Iesus Christus. Qui suae traditori dedit osculum. Dulcissime Iesu, fac ut inimicis & quibusuis hominibus, perfectae charitatis impendā officium, Amē.
- Ave maria, &c. Iesus Christus. Qui malchi sanauit auriculam: Pie Iesu fac me charitate & miseratione plenum, ut pro malis bona semper retribuam, Amen.
- Ave maria, &c. Iesus Christus. Cui manus iniecerunt sacrilegas: Vtinam æquanimiter omnes sustineam pie Iesu, iniurias, Amen.
- Ave maria, &c. Iesus Christus. Quē veluti impotentem ligauerunt vinculis. Christe Iesu, inseparabiliter queso alliga me tibi ardentissimis funibus charitatis, Amen.
- Ave maria, &c. Iesus Christus. Quē fugientes, relinquere discipuli: Vtinam Deus meus, omnes cogitationes & affectiones meas tibi vnias amore inseparabili, Amen.
- Ave maria, &c. Iesus Christus. Quē ad Annam duxit cohors militum: Dulcissime Iesu, quicquid mihi pro te agendum patientiamve fuerit, ad hoc meum flagret desiderium, Amen.
- Ave maria, &c. Iesus Christus. Qui à seruo tulicai apam: Pie Iesu, fac ut libenter omnem sustineam injuriam, Amen.

Et iudae.

Redit obuium

Oscula.

Sanas.

Captum.

Fune ligam.

Fugium.

Annas.

Alapam fert

Decas

Decas III.

1. *Ter negat* Pater noster, &c. Aue Maria, &c. Iesus Christus.

QVē Petrus negās fleuit amare: Quicquid te dulcis Iesu offendit, fac me execrando deuitare, Amen.

2. *Ad Caiphā* Aue Maria, &c. Iesus Christus. Qui vincit ducitur ad Caiphā: Trahe me post te pie Iesu, ne vnquā à te recedā, Amen.

3. *Tētes* Aue Maria, &c. Iesus Christus. Qui tacuit falsis accusatus testibus: Fac pie Iesu, vt patiens taceam quibuscunque iniurijs grauatus, Amen.

4. *Blasphēmia* Aue Maria, &c. Iesus Christus. Cui iniūq; imposuerunt blasphemiam: Vtinam dulcis Iesu cogitem semper & reuerrear tuam præsentiam, Amen.

5. *Damnant* Aue Maria, &c. Iesus Christus. Qui mortis pertulit damnationem. Hāc pie Iesu ego tibi, & tu Patri offer in peccatorū nostrorum purgationē, Amen.

6. *Casus* Aue Maria, &c. Iesus Christus. Qui propter me colaphis casus est & alapis: Vtinam dignum me sentiam cupiamq; affici opprobrijs & iniurijs, Amen.

7. *Cōspuitur* Aue Maria, &c. Iesus Christus. Qui propter nos dignatus est conspui & scedari: non patiaris me pijsime Iesu, cogitatione praua aut turpi coinquinari, Amen.

8. *Velant* Aue Maria, &c. Iesus Christus. Qui illudatur facie velatus: Videam Iesu bone, meam turpitudinem meosq; omnes fleam reatus, Amen.

9. *Fert multa* Aue Maria, &c. Iesus Christus. Qui alia multa tulit opprobria: Dulcis Iesu, accendatur in corde meo feruentissima pro te patiendi desideria, Amen.

10. *Pilato* Aue Maria, &c. Iesus Christus. Qui vincit adductus est iudici: Vtinā pie Iesu gaudeam accusari & despici, Amen.

Decas IV.

1. *Accusant* Pater noster, &c. Aue Maria, &c. Iesus Christus.

QVī passus est iniuste se accusari: Vtinam bone Iesu ab omni detractio-

merear mundus præseruari, Amen.

2. *Regi* Aue Maria, &c. Iesus Christus. Qui Herodi adductus & accusatus noluit respondere. Per hoc silentium tuum pie Iesu obsecro, ab omni otioso verbo me facias abstinere, Amen.

3. *Sperant* Aue Maria, &c. Iesus Christus. Qui ab Herode vt fatuus est spreus: Vtinam pie Iesu mei contemptum semper sustineam lætius, Amen.

4. *Redit* Aue Maria, &c. Iesus Christus. Qui in alba reducitur veste factus opprobriū: Vtinam dulcis Iesu mundana omnia sint mihi crux & fastidium, Amen.

5. *Alter ab* Aue Maria, &c. Iesus Christus. Cui preulerunt Barrabā: Dulcissime Iesu, fac te illo super omnia diligens, omnibus præferam, Amen.

6. *Nudatum* Aue Maria, &c. Iesus Christus. Quē nudauerunt vestibus: Da mihi dulcissime Iesu verā paupertatē spiritus, Amen.

7. *Stringunt* Aue Maria, &c. Iesus Christus. Qui dire ligatus est ad columnam: Vtinam pie Iesu amore inextinguibili, tibi colligatus semper maneam, Amen.

8. *Cadunt* Aue Maria, &c. Iesus Christus. Qui crudelissime se permisit flagellari: Vtinam dulcis Iesu, in hac vita totus à peccatis & vitijs omnibus merear misericorditer purgari, Amen.

9. *Spinis que* Aue Maria, &c. Iesus Christus. Qui coronam portauit spineam: Vtinam tuæ passionis indelebilem pie Iesu mihi imprimas memoriam, Amen.

10. *Cachinant* Aue Maria, &c. Iesus Christus. Qui illusus caditur arandine. Fac pie Iesu, vt pœnitissimè me abnegans, cuncta aduersa à te recipiam cum gratitudine, Amen.

Decas V.

Pater noster, &c. Aue Maria, &c. Iesus Christus.

QVī ostentatur ad ignominiam: Iesu bone, nihil fac agam per ostentationem, aut inanem gloriam, Amen.

V

Aue

2. *Dicitur.* Aue maria, &c. Iesus Christus. Qui damnatur stans ante Iudicem: Dulcis Iesu fac me totum innocentem, mundum ac simplicem, Amen.
3. *Amicum.* Aue maria, &c. Iesus Christus. Qui reinduitur suis vestibus: Vtinam pie Iesu, tuis vestiri mereamur meritis & virtutibus, Amen.
4. *Sub cruce.* Aue maria, &c. Iesus Christus. Qui egressus est urbem crucem suam baiulando: Sequar te quocunque ieris pie Iesu, me perfectissime abnegando, Amen.
5. *Flebant.* Aue maria, &c. Iesus Christus. Quae fleuit sequentium mulierum devotio: Vtinam dulcis Iesu, duritiam meam liquefaciat amorosa tuae matris compassio, Amen.
6. *Associant.* Aue maria, &c. Iesus Christus. Cui sociaverunt latrones ad ignominiam: Vtinam praeter te pie Iesu, nemini placere appetam, nec displicere timeam, Amen.
7. *Simon.* Aue maria, &c. Iesus Christus. Qui a Simone post se voluit crucem portari: Vtinam pie Iesu, imitando atque compatiendo totus tibi & matri tuae merear conformari, Amen.
8. *Vinum.* Aue maria, &c. Iesus Christus. Qui mirrathum vinum dignatus est gustare. Fac me piissime Iesu, omnes delectationes sensuales concupiscentiarumque vitiorum perfecte mortificare, Amen.
9. *Nudant.* Aue maria, &c. Iesus Christus. Quem ad crucem nudantes deridet: Vtinam ab omnibus nudus inveniatur, quae pie Iesu tibi displicent, Amen.
10. *Renouantur.* Aue maria, &c. Iesus Christus. Cui dolores renouantur & vulnera: Vtinam dulcis Iesu in me renouentur in dies contritionis atque amoris Divini suspiria, Amen.
- Rosary seu Quinquagena tertia, Decas I.*
Pater noster, &c. Aue Maria, &c.
Iesus Christus.
- C**uius corpus extensus membris dissipatur: Heu quantum mens mea in diuersa distrahitur: Vtinam tibi & Iesu uniat, Amen.
- Aue maria, &c. Iesus Christus. Qui clavis dignatus est crucifigi: Vtinam piissime Iesu, clavis amoris inseparabiliter tibi merear affigi, Amen.
- Aue maria, &c. Iesus Christus. Qui oravit pro suis crucifixioribus: Fac pie Iesu ut affectum & beneficia charitatis impendam inimicis & persecutoribus, Amen.
- Aue maria, &c. Iesus Christus. Cui triumphalis inscriptus est titulus: Ille bone Iesu nos saluet a malis & inimicis omnibus.
- Aue maria, &c. Iesus Christus. Qui cum derisione & penis magnis in cruce eleuatur: Vtinam aded in te rapiatur, absorbeat, uniatque tibi mens mea, dulcis Iesu, ut terrenorum omnium obliuiscatur, Amen.
- Aue maria, &c. Iesus Christus. Qui tribus horis pendens & clavis ponderis cruciatum toleravit ineffabilem: Vtinam pie Iesu, quaecunque dura, hilariter suscipiam, & patientissime ac gratias agendo tolerem, Amen.
- Aue maria, &c. Iesus Christus. Ex cuius vulneribus sanguinis manavit copia: Praestet hic dulcis Iesu afflictis & defunctis omnibus pia refrigeria, Amen.
- Aue maria, &c. Iesus Christus. Cuius vestes diuiserunt milites: Pie Iesu, ab Ecclesia tua aufer scismata, errores & cunctas haereses, Amen.
- Aue maria, &c. Iesus Christus. Cui exprobratum est a praetereuntibus: Dulcissime Iesu, da mihi ut ex toto corde compatiar miseris omnibus, Amen.
- Aue maria, &c. Iesus Christus. Qui latroni promisit paradysum: Dulcis Iesu, fac ut hanc percipiam absque dilatione post hoc exilium, Amen.
- Decas II.
- Pater noster, &c. Aue Maria, &c. Iesus Christus.*

Decas III.

Pater noster, &c. Ave Maria, &c. Iesu Terratremi. Christi.

- C**Vi in singulis membris patienti exaggeratur poena multiformiter: Pie Iesu fac ut omne tempus, omnesque vires in tui laudem expendam fideliter, Amen.
- 2. Condoluit** Ave Maria, &c. Iesus Christus. Cui tu pia mater & ipse tibi condoluit lachrymabiliter: Vtinam ex cordis mei medullis, vobis copatiar inconfolabiliter, Amen.
- 3. Mulier.** Ave Maria, &c. Iesus Christus. Qui te virgini commendavit discipulo: Quæso es misericordissima, teneat possideatque à te semper pro filio, Amen.
- 4. Tenebrasque.** Ave Maria, &c. Iesus Christus. Ante cuius mortem est sol obscuratus: Da pijsissime Iesu, ut animus sit mihi misericordissimus ad omnium consolationem paratus, Amen.
- 5. Relictum.** Ave Maria, &c. Iesus Christus. Qui flebiliter à Patre se clamabat derelictum: Da mihi pie Iesu, animum in omni tentatione & pressura fortem atque invictum, Amen.
- 6. Est sitiens.** Ave Maria, &c. Iesus Christus. Qui sitim toleravit vehementissimam: Vtinam Deus meus, honorem tuum ac animarum salutem vehementer sitiã, Amen.
- 7. Gaudat.** Ave Maria, &c. Iesus Christus. Qui acetum gustavit felle mixtum: Fac dulcissime Iesu, ut corporis consolatione utar duntaxat ad necessitatem, nõ ad desiderium, Amen.
- 8. Complet.** Ave Maria, &c. Iesus Christus. Qui consummata dixit omnia: Dulcissime Iesu, fac ut in te dirigam & perficiam omnes intentiones meas & studia, Amen.
- 9. Moritur.** Ave Maria, &c. Iesus Christus. Qui clamans moritur in tormentis: Misericordissime Iesu fac perfecte me mori mundo, vitijs & omnibus concupiscentijs, Amen.
- 10. Semper vit.** Ave Maria, &c. Iesus Christus. Post cuius mortem poenitentes tundeant pectora: Detur õ pijsissime Deus cunctis peccatoribus & poenitentia & misericordia, Amen.

- A**D cuius mortem contremuit mundus: Pie Iesu, utinam pro peccatis meis, & pro tua passione sit mihi continuus gemitus, Amen.
- 2. Milisque.** Ave Maria, &c. Iesus Christus. Cuius latus & cor aperuit lancea: Hic quæso ducissime Iesu, inhabitet cor meum & anima, Amen.
- 3. Resoluitum.** Ave Maria, &c. Iesus Christus. Qui de Cruce depositus est vespere. Fac me usque ad mortem dulcissime Iesu, in cruce & in omni beneplacito tuo semper manere, Amen.
- 4. Sindone.** Ave Maria, &c. Iesus Christus. Qui aromate conditus, inuoluitur sindone: Dulcis Iesu exornet me gratia tua perfectissima castitate, Amen.
- 5. Planctum.** Ave Maria, &c. Iesus Christus. Qui multorum est lachrymis planctus: Dulcis Iesu, fac ut & iuges pro peccatis meis fundam lachrymas, & amor tui in me ferueat perseveretque immaculatus & sanctus, Amen.
- 6. In tumulo.** Ave Maria, &c. Iesus Christus. Qui alieno sepultus est tumulo: Vtinam pie Iesu cor meum ita in te sepelias, ut nihil sciat de hoc seculo, Amen.
- 7. Redentem.** Ave Maria, &c. Iesus Christus. A cuius tumulo regressa es cum tristitia: Vtinam à te õ mater clementissima, nunquam recedã, sed ad tuos semper pedes maneam in tua gratia, Amen.
- 8. Ad Iymbum.** Ave Maria, &c. Iesus Christus. Qui ad patres descendit in limbum: Vtinam bone Iesu, passio tua defunctis omnibus præstet refrigerium, Amen.
- 9. Gaudia.** Ave Maria, &c. Iesus Christus. Ad cuius præsentiam patres obtinuerunt gaudia: Consoletur pie Iesu, defunctos omnes, tua misericordia, Amen.
- 10. Secum.** Ave Maria, &c. Iesus Christus. Qui electos omnes secum duxit in Paradisum. Vtinam pie Iesu passio & mors tua

defunctis omnibus plenum sit solatium, Amen.

Decas IV.

Pater noster, &c. Ave Maria, &c. Iesus Christus.

1. Surrexit.

Qui à morte resurrexit cum maiestate: Vtinam tibi soli Iesu bone place-re cupiam in perfectissima humili-tate, Amen.

2. Matri.

Aue maria, &c. Iesus Christus. Qui te pri-mam visitans impleuit consolatione: Vtinam anima mea dulcis Iesu, castis-sima tibi semper placeat deuotione, Amen.

3. Apparet.

Aue maria, &c. Iesus Christus. Qui appa-rens mœstos confortauit discipulos: Pie Iesu, conforta omnes in tristitia constitutos, Amen.

4. Rescens.

Aue maria, &c. Iesus Christus. Qui con-uescebatur discipulis ad eorundem roboratione: Fac tibi pie Iesu, in cor-de meo iugem delectationem, Amen.

5. Et in altis.

Aue maria, &c. Iesus Christus. Qui in cœ-los ascendit gloriose: Dulcis Iesu, trahere cor meum post te, vt tibi inhæreat inse-parabiliter & amorose, Amen.

6. Mittens.

Aue Maria, &c. Iesus Christus. Qui misit Spiritum sanctum credentibus: Dulcis Iesu, infunde huc nobis cum gratijs, do-nis & fructibus suis omnibus, Amen.

7. Conuer-tens.

Aue Maria &c. Iesus Christus. Qui disci-pulos prædicare misit in omnem ter-ram: Dulcis Iesu, da mihi vt tuum ho-norem & beneplacitum pure super om-nia queram, Amen.

8. Martyr.

Aue Maria, &c. Iesus Christus. Pro quo martyres passi sunt magna constantia, Diligam te Deus meus, vt neque tristitia me à te auellant, neque suauia, Amen.

9. Virgoque.

Aue Maria, &c. Iesus Christus. Cuius a-more homines innumeri obseruarunt castitatē: Dulcis Iesu, da mihi castis-simam cordis & corporis puritatē, Amen.

10. Superstet.

Aue maria, &c. Iesus Christus. Qui te re-linquit superstitem ad Ecclesie vtilita-tem: Dulcis Iesu, infunde mihi perfe-

ctissimam mansuetudinem, patien-tiam, & longanimitatem, Amen.

Decas V.

Pater noster, &c. Ave Maria, &c. Iesus Christus.

1. Migrante

Qui te ad cœlestia vocauit per suauem dormitionē Iesu pijsime, astet mi-hi in hora mortis matris & tuū præsi-dium contra omnem tentationē, Amen.

Aue maria, &c. Iesus Christus. Qui te as-sumptam glorificauit in corpore & a-nima: Ah pie Iesu, vtinam confirmes me in tua gratia, Amen.

2. Assumpti

Aue maria, &c. Iesus Christus. Qui te ex-altauit super cœlos & super omnem potestatem: Da mihi dulcissime Iesu, profundissimam subiectionem & hu-militatem, Amen.

3. Suprema-que.

Aue maria, &c. Iesus Christus. Qui te pro-ximam fecit sanctissimæ Trinitati: Dulcissime Iesu, fac me conformē in omnibus tuæ sanctissimæ voluntati, Amen.

4. Proxima

Aue maria, &c. Iesus Christus. Qui cœlū & terrā illuminat tua gloria: Illumina me quæso pie Iesu, ad cognoscenda & detestanda mea vitia & peccata, Amē.

5. Fulget.

Aue maria, &c. Iesus Christus. Qui te cœ-lorum Imperatricem fecit, cui omnes obediant: Fac o pijsime Iesu, omnes vires meæ modo tibi gratissimo ser-uiant, Amen.

6. Imperat.

Aue maria, &c. Iesus Christus. Qui tibi seruientibus retribuit desiderata: Hoc vnum rogo sanctissima, vt tu tota sis mea, tota post Deum sis vnice & castissime amata, Amen.

7. Exorat.

Aue Maria, &c. Iesus Christus. Cui aded cōiuncta es, vt tota tibi cōsentiat Tri-nitas: Vtinam pie Iesu, cor meum tibi cō-sentiat, aded te diligat, vt mihi tecum sit vnum cor & vna voluntas, Amen.

8. Concors.

Aue Maria, &c. Iesus Christus. Qui tua gaudia non minui, sed facit crescere: Dulcis Iesu, in tui & matris amore fac me indies proficere, & nunquam desi-cere, Amen.

9. Crescant.

Aue

Aue Maria, &c. Iesus Christus. Qui mundi Iudex est venturus: Dulcis Iesu, *utinam*
in tuis hic meritis exparger, ad gaudia in morte liber iturus, *Amen.* 10.
Veniet q.

Oratio in fine, aut quoties ab orando Aue Maria cessas, dicenda.

VT tuam Domine misericordiam cōsequamur, fac nos per intercessionem bea-
tissimæ virginis Mariæ, matris tuæ, beatæ Barbaræ, beatæ Mariæ Magdalene,
N.N. & omnium Sanctorum tuorum, toto corde tibi esse deuotos, humiles, castos,
mites, pios, misericordes, benignos. Et vt vitæ nostræ felix sit terminus, securusq;
animæ ac beatus exitus, fac vt tu sis dulcis Iesu modò nobis omnia in omnibus. Qui
cum Patre & Spiritu sancto benediceris Deus ab omnibus gloriosus, *Amen.*

*Rosarium mysticum ad beatissimam virginem Mariam ex quinquaginta articulis vitæ
ac passionis Christi cum suis orationibus confectum, & per duo cum dimidio Alphabetum con-
cinnatum. Primum autem alphabetum, hoc est, due priores Rosarij decades, complectuntur
viginti precipua gaudia, que habuit beatissima Virgo Maria ex filij incarnatione, natiuitate,
pueritia & conuersatione. Alphabetum secundum habet dolores & compassionem quas ex
eiusdem filij concepit amarissima passione. Decas quinta eiusdem Rosarij comprehendit gau-
dia eiusdem Virginis, que habuit ex filij resurrectione, ascensione, Spiritus sancti missione,
& sui glorificatione. Porro, ante quamuis dominicam orationem, hoc est, ante quamlibet de-
cadem præmittenda erit precatio ad vulnera Christi, quomodo in sequentibus dispositum &
ordinatum est.*

ALPHABETVM PRIMVM ROSARII MYSTICI AD
beatissimam Virginem Mariam, summatim insinuans ea quæ Christus Salua-
tor nollet pro nostra salute assumpsit ac fecit, præcipuè in sua infan-
tia, pueritia, adolescentia, vsque ad passionem suam.

Ad vulnus sinistri pedis, Precatio.

Dulcissime Domine Iesu Christe in hoc vulnere quæso ignoscas mihi quie-
quid sensuum meorum incontinentia ac abusu in te deliqui, & concludas
omnes sensus meos intra te, vt velut mortuus mundo nihil videam, nihil
audiam, nihil sentiam, nisi te Deum pro me crucifixum, *Amen.*

Decas I. Pater noster.

Amabilissima virgo Maria ab æterno electa, gaude quia præ omnibus mulieri-
bus digna inuenta es, quam per Angelum Deus salutaret, & in castissimo vte-
ro tuo factus homo, nouè mensibus habitaret. Libera quæso & defende me ab om-
ni peccato, vt cor meum iugè sit hospitium Dei filio. *Aue Maria.*

Beatissima virgo Maria dignior cunctis, sanctior vniuersis, gaude, quæ te ipsam
quasi nesciens, humiliter ad cognatam properasti: vbi ad vocem tuam Ioannes ad-
huc in vtero Deo plenus exultat, & mater Elizabeth prophetat. Impetra quæso
mihi profundissimam humilitatem & in Dei seruitio strenuitatem & deuotissi-
mam alacritatem. *Aue Maria.*

Castissima virgo Maria sine viro sæcunda & absque dolore puerpera, gaude,
quia Deum intacta genuisti & post partum virgo inuiolata permanisti. *Utinam*
in filium tuum è pijsima mater me adoptes, & vt tuas imitari virtutes merear,
mihi à Deo impetres. *Aue Maria.*

Dignissima & nobilissima foeminarum virgo Maria, Christi mater & ancilla,
gaude, quia qui te creauit, ex te natus vbera tua suxit: & dum in præsepio ponitur
ab Angelis collaudatur. Fac vt in Dei cultu nunquam te peccam, & te amans à tua
laude nunquam deficiam, *Aue Maria.*

Excellentissimæ sanctitatis Dei templum mater virgo Maria, gaude, quia filius tuus pijsimus quibusq; reuelatur, & à pastoribus visitatur. Impetra mihi, vt ab amabili hoc infantulo merear perfectè illuminari, eius amore accendi, eius inhabitatione gubernari & à vobis nunquam separari, *Aue Maria.*

Fœlicitissima & omni gratia plena virgo Maria, gaude, quia infantulem circumcidi, sanguine tingi, Iesum nominari, & mundi redemptionem ab eodem vidisti inchoari. Fac ò pia mater, vt quicquid in me est vitiosum, eius gratia abscondat, & suauissimum nomen suum Iesus igneis amoris litteris cordi meo inscribat. *Aue Maria.*

Gratiosissima virgo Maria amabilis & venusta, gaude, quia filium tuum tres reges adorauerunt, & muneribus mysticis honorauerunt. Dulcissima mater, quod offeram ego non habeo, sed vt cum filio, te ipsam mihi tribuas, per viscera misericordiae tuae te obsecro, quia præter vos nil aliud desidero, *Aue Maria.*

Honestissima simulq; præstantissima, tota pulchra & immaculata virgo Maria, gaude, quia purificationis ritum suscipisti, & patri filium offerens, deuoti Simeonis Maria hunc intulisti manibus. O vtinam hunc profundissima humilitate, castissimamq; deuotione suscipiam, & charitate feruentissima perpetuaq; possideam, *Aue Maria.*

Inclita & gratijs omnibus ornata sancta Maria virgo, gaude, quia persequutionem fugiens, exilium septenne tollerasti. Da mihi quæso mundum, & omnia quæ in mundo sunt pro Dei & tui amore despiciere, carnem mortificare, aduersa desideranter amplecti & æquanimitè tollerare, *Aue Maria.*

Karitate flagrans pudicitiaq; vernans virgo Maria, gaude, quia filius tuus tri-duo amissus, & in templo inuentus à te reducebatur, tibiq; obediens subdebatur. Fac ò dulcissima mater, vt Christum feruentissimo amore indies quæram, indies inueniam, & nunquam amittere valeam, *Aue Maria.*

Ad vultus dextri pedis, Precatio.

Dulcissime Domine Iesu Christe, in hoc vulnere peto ignoscas mihi quidquid cogitatione aut affectione praua contra te deliqui, & suppleas tuis meritis quidquid boni cogitare aut amare debui, & neglexi: & facias vt post hac te solum cogitem, te solum desiderem, nihil mihi placeat, nihil me afficiat nisi tu Domine Deus meus.

Decas II. Pater noster.

Laudabilis & omni honore dignissima virgo Maria, gaude, quia Dei filius triginta annis mundo incognitus, tuis & pijsimè Ioseph laboribus est educatus. Impetra mihi, vt semper nesciri & contemni gaudeam, vniuersisq; laboribus pro Dei gloria me feruentissima alacritate exponam, *Aue Maria.*

Manuetissima virgo Maria, gaude, quia filius tuus in Iordane baptizatus regenerationis nobis lauacrum instituit. Vtinam penitentiae lachrymis & filij tui, sanguine merear omni momento baptizari, & post mortem immediatè per te eadem immaculatus ad gaudia præsentari, *Aue Maria.*

Nardus odorifera, languentiumq; omnium medicina Sancta Maria, gaude, quia filius tuus in deserto abstinens ieiunauit, & diabolum tentantem superauit. Fac me quæso discretè carnem meam castigare, tentationes vincere, & mala omnia superare, *Aue Maria.*

Obedientissima & totius sanctitatis speculum virgo Maria, gaude, quia filius tuus

tuus idem & creator tuus tibi obediuit, in nuptijs aquam conuertens in vinum. Da mihi nunc lachrymis pœnitentiæ, & aqua deuotionis ac sapientiæ indefinenter potari, vt post hanc vitam vino iucunditatis æternæ tecum merear inebriari.

Aue Maria.

Patientissima virgo Maria, spei & consolatiõnis nostræ mater, gaude, quia filius tuus mundo prædicans dæmones expulit, & infirmis sanitatem sua virtute restituit. Impetra mihi dulcissima mater, vt à vitijs & languoribus animæ cunctis merear Dei gratia sanari, & pro eius honore ac animarum salute semper verbo & exemplo feruentissimè zelari. *Aue Maria.*

Quæstiosa animarum negociatrix, virgo Maria gaude, quia filius tuus triduum mortuum, aliosq; potenter suscitauit. Oro te ò reconciliatrix miserorum, & vrbs refugij, impetra mundo veniam & gratiam, qua impij resuscitentur, iusti confirmentur, pœnitentibus augeatur gratia, & mortuis detur vita æterna, Amen.

Aue Maria.

Religiosissima mater Dei virgo Maria, gaude, quia Mariæ Magdalena, cæterisq; tunc pœnitentibus pijsimum se fons pietatis exhibuit. Da mihi iuges cum Maria Magdalena contritiõnis, deuotionisq; & amoris lachrymas, vt meipsum cognoscens funditus contemnam, & æstuantissimo corde semper aspirem ad gratiam eius tuamq; amicitiam, *Aue Maria.*

Sanctissimum Dei templum, Spiritusq; sancti sacrarium sancta Maria, gaude, quia filius tuus in monte coram discipulis est transfiguratus. O vtinam ego ab omnibus merear peccatis & vitijs expurgari, & in Deum totus transformari. Hoc impetra mihi dulcissima domina mea Sancta Maria, *Aue Maria.*

Tutissimum præsidium omnium ad te clamantium sancta Maria, gaude, quia filius tuus cum palmis Ierosolymam introductus, vrbs excidium fleuit. Fac ò pijsima, vt vilitatem & miseriam meam semper attendam, peccata mea indefinenter deseam, Dei honorem animarumq; salutem ardentissimè stitiam, & pro ijs omne tempus & omnes vires meas impendam, *Aue Maria.*

Venerabilis & singularis virgo Maria, gaude, quia à filio ad passionem ituro, olim tristissima est separata, sed modo inseparabiliter eidem coniuncta. Da mihi, vt toto corde studeam vbique meipsum funditus relinquere, abnegare & Christi vitæ ac passionibus conformare, *Aue Maria.*

ALPHABETVM SECVNDVM, HOC EST, TERTIA & quarta decas Rosarij beatissimæ virginis Mariæ, summam ea complectens quæ Christus pro nobis passus est,

Ad vulnus sinistrae manus, precatio.

DVlcissimè Domine Iesu Christe, in hoc vulnere quæso ignoscas impatientiæ atque immortificationi meæ, quomodocunque deliqui, & des mihi ex hoc vulnere mitissimam patientiam in omnibus aduersis. Tibi enim hunc offero & commendo, & me, & omnia mea tam læta, quam aduersa.

Aduocata nostra misericordissima ante Deum virgo Maria, ora pro me filiū tuum, qui in cibum corpus, & in potum sanguinem suum nobis instituit, vt ad hæc sumenda ignita me semper vis amoris impellat. Quæ vtinam profundissima humilitate, deuotissima reuerentia, & sincerissima cordis puritate me implens, vilitatem meam operiat, *Aue Maria.*

Benedictissima Dei mater, cœlorum imperatrix virgo Maria, ora pro me filium tuum, qui pedes lauit discipulorum. Vtinam & ego tibi & tuo filio humillimo ac fidelissimo corde seruiam, castissimo, purissimo, feruentissimoq; amore inseparabiliter in hæream & omni creaturæ me semper propter Deum subijciā, *Aue Maria.*

Charissima mulierum virgo Maria, ora pro me filium tuum, qui tristis vsq; ad mortem orans, & in agone sanguinem sudans, Patri se resignauit. Vtinā ego quoq; de manu eius cuncta mihi venientia accipiam, & abnegata omni proprietate me ipsum perfectissimè relinquam, exeam & in ipsum me totum projiciā, *Aue Maria.*

Dignissima & admirabilis virgo Maria, cuius filius pro me captus cæditur, & impiè tractatur. Accipe me quæso captiuum pro tuo filio, & ab omni vinculo peccatorum absolue, meq; insolubiliter amoris funibus constringe, *Aue Maria.*

Eximia proximæq; post Deū consolatio nostra virgo Maria, ora pro me filium tuum, qui pro me ad Annam velut agnus innocens inter lupos sæuientes ducitur. Annæ offertur, & à seruo vilissimo alapa cæditur. Vtinam ego quoque eius amore dura ac molesta quæcunque libenter sustineam, & vbi loquendum fuerit mansuetudinis tantum verba respondeam, *Aue Maria.*

Fidelissima pro nobis interuentrix sancta Maria, ora pro me filium tuum, qui in domo Caiphæ iniquè accusatus iniusteq; damnatus, conspuebatur, cædebatur, velabatur & per totam noctem miserabiliter angustabatur. Vtinam tantæ humilitatis, charitatis gratiam mihi infundat, qua desiderem gaudeamq; contemni, & contumelijs ac iniurijs affligi, *Aue Maria.*

Gloriosissima cœli terræq; regina sancta Maria, ora pro me filium tuum, qui coram Pilato iniquè accusatus, tacuit. Vtinam & ego non delinquam in lingua mea: sed ab omni verbo malo & ocioso abstineam, & detractationes aduersitatesq; omnes sine quærela in silentio ac mititate cordis sustineam, *Aue Maria.*

Hortus gratiarum & virtutum omnium virgo Maria, ora pro me filium tuum, qui coram Herode tacens spernitur & alba veste illusus Pilato remittitur. Vtinam ego neminem spernam, de omnibus bene sentiam, quoscunque mihi præferam, & me omnium creaturarum vilissimam semper sentiam, *Aue Maria.*

Innocentissima atque purissima Dei genitrix virgo Maria, ora pro me filium tuum nudatum, ligatum, flagellatum, sanguineq; cruentatum. Vtinam omnia hic eius flagella patientissimè sustineam, eius amorem in hoc cognoscens, ipsum benedicam, & gratias agam, & maiora adhuc pati humiliter cupiam, *Aue Maria.*

Corona sanctorum omnium, nostræq; salutis gaudium virgo Maria, ora pro me filium tuum, qui spinis coronatus, & multifariam illusus, pro me cæditur atque conspuitur. Vtinam cordi meo imprimat aded passionem suam, vt aliud nihil cogitare, nihil sentire valeam, quam ipsum Dominum Deum meum pro me crucifixum, *Aue Maria.*

Ad vulnus dextra manus, Precatio.

Dilectissime Domine Iesu Christe in hoc vulnere quaeso ignoscas cunctis actibus & operibus meis malis ac vitiosis, quibuscunque benignitatem tuam offendi: & suppleas tuis operibus virtuosus quicquid, quod interim facere debueram, neglexi, & facias ut posthac per gratiam tuam emundatus, vitae tuae sanctissimae per deuotissimam imitationem meritar conformari.

Decas IV. Pater noster.

Lecidissimum innocentiae & sanctitatis speculum virgo Maria, ora pro me filium tuum, qui portans coronam spineam & chlamydem coccineam, productus est, & in derisionem populo ostentatus. Utinam à me tollat radicitus omnem superbiam, liuorem ac malevolentiam, & infundat mihi perfectissimam humilitatem, mititatem, patientiam & charitatem. *Aue Maria.*

Molestissima Dei mater virgo Maria, ora pro me filium tuum, qui pro me ante tribunal iudicis stans, ad mortem est damnatus, & voluntati impiorum traditus, Utinam ego neminem iudicem, sed sincerissimam compatiensissimamque charitatem ad omnes seruem. *Aue Maria.*

Nobilissima, pulcherrima, omnium mulierum domina mea virgo Maria, quae filium tuum sequebaris damnatum & crucis trabe oneratum. Videbas illum verberibus & blasphemis impelli, sub onere incuruari, viribus deficere & inter suspiria ac gemitus corruere. Impetra mihi quaeso, ut crucem propriae abnegationis feruentissima semper deuotione amplectar, & vestigia filij tui tam compatiendo, quam imitando perfectissime sequar. *Aue Maria.*

Officiosissima compatiensissimamque mater virgo Maria, ora pro me filium tuum, qui pro me nudatis & renouatis vulneribus extensus crucifigitur. Utinam ego quam nihil sum verè cognoscam, vitam meam omnem & meipsum totum contemnam, & ad perfectiora semper me extendam. *Aue Maria.*

Pijissima pudicissimamque domina mea virgo Maria, ora pro me filium tuum, quem pro inimicis suis orantem, vidisti in cruce exaltati, blasphemari & exprobrari. Impetra mihi ab eodem, ut omnes inimicos meos, omnesque mihi molestos sincerissima & mitissima charitate diligam, & me contumelios atque iniurios adhuc maioribus dignum sentiam. *Aue Maria.*

Quietissima, & in aduersis tranquilla ac serena virgo Maria, ora pro me filium tuum, qui in cruce latroni paradilum promisit. Fac ut peccata mea sic desiccam, sic Deo placens inhaream, ut ex hac vita immediatè ad aeternam recipiar gloriam. *Aue Maria.*

Reuerendissima virgo Maria nostrae desolationis refugium, quae charitate vulnerata, compassioneque transfixa, dum filio in cruce pendenti gemebunda astabas, discipulo es commendata. Suscipe quaeso & me pia mater in filium, & mihi amorem infunde castissimum atque perpetuum. *Aue Maria.*

z

Sapientis-

Sapientissima virgo Maria, ora pro me filium tuum, qui propter immensos cruciatus vndique exaggeratos, in quibus erat omni consolatione destitutus etiam à Patre se derelictum clamavit: Subueni obsecro pia mater tristibus, afflictis desolatisq; omnibus, vt tua intercessione adiuti, & Dei gratia semper protegantur, & diuinis consolationibus implentur. *Aue Maria.*

Tristissima inter omnes matres virgo Maria, ora pro me filium tuum, cui in aridissima siti felle & aceto potato, tu subuenire non potuisti: Vtinam in me sitim carnalis & mundanæ concupiscentiæ, omniumq; vitiorum extinguat, quo fastidiam terrena omnia, & sciam anhelemq; ad cœlestia. *Aue Maria.*

Vera & vnica spes nostra post Deum virgo Maria, ora pro me filium tuum, quæ illum audisti elamantem: *Consummatum est.* Fac me omnes actus, cogitatus & motus animæ & corporis mei purè semper in Deum dirigere, & in Dei timore cum perfectissima profundissimâq; humilitate, mititate ac charitate omnem vitam meam fœliciter consummare. *Aue Maria.*

Ad vulnus amantissimi cordis Iesu, Precatio.

O Dulcissime Domine Iesu Christe, in hoc vulnere quæso ignoscas quidquid voluntate mala aut intentione non sincera contra te deliqui, & offero tibi cor meum vt illud cordi tuo vnias, vt te solum in omnibus purè queram & intendam & aliam præter tuam voluntatem post hac nullam habeam.

Decas. V. Pater noster.

A mabilissima virgo Maria, qui neminem spernis neminem excludis, per mortem vnigeniti tui, qui clamore valido & lachrymis se Patri commendans, tradidit spiritum, obsecro te vt facias me mundo, mihi ipsi, omnibusq; extra Deum mori: illi vero soli viuere: vt præter ipsum nil sciam, & neq; viuens, neq; moriens ab eo separari aut elongari valeam. *Aue Maria.*

Benignissima ac mitissima virgo Maria, ora pro me filium tuum, cuius latus & cor lancea militis aperuit, vnde sanguis manauit & aqua. Vtinam cor meum ignita vis diuini amoris penetrat, vulneret, purget & inflammet, vt aliud nil cogitem, nil desiderem nisi Dominum Deum meum & te piissimam eius matrem. *Aue Maria.*

Clementissima virgo Maria, ora pro me filium tuum, quem de cruce tibi redditum plangens, amorosis labijs oscularis. Impetra mihi eius passionem & vulnera in corde iugiter recolendo portare, & in cruce perfectissimæ abnegationis eius amore vitro & vsq; in finem perseverare. *Aue Maria.*

Dulcissima consolatrix domina mea virgo Maria, ora pro me filium tuum, qui dignatus est pro me aromatibus condiri, syndone inuolui, & sepeliri. Fac vt ipse mentem meam in se ab omnibus sensibilibus abstrahat, solus ipse possideat, sibi vniat omniumq; me extra se obliuisci ac omnibus mori faciat. *Aue Maria.*

Gaudia precipua qua habuit beatissima Virgo Maria ex filij sui resurrectione, ascensione, Spiritus sancti missione, & sui glorificatione.

Expectata mundi consolatio virgo Maria, nunc iterum gaude quia filius tuus potenter ad inferna descendit, & de hoste triumphans, amicos inde suos liberauit. O mater misericordiae ora pro omnibus fidelibus defunctis, ut illis succurrat diuinæ pietatis miseratio, eos eripiat eius præciosi sanguinis effusio atq; amara passio. *Aue Maria.*

Formosa, candida atq; omnium venustissima domina mea virgo Maria, gaude quia filius tuus à morte resurgens tibi gloriosus apparuit. Fac me quæso nunc per gratiam resurgere ad perfectionem omnium virtutum, ut in nouissima resurrectione inueniar tecum à dextris in confortio omnium beatorum. *Aue Maria.*

Gratiola & omnium oculis desideratissima virgo Maria gaude, quia filium tuum vidisti ascendentem in cælum cum exercitu sanctorum patrum in iubilatione angelorum. Impetra mihi à filio tuo, ut cor meum post se trahat, & nihil in hoc mundo me afficiat: sed in ipso solo quiescam, viuam & gaudeam. *Aue Maria.*

Humilima & sublimissima virgo Maria gaude, quia Spiritum sanctum filius tuus in mundum effudit. Fac pia mater, ut Spiritu sancto repleamerear, & in statu mansibilis gratiæ totus constituam. *Aue Maria.*

Intemerata immarcescibilisq; paradisi rosa, angelorum regina, Trinitati proxima gaude, quia filius tuus corpore & anima te assumptam & supremo in solio coronatam glorificauit. Ora quæso pro vniuerso mundo, quia mater es misericordiae. *Aue Maria.*

Lætitia cælestium virgo Maria, cuius gaudia, nunquam deficiunt, sed crescunt, cui filius nihil negat gaude, quia filius tuus iudicaturus est viuos & mortuos. Impetra nobis omnibus o piissima hic veram pœnitentiam, & omnium peccatorum nostrorum plenam indulgentiam, ut de morte transeamus non ad iudicium, sed ad beatitudinis gloriam:

Cui non administratur deuotio tanta, aut tempus non suppetit, ut articulos orationesq; legat, potest adiectos in fronte articuloꝝ superlatiuos duntaxat legere, eosq; salutationi angelicæ præmittere, qui lectoris memoriam iuuant dum salutationum numerum ordine signant alphabeti: Verbi gratia, ut dicatur: Aue amabilissima virgo Maria ab initio & ante secula creata ab æternis electa &c. gratia plena &c.

Aue beatissima virgo Maria, dignior cunctis, sanctior vniuersis, gratia plena. Aue castissima virgo Maria sine viro foecunda, gratia plena. Hocq; modo vsq; ad V. quæ est XX. litera p̄sequenda erit in omnibus. Et in hoc casu solo angelicæ salutationes precedere debent articulos: alias, articulos sequentur salutationes angelicæ.

ROSARIUM MYSTI-
cum de præcellentijs, donis,
gratijsque beatissimæ Ma-
riæ Magdalena à Deo
collatis.

Decas I.

*Pater noster. Ave Maria & c. Iesus
Christus.*

Qui beatam Mariam Magdalena
ab aeterno saluandam prædesti-
navit.

*Ave Maria, & c. Iesus Christus, Qui B.
Mariam Magdalenam, cadere, vt
fortius eā resuscitaret, permisit.*

*Ave Maria, & c. Iesus Christus, Cuius
sermone B. M. Magdalena
suauiter audiuit.*

*Ave Maria & c. Iesus Christus, Qui
cor B. Mariæ Magdalena benigno
respectu illustravit.*

*Ave Maria, & c. Iesus Christus, Qui
vitæ prioris displicentiam B. Ma-
riæ Magdalena in fudit.*

*Ave Maria, & c. Iesus Christus, Qui
cor B. Mariæ Magdalena compun-
ctione sancta, & sui amore vulne-
rauit.*

*Ave Maria, & c. Iesus Christus, Qui B.
Mariam Magdalenam vt ad do-
mum veniret Simonis, inspiran-
do vocavit.*

*Ave Maria, & c. Iesus Christus, Ad
cuius pedes retro B. Maria Mag-
dalena verecunda procidit.*

*Ave Maria, & c. Iesus Christus, Cuius
pedes lachrymis B. Maria Ma-
gdalena compuncta lauit.*

*Ave Maria, & c. Iesus Christus, Cuius
pedes capillis suis B. Maria Ma-
gdalena terfit.*

Decas II.

*Pater noster. Ave Maria, & c. Iesus
Christus.*

Cuius pedes osculis dulcibus B.
Maria Magdalena demulserit.

*Ave Maria, & c. Iesus Christus, Cuius
pedes deuota B. Maria Magdalena
vnxit.*

*Ave Maria, & c. Iesus Christus, Qui à
Pharisæo B. Mariam Magdalenam
excusauit.*

*Ave Maria, & c. Iesus Christus, Qui B.
Mariæ Magdalena omnia pecca-
ta remisit.*

*Ave Maria, & c. Iesus Christus, Qui B.
Mariam Magdalenam æthiopi-
sam in candidissimam, columbā
mutauit.*

*Ave Maria, & c. Iesus Christus, Cuius
amori & obsequijs B. Maria ma-
gdalena se totam mancipauit.*

*Ave Maria, & c. Iesus Christus, Cuius
sermone vt audiret deuotissi-
me B. Maria Magdalena, sequen-
ta est.*

*Ave Maria, & c. Iesus Christus, Cuius
miraculis oblectata, B. Maria Ma-
gdalena gratulabatur.*

*Ave Maria, & c. Iesus Christus, Qui
B. Mariæ Magdalena sororem &
fratrem dilexit.*

*Ave Maria, & c. Iesus Christus, Qui
ad sororis quærimoniam B. Ma-
riam Magdalenam excusauit.*

Decas III.

*Pater noster. Ave Maria, & c. Iesus
Christus.*

Cui B. Maria Magdalena fratris
obitum nunciavit.

*Ave Maria, & c. Iesus Christus, Qui B.
Mariam Magdalenam videns stē-
tem, collachrymarus est.*

*Ave Maria, & c. Iesus Christus, Qui
B. Mariæ Magdalena amore, de-
functum eius fratrem resuscita-
uit.*

*Ave Maria, & c. Iesus Christus, Cui
B. Maria Magdalena caput & pe-
des vnxit.*

Ave

- Aue Maria, &c. Iesus Christus, Qui B. Mariam Magdalenam à discipulorum murmure defendit.
- Aue Maria, &c. Iesus Christus, Cui patenti B. Maria Magdalena fidelissima astitit.
- Aue Maria, &c. Iesus Christus, Ex cuius passione B. Maria Magdalena vehementer fuit vulnerata.
- Aue Maria, &c. Iesus Christus, Cuius matrem B. Maria Magdalena usque ad mortem Iesu est comitata.
- Aue Maria, &c. Iesus Christus, A cuius sepulchro B. Maria Magdalena tristis recessit.
- Aue Maria, &c. Iesus Christus, Ad cuius sepulchrum post sabbatum B. Maria Magdalena cum vnguētis mane venit.
- Decas. IV.
- Pater noster. Aue Maria, &c. Iesus Christus.*
- Q**uem in sepulchro non inueniēs B. Maria Magdalena ablatum putauit.
- Aue Maria, &c. Iesus Christus, Quē inter lachrymas & gemitus B. Maria Magdalena quaesuit.
- Aue Maria, &c. Iesus Christus, Qui B. Marię Magdalene in specie hortolani apparuit.
- Aue Maria, &c. Iesus Christus, Qui B. Mariam Magdalenam de sua resurrectione certiore fecit.
- Aue Maria, &c. Iesus Christus, Qui B. Mariam Magdalenam ad Apostolos mittens, Apostolorum Apostolam fecit.
- Aue Maria, &c. Iesus Christus, Qui B. Maria Magdalena vidente & gratulante, ccelos ascendit.
- Aue Maria, &c. Iesus Christus, Qui B. Maria Magdalene ut alijs credentibus Spiritum sanctū misit.
- Aue Maria, &c. Iesus Christus, Qui B. Mariam Magdalenam ut Hierosolymam ante excidium relinqueret, pramonuit.
- Aue Maria, &c. Iesus Christus, Qui B. Mariam Magdalenam in Aquitaniam misit.
- Aue Maria, &c. Iesus Christus, Cuius Euangelium B. Maria Magdalena predicauit.
- Decas. V.
- Pater noster. Aue Maria, &c. Iesus Christus.*
- I**n cuius nomine & virtute B. Maria Magdalena miracula fecit.
- Aue Maria, &c. Iesus Christus, Cuius amore, mundum pertaxa B. Maria Magdalena reliquit.
- Aue Maria, &c. Iesus Christus, Cui soli ut vacaret B. Maria Magdalena, in specum secretissimum se abdidit.
- Aue Maria, &c. Iesus Christus, Cui per triginta annos B. Maria Magdalena mudo incognita seruiuit.
- Aue Maria, &c. Iesus Christus, Cuius amore toridem annis B. Maria Magdalena in dura penitentia se afflixit.
- Aue Maria, &c. Iesus Christus, Quo conseruante B. Maria Magdalena tot annis absq; cibo humano vixit.
- Aue Maria, &c. Iesus Christus, Qui septem horis quotidie B. Mariam Magdalenam ad æthera sustulit.
- Aue Maria, &c. Iesus Christus, Qui post triginta annos B. Mariam Magdalenam per sanctum maximum viatico cibauit.
- Aue Maria, &c. Iesus Christus, Qui B. Mariam Magdalenam ad celestem gloriam assumpsit.
- Aue Maria, &c. Iesus Christus, Qui B. Mariam Magdalenam venerantibus salutē & benedictiā multa largitur.

Antiphona.

Quam dives es Domine in miserationibus tuis, qui tuæ pietatis viscera in miseros abundanter effundis: Nam oculo clementiæ dissimulas quotidie peccata nostra, nosq; prævaricantes. O misericors miserere, & delictis nostris ignosce: quoniam Beatæ Mariæ Magdalenzæ lacrymas in dulces tibi conuertisti epulas, eandemq; participem non solum veniæ, sed omnis etiam gratiæ atque tuæ amicitiz tu fecisti consortem.

Versus. Dimissa sunt ei peccata multa, *Respon.* Quoniam dilexit multum.

Oratio.

Domine qui beatam Mariam Magdalenam ex vitiorum fordibus ereptam, candidam atq; tui amore flagrantissimam fecisti: Da nobis eius intercessione & de peccatis nostris vera contritione semper per compungi, & tui castissimo amore indies igniri. Per Dominum nostrum Iesum Christum filium tuum.

Effusio cordis ad B. Virginem Mariam ob necem Christi.

Heu mater mea suavissima, quanta est duritia cordis mei, quanta ariditas mentis meæ, quanta oculorum meorum siccitas, quod non fleam, non gemam, non lugeam tecum ob filij tui horrendam & contemptibilissimam mortem: quandoquidem ego, ego inquam ipse, omnis tibi sum calamitatis, desolationis & tristitiæ, causa. Quis enim mi Domina, abstulit à te filium tuum? Quis beata mater interfecit dilectum tuum? Cui vis indignari? cui irasci? Nonne meritò mihi? O misericordissima Domina mea, fateor quidem, nec diffiteri possum, peccata mea occiderunt filium tuum: imò & ipsius diuinissimam charitas, qua me & cæteros peccatores adeò dilexit, ut nec tibi parceret condoleat, nec sibi gravissimè patienti, ad mortem eum pertraxit. Itaq; pia mater qui tantorum tibi causa sui dolorum, quiq; propter me & scelera mea unico tuo es orbata filio, flere dignare cordis mei duritiam poenis illis vehementissimis, quibus in morte filij affecta fuisti, ut tibi condolere, tecum lachrymani possim.

Sed heu me mater præcharissima, quomodo dolebo vicem tuam, quomodo ob tuos acutissimos plorabo dolores, qui nec meipsum nec propria satis deploro peccata atq; flagitia? Heu heu, vbi sunt lachrymæ meæ, vbi gemitus, vbi dolor, vbi cordis afflictio? Quomodo tam repente omni lapide factus sum durior, terra stupidior, ipsiq; mortuis insensibilior? Quomodo ô mater pudicissima cor meum sic obduruit, sic peccati frigore est congelatum, sic impietate saxum est factum? O vrinam in me impleatur, quod olim per Prophetam promissum est, ut tollatur à me cor meum lapideum, & detur mihi cor carneum, cor pium & sanctum, & ad omne beneplacitum Dei implendum promptum ac expeditum,

dicum, vt iugiter te cum omnibus electis Dei, laudem, propriam miseriam digne deplem, & alienam infelicitatem deplangam, Amen.

Pro felici morte ad B. Virginem Mariam, Precatio.

O Domina mea amantissima, tuis sanctissimis intercedentibus meritis fac me ita religiose & pie viuere, tam fideliter tuo filio & tibi seruire, tam ardentissima & insensissima charitate Deum & proximum diligere, vt nihil damnabile vel purgabile habeam de hoc mundo transiturus: sed in sanguine dilecti filij tui lotus, ac in vulneribus eius sacratissimis sepultus, pretiosissimaque eius morte viuificatus, & tuis meritis abundantissimis stipatus, nullas inimicorum pertimescam insidias, verum cum gaudio à te perducì & in conspectu benedictissimi filij tui latus presentari, atque sine fine tecum commorari merear: vbi incomprehensibilis illa lux oritur, quæ nunquam occidit: vbi ineffabilis pax colitur, quam nulla turbatio interemit: vbi fontana illa omnis boni abyssus scaturit, quam nemo exhaurire sufficit: vbi diuina Maiestas æterna requie omnia continet: vbi diuina Veritas perenniter lucet: vbi diuina charitas æternæ consolationis dulcedine semper rorat: Vbi B. Trinitas semper viuít & regnat Deus in substantia vnus, & in personis trinus, Pater, Filius & Spiritus sanctus, Per infinita seculorum secula, Amen.

Alia pro eadem

Ad pedes sanctitatis tuæ imperatrix cælorum confugio per omnem gratiam & gloriam, quam tibi filius tuus contulit, supplico, vt non derelinquas me in mortis hora, sed assistas mihi tunc & in omni angustia ac tentatione protectrix & liberatrix misericordissima. Impetra etiam mihi talem inuenire gratiam apud filium tuum, vt in hac presentis vita tantam mihi det peccatorum meorum contritionem, vt plenam ante animæ meæ egressum, percipiam culpæ & pænæ remissionem, propter mortem suam & sanctitatem tuam, dulcissima mater & Domina mea sanctissima Virgo Maria, Amen.

Vt B. Maria in suam curam migrantem animam suscipiat, Precatio.

O Clementissima Domina mea sancta Maria, omnium Christianorum aduocata & interuentrix fidelissima, rogo te per cuncta merita tua eximia, quibus Deo maximè placuisti, & per singula obsequia, quæ benedicto filio tuo gratiosissimè exhibuisti, atque per omnes lachrymas, quas in passione eius amarissime effudisti, quatenus mei pauperis misereri digneris, & iuxta solitam tuam clementiam & pietatem tuam maternam me suscipias curam, atque in eorum me associates numerum seruulorum qui singulari amore te prosequuntur, omniaque sua exercitia in tuam referant gloriam.

O vnica spes mea post filium tuum gloriosa virgo Maria, non me derelinquas in horrenda mortis hora: sed tunc & in omni tentatione & angustia adesto mihi protectrix fidelissima, consolatrix suavissima, mater gratiosissima

fissima, perducens animam meam egredientem de corpore meo immediate ad gaudia sempiterna Amen.

Salutatio ad B. Virginem Mariam efficacissima.

Quot maris sunt guttae, caeli stellae, quot beatorum spirituum agmina, quot arborum folia & terrae gramina, toties ex intimo cordis mei te saluto, o nobilissima, electissima, pulcherrima, gloriosissima atque dignissima mater Dei, caeli regina praeclarissima, amabilissima, domina atque dulcissima mea virgo Maria. Saluto autem te in vnione amoris & per cor dilecti filij tui atque omnium te amantium, meque tibi commendo, atque in proprium filium me tibi assigno. Opto etiam vt tu me suscipias & apud Deum facias vt totus sim tuus, tu tota sis mea, post Deum domina, gaudium meum & corona ac mater mea dulcissima atque fidelissima Amen.

Gloriosa Virgo Maria his frequenter compellanda est verbis,

Sub tuum praesidium confugio sanctissima Dei genitrix virgo Maria: tu ab omni peccato, ab hoste maligno, ab omni periculo animae & corporis libera & defende me: in hora quoque mortis meae esto mihi benigna & misericors, animamque meam de corpore discedentem mox conspectui Dei repraesenta, Amen.

Libri II. FINIS.

D. IOAN: IVSTI LANSPERGII,
Carthusiani, in Librum centum & quinquaginta Theoriarum.

PRAEFATIO.

In charitate perpetua dilexi te, ideo attraxi te, miserans tui. *Hieremiae XXXI.*
Aethi de ortu, vita, passione glorificationeque Domini nostri Iesu Christi, pijsimaeque matris eius, cum primis operae precium fuerit ob oculos constituere, paucisque enucleare, quanta sit virtus vitae passionisque Christi, quanta ibi lateat gratia, quantus inde fructus proveniat, quantus denique eadem sedulo meditati, obtineatur utilitas, tametsi multi ea de re, idque doctissime, scripserint, nemo potuit tamen id vnquam satis haecenus, vt ipse